



聖人言行

行 可 為 表

言 可 為 坊

西 曆 十 月

MG  
B979.9  
23  
:10



3 1773 2198 5

# 聖人言行

行  
可  
為  
表

言  
可  
為  
坊

西曆十月

NAZARETH 1927.

天主降生一千九百二十七年

香 港 主 教 恩 准

香港納匝肋靜院重印

聖人言行新編 西曆十月聖人名目錄

一日

聖勒彌 主教

一張

聖女葉尼彌 童貞

七張

二日

護守天神瞻禮

十一張

聖巴翁 獨修

十七張

三日

真福若望瑪西亞 隱修

二十五張

聖福爾喜 獨修

三十張

四日

五傷聖方濟各 會祖

三十六張

五日

聖罷納齊篤與列位同伴致命

六十七張

聖女花 童貞

六十九張

六日

聖布路諾 會祖

七十七張

七日

聖瑟爾日聖罷各 致命

八十八張

聖女如斯弟納 童貞致命

九十張

聖瑪達斐 主教

九十一張

八日

聖婦彼理使大 守節

九十七張

聖女俾辣日亞 苦修

一百〇二張

九日

聖弟阿尼恤主教同列聖 致命

一百〇九張

聖類斯 伯爾當 顯修

一百一十二張

十日

聖方濟各 玻爾日亞 顯修

一百二十張

十一日

聖達辣閣與列位同伴 致命

一百三十二張

十二日

聖葉德位

國王

一百四十五張

聖女歐瑟碧亞與列位同伴

致命

一百四十七張

十三日

聖赫都哇第三

國王

一百五十四張

聖大尼額爾與列位同伴

致命

一百五十八張

十四日

聖嘉理斯度教宗同列位神父教友致命

一百六十四張

聖女默肋胡

童貞

一百六十九張

十五日

聖女德肋撒

童貞

一百七十四張

十六日

聖艾爾

隱修

一百九十七張

聖白爾家

隱修

二百〇二張

十七日

聖婦葉得未日

守節

二百〇八張

真福瑪加利大瑪利亞

二百一十二張

十八日

聖路加 聖史

二百三十一張

聖安德肋 致命

二百三十四張

聖女徐理納 童貞致命

二百三十六張

十九日

聖伯多祿 由亞爾綱大納 顯修

二百四十張

聖安多尼格 聖婦亞大納濟 夫婦隱修

二百四十四張

二十日

聖若望 根地 鐸德

二百五十一張

聖家伯納 聖女信德等 致命

二百五十三張

廿一日

聖喜辣戀 隱修

二百六十一張

聖女王爾遂肋與列位同伴聖女童貞致命

二百六十八張

廿二日 聖雅伯爾斯

主教

二百七十三張

聖斐理伯

主教同列聖致命

二百八十一張

廿三日 聖斯物林

主教

二百八十九張

眞福若望

苦修補贖

二百九十一張

廿四日 聖瑪爾定

隱修

二百九十九張

聖物爾斐

隱修

三百〇三張

廿五日 聖基三多

聖婦達理亞

夫婦致命

三百一十二張

聖格肋斯賓

聖格肋斯比年

昆仲致命

三百一十四張

廿六日 眞福博納文都

顯修

三百二十張

聖多明祿

致命

三百二十四張

廿七日 聖文生爵 聖女撒卑納等 致命

三百三十張

真福葉肋斯邦 國王

三百三十三張

廿八日 聖西滿聖達陡 宗徒

三百三十八張

聖雅爾俸 羅弟厄斯 顯修

三百三十九張

廿九日 聖熱爾瑪諾 由孟縛爾 隱修

三百四十九張

聖撒爾福 主教

三百五十二張

聖女赫默林 童貞

三百五十五張

三十日 真福盎日樂 顯修

三百六十張

聖瑪瑟祿同十二子 致命

三百六十三張

卅一日 聖剛定 致命

三百六十八張

聖物爾昂主教

三百六十九張

聖人言行 目錄

七

十月每日切想目錄

- |    |                  |        |
|----|------------------|--------|
| 一日 | 罪人當輕其所愛當愛其所輕     | 八張     |
| 二日 | 回頭者必竭力補償犯天主傷人之前非 | 二十一張   |
| 三日 | 首論哀矜             | 三十二張   |
| 四日 | 聖方濟各曰汗水我賣於天主不賣於人 | 六十四張   |
| 五日 | 聖人之慕身死吾人可效學      | 七十四張   |
| 六日 | 聖人們識天主識己之實學      | 八十四張   |
| 七日 | 施於主必受施於主         | 九十四張   |
| 八日 | 俗子謀事巧於光明子        | 一百〇六張  |
| 九日 | 二續哀矜             | 一百一十六張 |

十日	親朋死後吾人當服於天主聖意之下	一百二十八張
十一日	三續哀矜	一百四十一張
十二日	致命者名雖不列於聖人之冊却皆同天主享福	一百零五張
十三日	君王人牧也當有善牧之才德	一百六十張
十四日	四續哀矜	一百七十張
十五日	論撒瑪理婦之言曰請與我此水	一百九十二張
十六日	童貞之妙榮	二百〇四張
十七日	首論聖心	二百二十七張
十八日	二論聖心	二百三十七張
十九日	三論聖心	二百四十八張

二十日 四論聖心

二百五十七張

廿一日 越物慕永福之善

二百六十八張

廿二日 勿以聖事界犬

二百八十四張

廿三日 末論聖心

二百九十六張

廿四日 納鐸德者福不納者禍

三百〇七張

廿五日 五續哀矜

三百一十六張

廿六日 六續哀矜

三百二十六張

廿七日 七續哀矜

三百三十五張

廿八日 八續哀矜

三百四十五張

廿九日 九續哀矜


三百五十六張

三十日 十續哀矜

三百六十五張

卅一日 信輩當敬愛傳教於本地之鐸德

三百七十一張



此月頭個主日辦玫瑰瞻禮可讀八月內論玫瑰各切想

一日 聖勒彌

古書記聖人之言行如左

西曆畧四百四十年華北宋初年法國郎城太守名葉彌理妻名色理尼夫婦家貴德榮生育兩子長名白恒西比後當所亞宋鑿牧成大功聖教敬之於九月二十五日次子為官娶妻生子女皆習善不提葉彌理與色理尼年至五六旬獨專善功一日有某隱士來見告曰奉上主命報爾夫婦以大喜事爾雖年邁却將生一子其子後來為此國之光亮次年夫人果生一兒取名勒彌父母養之如天主所托之寶勒彌自孩年言語舉止端正讀書敏捷操德恒志二十餘歲入神品陞神父隨推為狼士城鑿牧父母身故畧在此時母親遺善名於後世聖教敬之於本月二十一日

館圖書藏

且說勒彌當主教，異德驚動法地。或逐魔醫瞽目，或畫聖號而滿空桶以美酒。一日某官病沉重，主教見其危，即欲傳終油。但無聖油在前，主教誦經後，只見案上有聖油一小盒，以之傳病人，而病人即時身安。又一日城中起大火，主教端步行走各街，所到之地畫十字聖號而火即滅。某年有一幼女爲魔鬼所憑，父母將他送到狼士城主教堂來，求主教救之。主教誦經後，命鬼出奔，惡魔當時如命。但幼女爲他苦了數年，彼時身體至弱，猶未過一點鐘氣絕而亡。母親再去哀求聖人，主教復來，跪地誦經後，因耶穌聖名命亡者復活，而幼女即時起來無恙。

彼時法皇閣樂位司未曾奉聖教，但每每禮待各方主教神父，主教中特敬

聖勒彌國后閣樂弟德

六月三日

全心事真主，時常祈求化君夫之心歸正。西

曆四百九十六年。日爾曼軍侵界。帝帶兵迎敵。某日交戰。敗陣而退。正在心急無法。有奉教忠臣奏曰。陛下依國后之言。許愿信從天主。天主必助陛下得勝。帝然其言。在馬上大聲實心許此愿。言未訖。事局即變。法軍整陣。救駕後兵將憤勇上前。一兩點鐘之時。殺得敵軍屍橫遍野。日爾曼王死於陣。餘存之兵將投降。此後法帝不失言。初以聖瓦斯得爲師學習道理。究竟東方平息回京。國后請勒彌主教入朝。經管帝領洗之事。聖人歡樂即至。每日講道理訓君勸臣。有大小將許多信服。願從帝奉聖教。主教定聖誕瞻禮爲君臣領洗之期。瞻禮之前夜。帝與后集衆大將聽聖道。主教講天主聖子降生救贖人類之妙恩。君臣無不樂心恭聽。忽然聖堂內大光輝耀。美香噴射。異聲由上說道。和平於爾衆。恒存我聖愛。維時聖人

顏容光榮如日。帝后與臣衆驚訝膝跪不動。聖人若魂超明聲預言後事。說法地世世有榮。只須其帝自視如天地大君之臣。忠心事主。竭力保護聖教。天主必特意福榮之云。

次日聖誕瞻禮。京城街道各色帳幔旗旛裝飾的熱鬧至極。帝出殿上馬向聖堂而行。國后坐車從之。大小將數千奉陪。士庶踴躍一路呼萬歲。聖鞠彌在經堂門外接駕。迎帝后入內。聖堂取拾得十分華美。帝心樂甚。謂主教曰。所言之天國。是否此。主教應道。非也。惟升天之路也。少焉行付洗之禮。主教謂帝曰。陛下請俯首。前所敬者菩薩須燬。所燬者聖堂聖物須敬。帝曰。然。遂俯首領洗。聖人欲揉帝以聖油完禮。但覺聖油不在。忽見白鴿飛下嘴。啣小玻璃瓶。恭呈聖人。聖人手接細看。即是天降之妙油。帝后與各將目

視此聖蹟皆大樂讚頌天主之慈愛。聖人用此油搽帝之頭額。時白鴿輕飛圍繞在上。禮畢。即不見。是日大小將分次領洗。軍民無數繼之。白鴿所啣天來之玻璃瓶高畧一寸四分。隨後製一金鴿身勢若飛。背着金盤似像一大朶玫瑰。上下飾以至貴之明珠。聖瓶嵌在玫瑰心內。法皇世世行加冠之禮。主教每次以金針取瓶內之油些須和於常用之聖油而搽新帝之額。一千三百年如是。不幸一百年前寇賊入狼士城聖勒彌經堂。將聖瓶捶爛。金盤偷去。以後雖再作此聖物照古時模樣而存之。却天鴿所呈之原瓶未見。

話說法帝領洗後尙在位十五年。愛敬聖人如父。閣樂位斯崩駕之年。通國之鑒牧聚集議聖教內事。有從亞里無斯裂教之某主教畏聖勒彌道之

真實，而屢顯憎恨聖人之意。天主罰他舌結不能言。當時自明己罪，來聖人前施禮筆寫請赦罪，求轉達主前以治其病。聖人說道：兄設若棄邪歸正，弟願力助轉達。若仍舊奉邪背正，弟不能代爲祈禱。恐兄復能語言而再行蠱惑信輩。主教筆寫棄裂道之據。書畢，即時語言如常。

聖人壽九旬，目瞽多病。外不能任聖事如前。惟在內獻其苦於上主，而以忍耐精其功勞。畢竟蒙主默示，知道不日將亡，並獲雙目復明，能獻聖祭。過兩三日，領聖事福終。

時西曆五百三十三，華梁武帝三十一年。墓前顯聖跡甚多。法民時時敬聖人不忘。

聖女葉尼彌

童貞

古書記聖女  
行爲如左

西曆六百餘年，華隨文帝年間，法帝閣樂得赫第二

閣樂位  
司之孫

之女名葉尼彌

自孩提貞德不凡。某年奉帝命將出嫁於某諸侯。憂甚朝夕祈禱，望主教其貞潔。一日忽然生痲瘋病，模樣難看，不但不心愁，而且神樂感恩。帝無奈，只得退親事。公主忍當艱難數年，然後受主默示曰：去忙得之地在布爾泉洗身，痲瘋必愈。公主以此事告國母。帝知道此事，派心腹大員送公主行到法南忙得之地去。大員奉上命送公主到布爾泉。公主誦經後用泉水洗身，而病即愈。謝恩後上路向京都而行。但見舊病復生，便回布爾泉。復再洗身而身潔。復再北面而行，又見痲瘋再三復生，乃明悉天主聖意，命他操德在此地勿回皇宮。甘心服於主之聖意。洗身治病後，建造一

靜院在布爾泉邊隱修。跟隨之。囊中數人願從爲徒。帝后聞信不敢不  
准。乃施田土與新院作衆女之養費。葉尼彌在此習善多年纔卸世升天。  
方中人敬愛。時時求其轉達。

切想

前所敬者須燬。所燬者須敬。

聖勒彌訓誨法帝此數字。乃各方各世靈牧所用訓誨教內教外人之言。見  
異教背却真主宰信敬菩薩。卽勸他敬其所背。背其所敬。或見信輩不守  
規誡。事事從邪慾。卽念聖保祿宗徒之言曰。邪淫慳吝之徒。乃菩薩之奴。  
是以勸斯人如勸異教曰。爾所從者當背。所背者當從。法帝聞聖人之言  
應曰。然。如言。願改志向棄假奉真。靈牧各方各時所勸教外教內之人本

亦當從其言。但不聽者甚多。異教士庶雖耳聞聖道目覩聖書，而實若無目無耳。迷然從其無理之祖傳，恨正顧邪。教內無德之信輩，雖明別正邪，却奴於心之慾而從邪背正。斯人驗聖保祿之言，以肚腹爲主，以永生爲終。

信輩，我衆當自察其心。所從者誰。天主耶、魔鬼耶、正耶、邪耶、信德耶、私慾耶。若從慾犯規誡，與菩薩之奴何異哉。菩薩奴僕之罪愈大，或我之罪愈大耶。我罪愈大無疑。異教獲罪於所不識之主宰。我開罪於我明識之天主。異教見苦像不知被釘者何人，受釘何故。雖譏誚辱罵，其惡比較還輕。我見則知是天主聖子爲我苦死。我從惡復再釘死恩主。其惡如何，請細想之。信輩，異教不聽勸，我當順靈牧訓誨，燬昔所敬，敬昔所燬。當甘心效學。

法帝答曰然。我日前從慾背主，此後我必克慾從主。志定而實之於行，可復聖恩立功得永賞。

省察 我名爲信輩，實而誰從。正耶邪耶，主耶魔耶。從魔，則我罪比異教之罪愈大。

定志 我若幸從正，以後必愈確愈正。若先從惡，此後必背惡從正。

二日 護守天神瞻禮

今日可讀九月十二  
與二十九兩日正傳

昔日依臘爾民困苦爲奴。天主委每瑟聖人救之。出厄日多。進家納央福地。因路途遙遠。讐仇兇猛。主訓依臘爾曰。我遣我使神爲爾前導。一路護守爾。引爾進我所許之地。爾當從其命令。勿違。使神奉我。旨居住民中。爾若犯之。伊必不寬宥。若遵其令。承行我旨。讐爾者。我讐之。出谷記二十三章二十節依臘爾初則歡喜。許從命。繼則固執。違逆不堪。屢招重罰。竄流於曠野四十年。若事事奉命。必不艱難如是。諒可早到福地安息。

人生此世。正可比依臘爾之行路。到福地。升天之路程。且遠且難。讐仇甚多。世人又智短力弱。豈能勝過惡仇。而到永安哉。若獨行此路。無保護。難免不敗於魔鬼之兇惡。而成其奴。是故天主仁慈。遣使神爲我等之護庇。一

路相伴相顧。並謂各人曰。我遣我使神一路伴爾同行。爾當從其命令勿違。爾若背逆。伊必不寬容。泣哉世人之昏迷。雖知依臘爾昔日所招之罰。却時常效尤同罪。不從護守天神之密訓於心。而放肆行惡懈怠於善。特此身後在煉獄辛苦。或未得罪赦在臨終。而墮於地獄。永不能到天國福地。惟熱切信輩敬愛護守天神。敬聆其善誨。避惡行善。竟免後世之禍害。早得常生。讀聖經出谷記書。凡見依臘爾行事之無理。難以不責他。鉄頭石心自招其禍。信輩將來若不幸墮於地獄。永必自責。因昔日無智。可從護守天神於善而未之從故也。請衆勿待至死後而思之。現今細想此事。尙可免永禍就天福。

或曰。天神異能奇力。各人既有護守天神。何至彼死於非命。此落於大罪失

常生。豈非天神無意於救人。或有此意而能力不足。曰。天主造萬物。萬物各有定法。此法天神魔鬼不能隨意廢弛。比如一人不善浮水。落深水處。本當淹死。身體不能當火之烈。落於火必焚死。人身重而不堅。由高處跌落。必見重傷或廢命。人身臟腑關竅要緊。不可有缺。以毒藥刀矛槍炮傷壞一關一腑。人當斃命。天神在人身邊能救之於各險無疑。比如能阻之落於水於火於高巖。或使落於火而不受火之害。落於水而不淹死。於高巖而不傷身。亦能阻行凶者之器械中擊人身等情。但天主聖意要各人行事自量事之善惡吉凶。平常不准天神魔鬼自專於其外事。亦要人事照常例而成。事有其固然。必當有其所以然。不准亂其公法。或時准之。即是聖蹟。而聖跡希疎。是以天神素常不能用其志力救人於凶危。人細查

其固然可推出其所以然而知其事之可行與否。天神亦可默示於人心。密訓於當行當止之事。如是足也。護守人之責任滿也。一面各人自主之權存也。天主開闢時所定萬物之性例亦全也。

再者人由靈魂肉身而成。其大者非肉軀而靈魂也。天主遣使神護守人在世。以保全其身體爲小事。以導其靈魂行善路爲大事。使神之首任非救人於痛苦身死。惟訓人善用現時之苦。善生福終而到天國。俗人說死於非命之言虛也。天主臺前無正命非命之別。奉正道領祕跡守規誡無重罪在身而亡。卽是福終。雖死於水於火於惡匪之刀下。於野獸之爪牙等凶猛之機遇。却得免地獄之永刑。早遲必享榮貴在天。福無比焉。此真實天命也。護守天神盡心助各人奉之無疑。

論人之落於罪失天國一事。此乃人之自主所致。某人定志操善。鬼魔只能誘惑。不能強他廢志。某人決意偏惡。天神可提醒於內勸勵改途。但不能強他歸善。此乃人生來之尊貴。雖卑賤微末。雖受刑身死。却意志可抗拒神人而始終無移。

或曰。信輩之仇。魔鬼爲首。人類日受其害。天神能驅之。何故准他在人身邊用計引誘犯罪。曰。魔鬼臨人設計引誘。乃天主所准。試探人心之公法。天神可助人禦敵。不能阻鬼誘惑。順天神之善意而勝誘惑者加功。背逆善訓而敗者受罰。天主不願與善人免戰場。惟美法助之打勝仗。豈不至理哉。

一日西里亞君欲殺厄利色聖人。七月三日使人馬去捉拿。厄利色之僕見兵士

將至，驚然來稟主人。聖人曰：勿懼。敵兵多，護我之兵愈多。遂求天主開僕之目。天主垂允。僕當時見若火馬火車無數圍住，護守聖人。未竟，主僕二人未見受害。世人無信德，眼目無神力於天主之事。不如聖人與熱切教友信德穩確，通達神事。見現世如戰場，天神魔鬼如兩軍爭鬥不止。各軍欲勝得賞，其賞何也？人之靈魂是也。天神勝，即得人靈而送之天主前享永福。魔鬼得勝，亦得人靈而押之下地獄。所奇者，天神魔鬼不獨力相鬥，兩軍有人助戰。人不助天神，天神終不能勝。人不助魔鬼，魔鬼究竟不能贏。奇哉！魔鬼惟圖害人，下永苦之地獄。天神惟願救人，升永樂之天國。却世上有多人甘心助魔鬼敵天神。下地獄者，即此曹人也。若不用力助鬼，鬼不能害之。戰仗奇也。勝負之效驗奇甚。但人助仇魔，敗其友神之愚，更

奇。

信輩，你不可忘此大事。惟當效學聖人神目見衆使神若天兵在你我左右護守。羣魔晝夜四面攻打，你我竭力助天神戰，必得勝，而同伊永賞在天國。勿要痴獸致從邪慾，助鬼魔勝仗，搶你我爲羞奴在現生，爲苦虜在永世。

聖巴翁 獨修

巴翁乃法國某諸侯之子。原籍在里耶日

今比國所屬

之地。因父母早亡，而家教

不足。賦性又暴躁好勝。是以承父業後事事不循理。惟以橫行霸道爲常。士庶畏懼，惡名遠傳。或時柔馴其行，非欲從善，惟因妻室多德，好言勸服。

而已。某年妻患病身故。諸侯大痛。喪事畢。隱居府中不出。傷心似像日甚。憂愁之中。信德望德若醒。始誦經祈禱。天主施慰。久之。心覺憎恨前非。自認其罪爲禍患之由。究竟立志棄俗。苦修終身。遂進昂城見主教。告罪後求定補贖。訓以修善之法。主教歡喜。留諸侯數日。以善道撫慰。以聖人之善行訓誨不倦。踰半月。諸侯心下和平。志意穩定。辭了主教。回本府。非昔日狼心強霸之巴翁也。惟慈悲仁愛一新人。待屬下如子女。審事不分貧富。持平辦理。以大財分給窮民。救孤老於饑寒之苦。竭力補日前所行犯公義害人之惡。次年將內外事務辦妥。復來見主教。求剪髮之恩。乃進神品之門主教訓之以入神品者之重任。入者當奮力前進。不可懈怠於德。一面勸諸侯仍回世俗。細心守規誡。與屬下士庶立表操大善等語。諸侯謙遜應

道。僕已今意決不可移，離了世榮，惟願苦身補贖，求主教勿絕僕之善路。主教暗地稱奇，謝上主化人歸正之神能，竟引諸侯進經堂，卽時行禮與他剪髮。

此後巴翁隨從主教盡心效學其德。一日偶遇昔日本家某僕，追思前數年所待此人之無理，乃跪地說道：弟昔橫行無理，把兄待慢，今哀懇兄赦罪。因弟不公之惡，兄手脚桎梏坐監，茲請兄憐惜弟之靈魂，而待我如我前之待兄。家僕心竒說道：主公待僕之事，如果有不公平，僕久已赦之矣。信好主公放心忘却。論待主公如主公昔待僕之令，僕萬不能奉也。巴翁再四懇求曰：如此則我補贖不足，究竟家僕自想道：異聖作異事，可助主公行此善。遂稟過主教帶人捉拿巴翁，押送入監，手脚帶桎梏爲囚。聖人歡

喜。自稱罪惡不堪。當在黑獄終身。隔數日。主教來引之出監。同回府第。但聖人日願加補贖。乃求主教放他去隱修。主教允諾。

聖人出城入林。以一空心大樹爲棲身之寓。日夜沉默祈禱。苦衣苦帶。長齋尅身。隨擇一洞。高不可頂立。寬不足臥身。而居之不離。方中時時有人來見。互相控訟者。請聖人斷理。有仇恨者。取和。衆見其妙行。聞其善言。無不自警。恨罪愛德。魔鬼誘惑聖人。廢志離洞。不時攻之。以昔日攻聖安當等之怪。或現野獸。烈火恐嚇。或動粗毆打。聖人無懼。恒守不改行。多年如是。一日爲鬼魔所虐。傷身困乏。睡眠。夢見一白鴿。自天飛下入洞。當時甦醒。覺心身安然異常。並畧知不久必去世。隔日聖人講道理。衆見至光的十字。現於他頭上。十月初一日。四方傳聖人在臨終。神父士庶聚在洞前。自

托於聖人之轉達。聖人領聖事後辭衆人曰。主耶穌降臨。予魂離監獄身去接主。說訖福面而逝。

時西曆六百五十四。華唐高宗三年。

國人時時敬之不忘。

### 切想

福音書上匝蓋謂主曰。願以家資之半。施於貧人。若曾誣詐人。則四倍以償。匝蓋乃管稅銀之大員。家資饒裕。有不公平之名。一日耶穌過路。匝蓋素聞吾主之妙德。雖無心回頭。而出街欲見。耶穌慈顏謂之曰。今日我寓爾家中。事雖出意外。却匝蓋不但不推辭。而且幸然接主到家辦宴。見者咎耶穌不當入罪人之屋。但吾主來此。非求飲食。惟知家主靈魂之病。而願醫

治。是以特恩感動匪蓋。憎恨罪惡說道。主我願以家資之半施於貧人。若會誣詐人。則四倍以償。衆門弟聞言。卽知仁主來此家之故。主復訓之曰。此人乃亞巴郎之子孫。是以今日救其家。隨後匪蓋恒守善志。補贖前非。修大德。皆由此根來。

過六百年。巴翁諸侯名雖爲信輩。而惡行超過匪蓋。混過日光多年。不思身後之大事。一日喪妻。世人見以爲常事。於夫度生之善惡。必無大關係。孰知事出於上主之特意。諸侯迫於心痛。棄外念尋靜。而憂傷日新。一日愁中思想救世主。可比匪蓋。昔日之與耶穌相逢。仁主密言亦謂之曰。巴翁。今日我寓爾家中。並光照之明視其惡。而憎恨。此意初生。巴翁奇甚。但心下暗覺悅樂。日前諸樂不如多也。乃朝夕尋主說其苦心求慰。主慰日深。

而諸侯愛善惡之情愈加。究竟志向確定，補還日前虧心事之後，乃棄家資榮貴，自投於貧賤。堂堂諸侯以空樹窄洞爲寓，以萬苦尅身。痛悔往日待家僕不平之過，而令此僕照樣相待。此乃聖人異德之驗。此乃恨罪之極。意正與匪蓋之意同。若曾誣詐人，則四倍以償。

請懷過仇恨，害過人之信輩，思想此兩奇事。若實心回頭，必有匪蓋與巴翁及列聖之心。憎恨其惡之外，尙須竭力補還。否則回頭之言虛也。升天堂者非說痛悔改過之語，惟實顯其志於行。所取人之物當還。所傷人之事當補。

省察 我家有不吉之事，素常乃天主之恩，願我回心習善。時主耶穌過路，欲寓我家，訓我習德積功。我知之麼。我懷恨傷害他人之後，當效學今日

之聖。雖不盡棄家資身安。却亦當竭力補還人之全份。我知之麼。

定志 自今以後。每遇艱難。我心想是天主降臨密訓我之時。不但不可埋怨。且須忍受。靜聽主訓於心。或不幸害了人。我回頭後必竭力補還。証我回心不虛。

三日 眞福若望瑪西亞 隱修

若望瑪西亞出於西班牙國。孩年喪雙親。同小妹爲叔父收養。瑪西亞在叔父家未獲讀書。白日牧牛羊。晚夕回屋學習經典道理。且本性素善。志向恒歸於聖事。愛在山上。孩聲讚頌天主與聖母。主喜悅此童之貞愛。特恩賞賜。一日瑪西亞正在鄉下放牲畜。忽見一童立在他身邊。年紀與他相彷彿。但儒雅異常。面容悅樂可愛。瑪西亞不畏懼問他是誰。童曰。我卽若望宗徒也。上主托汝於我。瑪西亞之聖名若望我在此伴汝。將來必引汝至遠地奉主命行大事立功。瑪西亞謙遜說道。惟願天主聖旨成行於我。隔日聖若望復現。引瑪西亞畧看天堂之妙事。曰。此乃我鄉。汝身後可來此同享永福。此後瑪西亞不辱聖師之訓。心下全棄世俗虛念。惟習善生。惟願福終。

升天。寡言沉默減食苦身。若望宗徒不時發顯。以聖學相訓。天樂相慰。如是二十餘年。瑪西亞在地方人目中是個忠厚無貪圖之鄉愚。在天主臺前可稱良善和睦之信輩。却耶穌說過。良善者乃真福。爲其將得安土也。和睦者乃真福。爲其將謂天主之子也。

彼時秘魯乃西班牙之屬國。西班牙人多航海過此地尋財帛。瑪西亞得天主默示上船亦去。但無貪財之意。獨聞上主命令於心而敬奉。到理瑪之地仍然在某家傭工牧畜。內外善功如昔。過兩年聖若望命他入多明我某靜院。瑪西亞辭了主人入院。長上託他與支應門戶的某隱士爲徒。瑪西亞在此開閉迎接往來之客。一面細察老師之言行而竭力效學。老師短於文而長於德。時時尋靜避散亂。時光不少空過。不是明聲誦經。便是

默然沉思。瑪西亞敬愛而聽訓如孩。此年老師福終。瑪西亞繼之爲闈。門看  
聖人在此二十餘年。守院規至細。奉命至勤。待客至禮。尅己至嚴。苦衣之外。  
身帶鉄鍊。每日苦鞭出血。時上人見他身病。命停苦功。聖人依令停止。隔  
月身安。卽稟上命而仍然尅己如常。地方中之貧窮。每日來院求食。聖人  
無不慈顏迎接。且因本院不富。所有之衣食不足。濟來者。聖人常遊各家。  
謙遜祈求助善。許每日代爲誦經還利息。人衆愛聖人之德。甘心相給。一  
日有一窮旅破衣露體來院門。聖人去某雜貨舖求一幅布以衣之。主人  
不納。聖人拜辭便行。此後雜貨舖不見客來買。過一兩月。主人細察事變  
之故而不能自明。竟想及待慢聖人之情。忽醒自忖曰。買賣之敗始於此  
日。乃天主之罰無疑。當時來見聖人求赦罪。許竭力施捨助善事。以後果

然大方濟貧。人改事變。遠近不約而來。此舖購買。家道順遂。時天主亦顯聖蹟。賜聖人所需。譬如羣窮忽至。飲食不足。他五中之一。聖人靠望上主。將飲食分散不吝。究竟衆客食飽而去。時聖人亦能先知後事。一日某家施他金錢若干。聖人見錢數頗大。不敢接。但因施者再三請收納。聖人允諾。仔細存下。此數不用。隔年那家事敗。日食難度。聖人將原數還曰。我早已知此禍。特留所托金銀相還。

聖人特愛聖母。院內有一小經堂。名玫瑰堂。聖人每日在此祈禱多時。屢次

隱士入內得見聖人。懸立空中。不覺人事。一日在此忽覺地震。

理瑪之地常有此艱難

聖人立身欲出外。但聞女聲慈音說道。汝往何處去。聖人應道。聖母之聖子怒甚。僕同衆隱士逃避。那聲安慰道。我在此。可返來。勿畏懼。聖人如命。

跪地祈求聖母息天主教怒。少頃見聖母顏容大光發顯。時地穩靜不動。以後凡遇地震。衆隱士聚集玫瑰堂內不出。而聖母數次保存他無恙。煉獄靈魂亦常在此堂發現。與聖人看求轉達。聖人誦經尅身帮他補贖。惟願受烈火不死以救衆靈。數年內以此意爲朝夕善功之終向。煉靈感佩。將升天之時常來謝功。其數甚衆難記。一夜見一靈在苦中。聖人問他是誰。其靈應道。我乃某院內某士。身纔病亡。天主許來求兄轉達助脫煉獄之刑。聖人即時誦經助之。並請衆隱士通功。隱士等次早遣人到所說之院探聽。回說那士昨夜某時候身故。恰是聖人見之之時。過了三日三夜。聖人在聖堂跪地祈禱。亡者發現道。弟之補贖完結。多謝兄等之愛情。說說大光升天。

聖人年及六十患病。歡欣預備見主。領聖事後見主耶穌聖母瑪利亞聖若望發現福面而逝。

時西曆一千六百四十五華大清順治二年。

聖福爾喜 獨修

聖勒彌主教日昨有一徒名福爾喜。孩年喪父母從聖人讀書習善。年紀二十餘。陞神父助鑒牧理事。時大官小將從法帝奉聖教。新神父日夜竭力訓誨。越數年勒彌聖人有意推之爲副主教。福爾喜不惟不貪世榮而且欲離師避衆人獨修。乃稟鑒牧求准行。聖人細察後以愛徒此意爲天主所默示。遂不敢阻止。舉雙手置他頭上垂淚降福而放去。福爾喜辭了聖人

與衆友離城入深林，在河邊半坡造土築草蓋小屋以居住。野菓草根爲食，朝夕看書沉黙誦經爲工。如是四十年，無人知其修德之所。

一日漲水，某窮戶之牛兩條爲河水沖去。鄉佬數人隨河岸趕來意欲救出。趕到福爾喜隱居之處，牛沉下不見。鄉佬中爲主者以牛爲耕土養家之本，是以痛甚而洪聲哀哭。福爾喜耳聞，心想有人爲河水困危，雖老邁力不佳，然當時出屋下河邊來看，或能救人性命。但見那鄉佬坐地抱頭而哭。聖人知故哀憐欲相慰，遂膝跪虔誠祈禱。少焉挺身向河畫聖號命牛出來。只見二牛果自深水浮上，片時到岸而出。不說鄉佬悅樂感德諸情，只說此事早傳於四方。聞者無不稱聖人之妙能。以後時常有人來見，或論德請教，或抱病求醫。聖人雖以清靜爲樂，却思想衆客來往加增熱切。

天主有榮，人靈有益，便甘心應酬。愚蠢者訓誨，憂愁者撫慰。所顯療治病疾之聖跡多端。

常見燈油將盡，燈火異光而忽熄。聖人多亦如是。青年隱修積功，無名於外。迨至妙德異能驚世之際，可知其終近也。福爾喜壽近八旬，瘦瘠如將絕之燈。時天主賞他顯聖跡自然不長。未過一年患病，自知不久將去世而細心預備。十月初一日領聖事後身亡。

時西曆五百五十年，華梁文帝元年。

墓前顯聖跡甚多。踰一百年開墓，骸骨全在，可知聖人昔日身體高大力強。石棺內古字書曰：聖福爾喜聖勒彌門弟之身在此。

切想 首論哀矜

六月數日切想續論愛人之德。讀者可畧知此德之本源緊要尊貴。亦畧知愛人有何次序。茲可繼前題而論顯愛於人之大概。何以顯愛人之德。曰。以哀矜。何謂哀矜。曰。富者濟窮。此謂哀矜。濟施何說。曰。給人以可益人之物。何謂益人。曰。物可益人身。如銀錢田地。飲食衣服等件。可益人靈。如訓誨堅固引導轉達等功。此皆哀矜所用。是以分之爲兩端。一曰肉身。一曰靈魂之哀矜。

普天下各國各方人分貧富智愚善惡。是以各地可行哀矜。富者財帛可濟貧。智者才學可訓愚。善者言行祈禱可化人。此乃開闢至今世世益人之法。吾衆當學而成於行。

聖人言行書篇篇可見信輩男女費家資歷辛苦捨性命。以行肉身靈魂之

哀矜。異教中則不然。讀書從師，則欲成富貴。並無意訓誨愚蠢，無心通己智於人。謀財帛，則想益己。有財必安享，不管他人衣食足與否。雖或時輸銀錢些，須濟窮，然未見自投於辛苦貧賤以救他人。此乃教內教外行爲之不同。其故何也。曰。哀矜出於愛德。如菓之出於花。其花不發，其菓不出。却異教中絕無愛德。哀矜之善由何而生哉。聖教內愛德日新。是以時時處處立哀矜之奇功。花出於天，其菓日益世人。

若望瑪西亞有愛人之德，是以心憐他人之艱難而盡心撫佑。生者亡者皆沾其恩，而聖人每日積大功。某商人無愛德，不肯濟布疋衣窮客。即時受罰，敗貿易。隨後自明悔罪，甘心捨濟，而家道順遂。足見行哀矜者爲天主所愛，有賞在現後兩世。

省察 哀矜分肉身靈魂。可行於各時各處。我知之麼。 哀矜之功出於愛德。無愛德必無心行哀矜。歷辛苦捨命益人之信輩。其愛德至尊。我知之麼。

定志 自今以後。要知我愛德如何。只須查我願行肉身靈魂之哀矜與否。又須查我遇機行之與否。

四日 五傷聖方濟各 會祖

前七百年，意國翁白里亞省亞西色城有夫婦二人。夫自幼或在本地或在法國貿易，頗積家資。為人公平誠實。但愛財過分。妻乃法國南方某家之女。慈悲賢智好善。西曆一千一百八十二年，懷孕不能產。有窮客在門外丐食，謂看門僕曰：汝主母所懷之子當生於草上。表此兒生平窮

苦之 拾其母入馬槽，兒即產也。相似天 看門者去傳此異言。家主母聞說，依行。是日果產一子，即聖教所敬之五傷聖方濟各也。小兒孩年從母親習善，信德深樹於心。微長從師讀書，平常。十六歲助父親理事。雖交接同年官宦富商子弟，奢華玩耍樂生，却厭惡酒色，貞潔無污。並慈心愛窮。每日散濟銀錢許多。年紀二十，生得身高中等，顏秀目清，舉止溫柔自若。可

謂一風流少年。城民愛之。

是年隣城出兵來攻。方濟各投營助本地軍去抵。爲仇兵捉拿投監。在此一年。始嘗辛苦。出監回家便患重病。日夜臥床待死。惟痛悔虛過多年。不習善之罪。病痊後心思復亂。仍然奢華如前。但每日誦經入聖堂敬聖體。一面大方施錢。顧貧窮。一日脫下衣服給他人穿去。次夜夢見一美殿。殿內滿掛盔甲軍器各樣。金銀之光射目。並聞聲說道。此殿之物皆汝與汝兵之物。方濟各聞言。錯想天主招選他。從武成大將立功樹名。是以隔日離家上路。願去從某統領効力。吾主發顯謂他曰。能福汝愈甚者誰。主耶。僕耶。方濟各應道。僕不如主無疑。耶穌曰。然。汝現在離主欲事僕。却是何故。我是萬有之主宰。爲何棄我去。尋人求榮。方濟各應道。主要僕何爲。耶穌

曰。當轉去。我所許汝非世榮。惟天榮也。說訖不見。方濟各神樂滿心。並覺惟願棄世務。獨事天主。此後於買賣接交朋友。冷落無趣。

一日上馬下鄉散心。忽見患癡瘋一人。爛頭醜面。坐於路傍。求哀矜。臭氣難當。方濟各心厭。轉目塞鼻策馬速過。尙未行百步。自愧無愛德。曰。主耶穌在福音訓信輩云。凡施於我一小弟。貧窮卽施於我。我纔見此癡瘋而生厭。豈不厭吾主乎。思念至此。卽悔。勒馬轉頭。行到癡瘋身邊。下馬先拜。然後並肩同坐。好言撫慰。銀錢周濟。究竟面貼其面。以示愛情。然後拜辭上馬。便行。在馬上轉頭一視。癡瘋不見。方濟各奇甚。心下感動道。此癡瘋必非他。乃背負人類。窘難之天主。來此試探我愛德。於是熱切愈增。日夜沉默祈禱無倦。一日主耶穌發顯。形像如昔日釘於苦架將死。方濟各注視心。

痛如裂。並聞訓言於內曰。凡欲從我。當克己。負其十字架而從。以後方濟。各時時思念耶穌苦難而同苦。遂每日或在街道或在病院內尋殘廢而優情相顧相慰。如見主耶穌然。隔月到羅瑪遊行各經堂。追思古時聖人之妙德。一日出伯多祿聖堂見窮民成羣討哀矜。卽覺願自克自下之意。將囊中所有之銀錢身上所着之衣裳盡行散濟。竟飢色破服同羣窮遊城丐食。

回家後操善愈妙。一日在聖堂苦像前心感如化。祈禱曰。榮光之天主吾主。基利斯督。求爾光照我靈。開散我霧。施我信德之純。望德之固。愛德之全。賜我明識。爾能微悉爾智。事事順爾聖意。成爾聖命。如是哀懇再三。忽聞苦像說道。我屋將頹。汝去補修。苦像言屋之將頹。如言聖教會危困於內。

難。命方濟各立功引人堅固信輩勸化罪惡。但方濟各彼時心不熟於聖事，未能明會此言之實意。但見經堂舊，便心想主命他補修。即時回家取銀錢若干呈上神父。請起工補修經堂。神父見銀欸重大不取納。方濟各將銀錢置在堂內窗上說道：銀在此。神父可用隨意。說訖跪地誦經。

且說方濟各之父親吝嗇無情。聞長子此行，怒氣勃勃來聖堂。且罵方濟各。且責神父取納銀錢不查來歷。神父指窗曰：銀數在此。可取回家。父親取取便去。方濟各心痛下鄉不歸家。過數日穿着褴褛舊衣步行進城。城民見皆以爲癲狂。小童一路成羣欺笑跟從到家。父親愈加忿怒。咒罵後將子鎖禁在一黑屋不放。方濟各神樂不可言狀。晝夜誦經求主赦他。少年奢華求快活之罪。一日母親乘丈夫出門，將兒放出。隔日父親回屋引方

濟各同去見主教。主教亦當堂指方濟各稟道。自今以後我不以此人爲子。將來他亦不能承我業。我與他絕交。惟視如外人。驕傲極吝己極主教勸息怒不聽。方濟各見父親硬心不變。將衣裳脫而投於父親足下說道。此後我無父在世。愈當加子心誦在天我等父者。見者無不動情。惟父親怒氣不息。將子所脫之衣交與家僕便去。隨同次子買賣理事。而以長子若他姓之人。方濟各不回家。穿着破衣下鄉尋靜處。欲隱修數日。林畔遇賊。賊問他是誰。方濟各應道。我是天地大君之使。賊毆打後將他投於深坑。方濟各悅樂不改。身抱傷出坑他往。遊城鄉丐食。在各處病院下力。日夜扶侍湯藥。或勸臨終者。或助他誦經。不時蒙主恩顯聖蹟。只須方濟各置手在病人身上而病卽愈。

畧過一年方濟各年紀二十五六回本城。時常追思天主前命，欲補修經堂。遂在各家捐銀錢，作此善功。民心服，各出多寡不一。方濟各僱匠買木石而興工。終日同匠等下力辛苦。飲食則用民家所施之剩餅剩菜。一日兄弟同朋友過路，見哥哥焦頭汗顏，作工問曰：你的汗水賣何價值？方濟各應道：汗水我賣與天主，不賣與人。

次年完工後，見鄉下天神后聖母堂爛漏，復再興工補修，而費心勞力如前。過一年聖堂若新。四方之人民來此誦經。方濟各亦甚愛此堂，日夜在內不離。時天主明示聖人以立新會之事。其會士當千方抵魔鬼世俗，化信輩改惡習善，勸遠地之異教棄邪歸正。恰值有數士敬愛方濟各之妙德，願從之爲師。聖人收納，同居茅舍，合心操大善。飲食則舊麥餅清水。衣服

則土紅粗呢。度日似天神。只管讚頌主。過數月。方濟各時常來亞西色城講道理。衆士兩人一路亦遊行鄉村勸民。化有許多人回頭救靈魂。方濟各進羅瑪。見教宗求准立會納弟。教宗拒之不准。次夜教宗夢見一巴爾瑪樹自地而生。瞬息長大。又見羅瑪大聖堂若將頽圯。一人獨立雙手撐牆。細看其人。卽昨日所見之貧窮方濟各。並得默示曰。巴爾瑪樹表指方濟各將立之會。其士立見甚多。散於四方。大益聖教。教宗歡喜。謝默示之恩。並委紅衣宰相細查新會之規條。隔月宰相上奏稱規條之善。教宗召方濟各。優禮相待。准立會納弟。並陞他爲六品輔祭。

方濟各回亞西色。卽借天神后聖母堂與堂外一窮屋。作新會士同居守規矩之院。此屋乃方濟各會之舊宅。聖人在此所受之恩不可勝數。恰與了

此院不數日蒙見主耶穌與聖母瑪利亞帶天神無數發顯許以招選多人入會之恩。聖人以此事勸勵同伴倍加熱切預備後事。主耶穌無不踐其言。每年之新門弟甚多。其中或神父學士或官員財主皆輕薄身體之安效從方濟各貧寒辛苦。先學規矩操德然後三兩人一路奉命行各方立表勸人。不帶銀錢。惟靠信輩憐憫濟薄食養性命。以耶穌苦像爲師。以天主聖寵爲財。以克身修道爲樂。衆士在世人中可比夜間天上之星辰。其中最光者聖師方濟各也。帶門弟數人遊行意西法三國顯聖蹟。醫病疾復活死人化罪惡無數。各處造院留數士納弟興善。自爲總長。時時立萬德之表。一日寒冬落雪。魔鬼裝天神模樣發顯謂之曰。汝克身過分致自害其命。天主臺前有大罪。說訖誘惑聖人以邪淫之惡念。比平常格

外凶惡。聖人明知是鬼魔更不答言。手拈鉄鞭自責徧身出血。然後自投於雪坑。熬冷至邪淫息止纔出。某年患病。主教遣人抬他來府。細食好藥相待。聖人愧甚。自稱好喫之徒。不堪彙於修道士之中。一日身病微鬆。粗繩自套其頸。命數士牽他過亞西色街。如牽牲畜然。到了斬人之場。跪地謂衆民曰。列位弟兄。錯認我爲好人。時常示敬稱頌我。薄食齋忌克身。殊不知我在主教處飲食床鋪快活不堪。列位弟兄不要錯想我是好人。說訖仍然牽回。天主愛聖人之德。賞之間。或數日不用食而無病。某年復活瞻禮前四十日。只用小餅半截。足常人一日之糧

謙遜貞潔克苦之外。聖人以心貧爲修道士萬德之冠。昔日甘心棄家資。自脫衣服在父親足下而裸身從主。以後至終未改善志。有富豪之家願施

田地作會士之供給。主教數位勸聖人領受。否則會事窮危不定。聖人絕不肯說道。小會貞潔謙遜。嫁與天主聖子爲妻。衣食豈有缺哉。是以立規矩。會士各處不可有田土銀本。衣食惟靠天主感動信輩施濟。聖人實視財帛如糞土不足思。所着之衣。獨然一套。猶是公上之衣。冷熱不減亦不加。小房無床櫬家具。睡則坐地依牆而眠。總之無一物可稱爲方濟各之物。卽肉身靈魂早已祝獻於天主遣用。自視如天主之物。時時隨主聖意而使身靈。常敬主耶穌窮生於馬槽窮死於苦架。常言天主有愛女在世。名叫貧窮。其女至美至善。但世人不識其美善而厭惡。我識之。是故獨愛天主此女而求之爲妻。蒙上主准此神婚。我以貧窮爲偶。而終身事之歡樂不休。一日行路困乏。在蔭涼處坐於水邊欲食。同伴一士囊中取出粗

餅一塊。其餅存久且硬且霉。聖人接在手分一半與那士而歡樂道。吾兄乎。我等實實富也。富過世間之至富者。用食飲清水後進經堂。跪地虔求天主賞衆會士愛貧窮之德。求間面容發光若火。

西曆一千二百一十六年。聖人進羅瑪時。聖多明我

八月四日

亦在羅瑪。一日多

明我在聖伯多祿經堂誦經。忽見主耶穌發顯怒目環視四方。手執若火箭三枝。欲滅驕傲慳吝邪淫之徒。但見聖母瑪利亞跪於主前。舉薦二人稟道。以此二人可勸罪惡回頭而化世人自新。多明我目視。自識爲二人之一。那一位身瘦面白。衣服至賤。謙遜異常。跪於主前祈禱。多明我細看。不相識。吾主慈顏視二人便息怒。次日多明我復來經堂。方濟各同時亦到。多明我見。卽識爲昨日聖母所薦之人。方濟各亦蒙主默照。知是多明

我二人雖未曾會過，然不問而互相稱名。禮拜後多明我將前事說出，約方濟各同心合意事。主化人。方濟各悅樂許之。此後二聖如弟兄，身雖各方而心意惟一。

隔年方濟各復進羅瑪。教宗願聞他講道理。聖人推辭不脫。乃竭力預備。次日按時進聖堂。上臺欲言而不能。教宗慈顏撫慰，令不必畏懼。只管信口而言。方濟各謙遜奏曰：僕非畏懼。惟因靠本力預備過分，天主罰僕不能言。說訖跪地哀懇。聖神默示以能感人心之言。祈禱後挺身便講。說得教宗宰相等稱頌不止。士庶捶胸悔罪。羣從聖人求轉達。

西曆一千二百一十九，方濟各調各國各方之士來亞西色城議事。聖神降臨瞻禮日。衆士五千人聚集在天神后聖母堂外帳下居住。如將臨陣之

兵將然。某紅衣宰相見，謂方濟各曰：此正天主之營也。方中人民知道聖人無銀錢無飲食，貧富皆施濟無吝。半月之光景，五千人中無一缺其所需。世俗人每日親眼見衆士之謙遜克己，無不稱美。有五百人棄世務來從聖人入會。正可謂聖德過人如病，臨者難免不染。彼時再立規條數款。一欸曰：方濟各會內各院，每瞻禮七當獻聖祭一臺，稱頌聖母無原罪之始胎。可見聖教會雖未曾定此端道理，然自古而來有聖人明士信從。公事完結後，聖人分派衆士轉回各國習善救居民。

會士中亦有奉命過回教之地，爲回人所殺。聖人聞信，每次神樂不自勝。比本會於園，以致命聖人爲園中之奇花。以此讚頌主勸勵衆門弟。且欲效從聖人們之功，乃取數士一同上船過海，泊厄日多之地。所望或化國民

棄回教。或辛苦致命升天。初到厄日。多爲回兵捉拿。毆打押送。見王。方濟各謙遜作禮。王問來故。方濟各說明心意。便乘勢講聖道。王靜聽。留聖人數日。優禮款待。不時論道領教。究竟聖人當衆。臣奏王。請燃大火。願同回教師入火。其人能居火中不受傷。衆認其教爲真。王應道。此戰本教之師。必不敢領。聖人復奏曰。回教師怕死。臣願獨人入火。證聖教之獨真。王推辭不准。是日遣官送厚禮。請方濟各收納。聖人謝情。但絲毫不收。王奇甚。而倍加敬服。再過數日。方濟各明知且不能化君民。且無致命之望。乃帶同伴上船回國。

或問方濟各未曾讀書。學問平常。何由而致人掛耳。其口下愛聽。曰。方濟各才學雖平常。但口才生成。語言且長且文。聲音明朗。說法秀雅。自幼能樂。

人耳。兼之愛主愛人至極，而愛中時常吐異情之妙語。天主又喜悅其善而賜之以感人心之恩。此乃人衆信服愛聽之緣故。其小由人力，其大自神佑所致。

且說聖人年近四十多病，難以管外事。是以選一士，推之爲長。跪他足下許從命。次年新長卸任。天主命方濟各推一士名厄里繼位。厄里爲人大才，長於理羅外事。但短於謙遜克慾。聖人愛之而恨其過，時常訓誨。竟見厄里不改而悶倦避其面。一日厄里問聖人相避之故。聖人說道：主久已默示我以汝將來之事。汝稱於主秤而顯輕。無將來汝必犯所許之愿，死於會之外而下地獄。厄里駭然懇求聖人代爲轉達。聖人祈禱三日三夜，然後謂厄里曰：主饒汝不受永刑。但將來必死於會外。以後厄里果爲教宗。

革職。棄方濟各會放肆無理。竟在臨終回頭得罪赦而亡。可見不拘何人。雖爲天主招選任大事。然還當謙遜克慾。否則上主變愛爲仇而棄絕之。特此聖人常勸門弟自克至死。見會士或才學出羣而願見貴於衆。或憊怠於尅身而求改規矩之難。歎必責之而存守原規。

彼時聖人久已與女院。院內貞女節婦晝夜誦經克苦。大聖女嘉納八月十日

爲總長。言行竭力效學聖方濟各聖人再與一會。助世俗男女行善。入者雖不出家。不缺本分。尙可守規矩習善功操大德。更且與男女各院內所立之功有股份。以後世世男女貧富入此會者各國無數。與隱士同心善表善言化世歸主。

西曆一千二百二十一。方濟各年紀三十九。一日在院外沉默。忽聞天神命

他進經堂。聖人卽去。入堂便見主耶穌輝耀立於祭臺上。聖母在傍。羣天神敬侍。大光滿堂。方濟各神樂不自勝。仆地朝拜。主曰。我知汝與汝門弟願救人靈魂之熱切。茲不拘求何恩爲汝爲衆靈。我必准所求。方濟各求曰。至聖之天主。爾旣屑聽予蟲坭大罪人懇祈爾。凡爲信輩痛悔後來此堂者。爾賞之以成全之恩赦。望信輩之千城聖瑪利亞助罪人轉祈此恩。耶穌說道。此恩雖大。然我以之賞汝。只須教宗准行於世。說訖不見。聖人去見教宗。以此事面奏。教宗准行。定每年可賺此恩赦一次。過兩年。正月間。方濟各在小屋用鞭自責。魔鬼假裝天神發現說道。汝尅身如此何益。何不細心養身力。可久存於地而事天主有益。魔鬼便說便誘惑。方濟各以邪念。聖人更不答言。出屋臥身在雪地。荆茨之中。滾去滾來。至鮮血染。

茨。當時顯出聖蹟。大光圍住聖人。枯茨轉青。結紅白兩色之玫瑰花。並聞聲請方濟各入經堂。聖人摘玫瑰各色十二朶進經堂。見主耶穌立於祭臺上。聖母在傍。天神羣陪如前。方濟各謙遜跪在祭臺前。獻花於主。主問爲何無人來此堂。賺前兩年所施之恩赦。聖人曰。至聖之主。天地人物之大君。懇祈爾定一日與信輩來此。耶穌曰。定昔救伯多祿宗徒於鍊之日。自八月一日暮課時起。至第二日暮課時止。聖人道。僕傳此言。誰人肯信。耶穌曰。汝去見代我位之教宗。此事必成。說訖不見。聖人再奏教宗。教宗卽依主之言。定此恩赦於八月朔日暮課起。至第二日暮課時止。自此以來六百餘年。每年八月朔日信輩成羣進亞西色城。天神后聖母堂。賺恩赦。蒙教宗施恩。別處經堂亦可得此大赦。只須教宗准。

彼時聖人可謂以聖愛爲養命之食。其愛奇妙不可言。聞天主聖名卽發異情。若心化。視天地萬物。卽想萬有之主而讚頌不休。視衆人如上主之兒女。而愛其靈魂。朝夕助之轉達。願萬死而救之。視聖母瑪利亞爲罪人之托。予心敬愛。事事靠望不疑。視天神聖人聖女如天主之忠臣。而每日祈禱。托世人與伊保護。進善避惡。方濟各以聖愛自掌己言行。自正其步於善路。以聖愛變化罪人歸正。以聖愛管治衆門弟習善日妙。樹木以漿汁而生長。機器以火以電等物之力而運動。方濟各獨以聖愛生活運動。以聖愛辛苦而不覺苦。以聖愛死於世間之物。而死中神樂勝過世人之樂。以聖愛時常貪慕見主。以聖愛甘心留居於世事主益人。愛主。而見主不能取愛於世人卽心痛。愛人。而見人獲罪於主自陷於永苦。卽痛上加痛。

特此眼目朝夕流淚至失光。特此遊行城鄉悲哭，大聲喊道。愛者不能取

愛，愛者不能取愛。

天主愛人至死而不能取愛於人。

一日主耶穌發現謂聖人曰：方濟各

汝實愛我至癡狂。聖人對曰：主豈可責僕以此言哉。主自天降地成人死

於苦架，豈不愛僕至癡狂耶。聖人亦愛萬物如由主所造。稱飛禽走獸，草

木花菓，日月星辰，水風冷熱等爲兄爲姐而時常請之讚頌天主。

天主所悅仁愛也。見方濟各之愛極其盡，卽不待身後亦賞之在世。因聖人

愛主愛聖母與聖人，上主聖母聖人時常發現與伊看。因愛世人，天主賞

之取人敬愛，化人歸善不可勝數。因聖人愛物，天主賞之能使物而物聽

令。

天神后聖母堂外有小林。一日聖人在樹木最陰靜之處祈禱。某隱士入林

暗地張看。卽見聖母抱耶穌發現於聖人。將聖嬰孩遞與方濟各手抱。隱士目擊心懼昏絕於地無動。過了些時聖人回院得見。把他救醒。問有何病。隱士說其所見。聖人囑他勿言。又一回有隱士從方濟各遊鄉。一夜無寄身之屋而露宿。半夜隱士覺醒見大光。光中方濟各跪地。主耶穌聖母瑪利亞聖若翰聖若望宗徒立在彼與聖人相語。隱士目視心懼昏絕。良久爲聖人救醒。

方濟各行路鄉下。或遇野兔爲犬追逼。卽見兔向聖人奔來。藏伊長衫之下。或聖人過於羣羊之中。衆羊一齊棄食成團緩行跟從。方濟各慈言勸他。謝主施生養之恩。手拊其頭如母親之拊小孩。竟降福而放他去吃草。一日打獵之人獻纜網的鵲一隻。聖人手撫鵲之頭說他數句。然後放手。鵲

雙目視聖人若愛而竟不飛。方濟各感於鵲之情，舉目仰天，魂超一點鐘。隨醒降福，那鵲請他自便，鵲即飛去。又一日路見一少年手提一對斑鳩，欲進場去賣。方濟各說道：「此雀無罪，吾子何故投他於死？」少年將斑鳩獻於聖人。方濟各接到手，謂雀曰：「斑鳩，斑鳩，爲何而投網？倘若無我救你性命，奈何？」是日入院，插棍於地。次日枯棍變樹，聖人放斑鳩曰：「汝在此樹架巢生子，讚頌主。斑鳩如命，隨後在此不遠去。」見隱士等，即飛他身上來，手內啄食無懼。一日聖人見羣鳥棲於樹而鳴，告同伴曰：「我等與鳥合聲讚頌主，遂取書而誦。未幾鳥聲亂耳，隱士難以相聞。聖人命曰：鳥兄，請暫時勿語。待我等先誦，然後汝等接聲亦誦。」鳥即時安靜。至聖人經完結許，他鳴纔復鳴。一日在鄉村講道理，羣燕集於屋樑而語。聖人命他曰：「燕兄，汝

語已足，讓我言片時。羣燕聞令寂然不動。聖人說訖，請衆鳥復語，而燕如令。聖人每日晨早出院下鄉去勸人。路傍見花，卽請道。花兄可偕我拜造物主。花卽時叩首作拜禮之狀。又請雀鳥，而鳥同音頌主。

聖人亦可使各獸變馴。某年過古北約城。隣山有一狼身大惡極，時而搶畜牲，時而傷人命。居民求聖人除此害。方濟各出城直去，狼藏之處。惡狼遙見，奔來欲攻。方濟各畫一聖號說道：「狼兄，因基利斯督之名，令汝勿害人。」狼卽變馴。到聖人足下臥地不動。方濟各說道：「狼兄，汝犯罪多端，不但搶牛羊，而且害天主肖像人之性命。你本當殺身贖罪。茲饒你性命，惟令你與衆人和睦。當許此後不再害物。一面方中人許每日賜你飲食之所需。」狼聞言點頭如允。聖人下山回城，狼跟從如犬。城內居民奇甚來看。聖人

告以纔許養狼之言。問衆人願否。依言。衆同聲應道。願。又對狼曰。狼兄。你若願和睦於人不滋事。可遞脚與我爲憑。狼卽起一脚置於聖人手上。聖人乘勢訓民以天主降艱難。罰人罪惡之道。然後放狼而去。狼在此兩年。每日隨意遊街入各家。總未見無理。城民亦愛他無不施其食。過二年。狼身亡。家家稱惜。一日聖人將過山。請一人導路。因豺狼多。那人推辭不去。方濟各保他不受害。那人靠此言同往。路中二狼出林奔來。鄉導驚然變色。聖人道。不必畏懼。保汝無恙。二狼到聖人足前仆伏。然後挺身跟從如犬。聖人便行便訓他。此後勿行無理之事。據此數事。可知聖道之實。人類以罪惡失其權。不能制物。惟大聖復了原善。則妙權亦可復。

意國多斯家納省有高山名亞爾斐肋山頂無人烟。方濟各愛此地之清靜。

不時帶門弟一兩人上去隱修。師徒在此各居茅舍，獨專默想祈禱。西曆一千二百二十四年八月內，聖人帶隱士兩位上山，願敬聖彌厄爾總領天神，以四十日之嚴齋。在山頂晝夜沉默不語。兩次同伴由茅舍門縫窺看，得見聖人在異光之中，雙目舉上，注視容顏輝耀全福，言語短句應對。次日曲言盤問，得知乃主耶穌發現訓誨。究竟方濟各獨仰天之上事，舉止像神靈不似世人。九月十四日光榮十字架瞻禮晨早，聖人見一天神人身模樣，大翅三雙如火自天飛下。片時至聖人跪處，即懸停於空中。聖人明見其手、脚、釘於十字架，兩翅立於背後，超過其頭。兩翅舒張若將飛騰。兩翅向下掩足。天神慈顏視方濟各，手足肋旁且出異光若火箭，直射聖人手足肋旁。聖人目擊若見吾主在加爾瓦畧山，愛情忽發若火，心下

且痛且樂忘覺人事。在此魂超與天神同語不知何久。未竟天神不見。聖人甦醒覺得手脚肋旁大痛。則見两手似像鉄釘所穿。釘頭在手內。其尖在手背。两脚亦爲釘所透。頭在脚背。尖在脚板。肋旁之傷畧寬两寸。若矛鎗所刺。方濟各欲人不知悉。但枉自費心藏手脚。衆隱士得見而倍加敬愛聖師。

聖人尙在世两年。每日疼痛不可言狀。生平願爲主致命在人手下而未至如意。蒙主異恩遣天神卸其手足刺其肋旁。而竟同天主聖子終身於十字架。

彼時人衆敬方濟各如天上之聖靈。惟方濟各謙遜不改。自稱爲天下之大罪人。或問曰。老師此言豈可謂真耶。普地有許多人明明作惡。老師安得

自量己善不如他。聖人應道。普天下設有人獲上主恩惠。重多如我。無一不勝我於善。是以說得我爲天下無用之物。忍耐出於謙遜。一日某士謂方濟各曰。老師疼痛過分。何不求天主將身病減鬆。方濟各責那士不當出此言。埋怨上主。便仆伏於地禱曰。主。感謝爾苦我之美意。雖加痛百倍。我惟以爾聖志爲樂。

聖人年及四十四加病。某紳士接之來家。貴藥細食醫治。但弱病日重。究竟聖人得默示。知道臨終在邇。乃謝家主。欲回天神后聖母院。隱士數人抬之起行。到半路。聖人請隱士將轎落平。隱士如命。聖人向亞西色城注視片時。然後舉手降福城曰。求主降福汝。因以汝而獲救之靈甚多。天主之僕居汝內者多。自汝出而升天者亦多。少頃。隱士抬聖人進院。方濟各臥

薄板待死。十月二日集院內衆士。勸他謹守規誠愛主愛人。衆士哀哭。相繼來自托於聖人之轉達。次日瞻禮七聖人領聖體。終傅後沉默不干外事。見太陽落西。復集衆隱士。慈言與他告辭。隱士數人奉命鋪灰於地。拍聖人臥身於上。方濟各歡喜命衆士唱聖詠。自己心下明白。細聽而呼號主名。到七點鐘氣絕而亡。

時西曆一千二百二十六。華宋理宗二年。

次日辦喪事。方中士庶貧富皆來送。聖尸埋在經堂內。未竟顯聖蹟無數。過兩年教宗列方濟各之名於聖人之冊。命普地信輩敬之。

切想

汗水我賣與天主不賣與人。

聖方濟各以汗水指說身靈之辛苦功勞。以賣字表指所圖之賞。世人或勞心如書生官宦。或勞力如農夫工匠。無不以賞報之望而自勵。官宦仕國。求享富貴。農匠作工。欲領工資。皆可謂賣汗於人。而由人盼候其報。所務身事也。所受之報。惟益身而隨身終沒。

方濟各年幼可學。從世人或仕國成貴。成貿易生財。但覺得天主聖恩。感引於心。而誠意順服。一旦棄世務家業。獨慕天賞。爲父親所棄。而赤身孤窮。從天主聖子。生平謙遜。忍耐辛苦傳道。榮上主救萬靈。可謂賣苦工於愛主。而工資極妙。主賞他神樂。超過富貴之樂。神權越邁帝王之權。能使花草禽獸。而禽獸花草。會其意。服其令。能引導數千士。棄世務身樂。入會習窮苦。能勸化世人無數。正其向。改其行。能受主耶穌聖母瑪利亞天神聖

人之調。目視天事。耳聞奇言。能受耶穌五傷。而身相似救世主之聖身。誰人賣工於帝王而受如此之賞焉。究竟士庶視方濟各如視神。爭先見其面求其訓。方濟各一言在民中勝過羣兵萬將。君王誰可與之比。方濟各賣汗於主之志意真不錯。功不凡而賞絕妙。其賞又永存不能敗。方濟各在天國異臣得異主。主臣榮福不休焉。

省察 棄世務身樂之信輩男女當藉聖方濟各之言曰。汗水我賣與天主。不賣與人。我心如何。獨望天賞歟。亦圖世慰歟。

定志 自今以後。我思言行爲皆獻於天主。惟願行事榮主益人而積功。

五日 聖罷納齊篤與列位同伴 致命

西曆五百一十餘。華梁高祖年間。本篤聖人十一月二日在羅瑪國蘇比亞閣山地造院。取納隱士同習妙德。聲名四方遠傳。一日羅瑪某貴人引七歲小兒罷納齊篤來院。請聖人取納爲徒。本篤允諾。罷納齊篤在此視聖人如父。盡心讀書習德。隱士無不愛其純樸性善。越數年。一日罷納齊篤在湖邊失足落水。隨流冲去。本篤遙遠見其危。命門弟貌祿正月十八日快去救。貌祿奔去。到湖邊不停。惟依靠聖人之命不疑。而步行水上。如行土路。將溺童救拔出水上。岸無恙。本篤離蘇比亞閣過嘉新山時。罷納齊篤從老師。在新院隱修數載。德功愈見精美。年畧二十。奉命去西。西理亞默新納之地造院一座。取納隱士三十餘人。教他以本篤會規矩修道。聖人言行竭

力效學老師。謙卑忍耐。尅身與本篤畧相彷彿。不時顯醫病除魔等聖蹟。越過四年。罷納齊篤之兩胞兄歐弟覺未多利諾與妹法納未亞來默新納。心想見兄弟。並欲問道。自托於隱士等之善禱。彼時海賊多。或攻船或上岸擄掠居民。一日弟兄與妹妹入院內客房。正在同語。海賊數百人忽然而至。將四人及衆隱士捉拿。令背教敬菩薩。衆人同聲應願死不背天主。賊頭命用刑。衆忍苦不改志。如是數次。罷納齊篤善言勸勵同伴。賊頭命刀割其舌。石捶其口。究竟弟兄與妹及隱士三十餘人。皆恒存信德。斬首升天。

時西曆畧五百四十一年。

聖女花 童貞

西曆畧一千三百年，華元武宗年間，法國家窩赫之地有名家夫婦生育三子七女。女中有名花者，卽今日之聖女花。花自孩年愛聽聖人行實而盡心學從其善。母親入聖堂去誦經，花每每孩步陪從。在堂內或跪或坐，身體端毅，心不生厭，目不亂看。在家弟兄姐妹中謙遜柔和，不發怒不嫉妬。或見姊妹相爭，卽來勸息。家內自父母至僕婢無不愛此女兒，說他果是花中之美花。稍長學習納丁語，而每日誦神父所誦之日課。言語則時常題操德行善之要。他人說世間之事，花或不與聞，或短句應答無趣。幼女年及十六，聞得父母欲尋子弟與他議婚，乃稟道：女兒心下久已定志不嫁人。惟欲貞守事主終身。懇祈二位大人勿阻女兒此善。父母緩數月，察考

女兒此意確實否。未竟准他或住家或入院修道如意。幼女願出家。父母允諾。送他入聖若望會。在美所院服事病疾。

花在此以愛主愛人爲晝夜之習。內安外和操善無難。畧三五年如是。但天主惟以艱難中所立之功爲至貴。是以准鬼魔來誘惑花以練其德。一日幼女覺得心下起私念。若有密聲在內責他曰。汝來此院錯也。昔日追思聖人們之善表。惟願出家隱修窮苦。殊知來此院。房屋美麗。飲食細潔。衣服冷熱便宜。絕無身靈之難。而積功何由。汝枉自出家。將來卽世過審判。汝空手去見天主。花以此念爲天主所默啟。遂悶倦自責道。昔日入本會。未曾查考其規矩。現今來已數年。不便改途。一面上主不喜悅我在此。正是進退兩難。於是幼女失安。誦經行事無味。老魔得意過數年幸見某神父。以

本心之愁悶相告。並求謀願去他處習德。免地獄等語。神父大智。一時明辨幼女之事。應道。此念不由天主。而由鬼魔所致。此院以服事病疾爲本。是以領受富家所施之田地銀錢。修造美屋。辦細食。貴藥。治窮苦之病痛。此至善之事也。賢妹不必計慮。改志。就此地操愛人之德。盡心安慰。苦愁者。自甘心齋戒。如規矩所令。便行天路。無疑。花聞言大慰。而復安如初。越過一年。魔鬼再設法來攻。此次用邪淫。花晝夜擾亂於邪念無息。時時跪在主前哀號求救。而醜念似像愈猛。花以此念爲至重之苦。而憂心復生。同伴諸女常見他愁顏下淚。不知其故。背地譏誚他發癡心狂。花知悉不發怒。不自白。惟倍加尅身祈禱。竭力抵魔。不失望。過數年。邪魔見不能取勝。乃退而惡念卽止。

時主耶穌發現與花看。模樣如昔日在加爾瓦畧山釘於苦架。聖女見且痛且喜。以後常有此像在目內。而時覺身體異疼。如同主被釘。聖愛又增百倍。其情如火發於心。而顯於言行。以聖愛滿其心。而神樂異常。天主願賞花。日前忍受辱慢之功。乃賜之以先知後事。無藥醫治病疾之恩。彼時不但院內同伴。卽院外之世人。皆敬花如聖女。憂愁者來見。以心事相告。聖女或數言。或祈禱片時。卽能安慰其心。

聖女朝夕謝主之寵愛。但所受之恩。愈多愈貴。而愈加謙遜。自輕自慢。辦告解時。細考自己的心。而在鐸德前。自視如大罪人。領聖體時。內情可謂現於形。神目見上主之天神恭敬仰慕。亦不過如是。領聖體後。素見魂超不覺外事。或奉命說道勸人。素見失言失覺。惟神視天主所默示之密事。某

年聖神降臨瞻禮。衆貞女聚集唱聖神天主祈臨降之經。忽見花眼目朝天。雙腳離地浮行空中。良久慢慢下來回覺人事。又某年諸聖瞻禮魂超。一連二十日不覺醒不用食。每年聖七主日內默想耶穌苦難而覺與主同苦。手脚如鉄釘所穿。肋旁若鉄矛所刺。晝夜哀哭眼淚。可動鉄心人偕哭。

聖女愛德日增。而貪慕天堂之意日切。但身不亡而天福不能得。是以常望卸世如鳥之望脫籠。年紀三十八染病。卽知臨終在邇。歡喜領聖事預備。過數日去世升天。

時西曆一千三百四十七年。

聖尸埋。在院內經堂。墓前時時顯聖蹟。方中人以聖女花爲主保而敬愛不

斷。

切想

主耶穌講人之身亡訓門弟曰爾亦備諸因爾不料之時人子吾臨焉。路加

十章四節

罪人所貴重世物所畏懼審判身亡之時即當離萬物去對審。是以罪人所恨身亡也。聖人則不然。細心從吾主耶穌之訓。每日輕薄世間萬物預備棄世見主而安待臨終。不但怕死而且貪慕之如生平之福日。所望棄此不堪之身免其貪邪樂之穢慾。致時常藉聖保祿之言曰。誰將救我於此死亡之肉體哉。所望脫魔鬼攻打之惡。避世俗榮華軟心惑靈之險。所喜身亡後必離黑暗就神光離世事之虛而享永世之實榮。離現生之愁。

入後世之安。離此人物死亡之地。居聖人永生之福國。是以如今日之聖花切願上主來破其肉身之獄而引他飛上天堂。

信輩、聖人們此意甚善。當效從。望身終。非欲免肉身之災難辛苦。惟願棄此垢身而免其拖累於淫之惡。願避鬼魔世俗誘惑之險。願醫治敗性之愚弱。免時時定志避惡而常常復落於罪惡。願至居民全善之鄉。神靈無今日愛主明日從邪之域。

聖人如今日之聖花切願死。見主享美福。汝功勞不及大聖。難望身終後即時升天。但可效學大聖願死。望不再獲罪於主。惟在煉獄補贖自潔然後受賞。有此願者可謂好善惡惡。上主見必喜而另恩降佑助他善終永安。省察。爲信輩而不守規誡者。明犯吾主令時時預備善終之訓。斯人危也。

伊不料之日，主必來提至審判。我知之麼。好信輩守規誠者，雖不時力弱而犯罪，却可謂預備善終。斯人可望將來天主乘他無罪之時來收靈魂而以父之仁慈判之。我知之麼。好信輩效學聖人願死，免獲罪於主，望補贖在煉獄然後升天。斯人不犯望德，而明證有好善之心。上主必降福他善終。我知之麼。

定志 自今以後，我若不能效學聖人願死，我至少從好信輩守規誠時預備見主過審判於未料之時。

六日 聖布路諾 會祖

布路諾乃日爾曼閣諾你亞城富貴人家之子。生於西曆一千餘年。華宋朝之時。孩年好善愛學。十五歲在本地學問。蓋衆書生。隨過法國恒斯城。操詩賦習各學。文法舌辯有名。年二十五立志出家入神品事主化人。遂回本國隱修數月。續陞神父。此後遊歷鄉村。朝夕講聖道勸人。復過數年。恒斯主教推之爲大學師。總管本屬衆學堂。並助鑿牧理聖教事務。布路諾在任十餘年。賢智博學。驚動德法兩國。不但不矜驕。不戀世貴。而且心貧愛窮。日習謙遜溫和。公事稍閒。同朋友數人在僻靜無人聲之地樹下坐談。只稱棄俗進曠野隱修之福。或時在經堂講聖道讚頌。獨修之大聖。如聖保祿聖安當等。正月十五而言語由衷發出如火似燄。當時之人記之書上。

曰。聞布路諾可比聞救世主。

某年士庶欲推之爲鑾牧。布路諾驚然入臥房。獨人閉戶祈禱。通夜求主默示。次早暗的出城。藏身不知何地。迨至新鑾牧推立之後纔回。究竟卸任。帶朋友六人入莫肋默院。四月十七在長上聖人羅白度足下領教習德。畧過一年。厭莫肋默院隔人戶近。時時有客往來。願另尋無人攪擾之地而居之。特來見聖羅白度。求放他赴南方亞爾白高山內去隱修。聖人准之。布路諾告同來之六士。說明日棄院他往之事。是夜在經堂誦經。見三位天神勸他恒守此意。天主將來必施恩降佑。次日七人辭長上與衆隱士之後南面即行。

且說布路諾見天神那一夜。法之東南厄赫諾白城鑾牧安寢。忽夢見似若

行路在高山重疊樹林幽青無人聲之地。少頃又見極大極麗之聖堂如由地出而立。堂樑上奇星發光射目。鑒牧乃布路諾寵愛之門弟。德功不凡。醒後明知此夢由天主來。但不知其意。暑過一兩月布路諾與同伴六人到厄赫諾白城。布路諾曰。此城之鑒牧仁德有名。更且與我有師弟之誼。我等去請見。求指可隱修之地。說訖入城行到鑒牧府請見。主教聞得老師到來。滿心歡喜迎入。叙禮後。布路諾說來意。鑒牧聞言豁然自明說道。我夢驗也。遂將前夢談叙一番。竟謂布路諾說道。現在之事請老師在此安息數日。然後再設法尋地。布路諾允諾。鑒牧款待極仁愛。朝夕與老師談德論善。過數日布路諾等陪主教上山尋地。山林最野之處擇一處。暑隔城五十里。主教回城派人按時送七士衣食之所需。布路諾師徒造

土築草房七間，聖堂一座。七人在此各居一房，默然看書祈禱。日課等經，則在聖堂通功。非緊要之事，不相語。酒肉不嘗。時時嚴齋苦鞭。數年如是。布路諾至福，可藉聖經之言曰：我之安靜在此。但或處世或事主，能在現生就安者，誰人焉。

西曆一千零八十八，布路諾某門弟，即教宗位，取名魚爾巴祿第二。時有偽教宗爲日爾曼君所庇，擾亂意國之地。教宗遣使請布路諾來朝理事。聖人愁甚。但教宗有旨不敢背，乃推一士爲長管新院。自奉使去見教宗，教宗歡喜，留在朝助力平息聖教。聖人雖心下厭事務之煩雜，獨愛隱修之肅靜，却自服本意，在教皇心意之下。每日盡己才智，攻邪護正。私下齋戒，尅身寡言多默，衣賤食薄。身在朝廷，心在山野。

但布路諾離山後，院事不如前。門弟無老師之善表，善言日日勸勵，即覺無趣。魔鬼乘勢誘惑他廢志。門弟等好好歹歹敵之半年，究竟不能支。一齊棄山，沿路步行，丐食進羅瑪。來見老師。聖人大驚。但慈顏不變色。且温和如常。收納衆人，不責他一句。隔數日，衆隱士自愧無剛勇，乃求教宗及聖人寬宥。聖人再以恆守至終之美榮訓誨。衆門弟請聖人降福後，仍然回山住原院，各居小室如初。恆守無變。天主賞其功德，默示多人入院爲徒。自彼時迄今，其系未斷。聖人雖居遠地，却時常寫書，亦能堅固衆士習德。其心爲聖愛燃灼，日妙而書內無不通聖火燃門弟之心。

畧過六年，僞教宗勢孤不能亂聖會。惟回教人在東南強日，害信輩。教宗乘內事平息，駕過法國，欲勸君臣士庶集軍伐回人。不說法人奉教宗命，兵

將慷慨聚集去征東方，勝回復日路撒冷諸事。只說是年之初，布路諾陞爲赫日約城主教，而推辭不當。隨見教宗將過法國，乃自想道：我若從教宗去，或法地有鑿牧空缺，教宗必推我補之。不如求放我去，不拘何地隱修如意。思想停當，來見教宗，哀求准卸任進山隱修。教宗不准，布路諾再四哀求。末竟教宗心懼，恐背逆天主招選布路諾之聖意，乃准。遂吊淚降福聖人而放。

聖人引門弟數人到家納比亞之地，尋山內靜處，仍然築茅舍居住，而操異善。一日諸侯帶衆武將獵獸，羣犬先到聖人屋前，便寂然無聲無動。諸侯在馬上隨至，見衆隱士正在誦經，不知是何人。下馬來見，布路諾禮接，說已與衆隱士居此地之意。諸侯甚愛布路諾之才德，回城遣匠造聖堂一

座給與隱士用。隨後派人時時供聖人們之衣食。自不時來見布路諾請教議事。天主賞他供給隱士衣食之愛情。是年帶兵圍敵國某城。帳下某將懷不義，約敵軍某夜攻營，有他爲內應。承許將諸侯綑縛交出。是夜諸侯安寢。忽見布路諾發現，告以危急。諸侯甦醒，忙忙傳心腹數將命集兵預敵。賊將見事漏了風，當時取數騎逃奔外國去。敵軍依約暗的開城門來攻營。但諸侯埋伏的兵將忽起，殺入牆內而取城。諸侯感德來見聖人，謝發現之恩。聖人曰：此恩勿歸於我，惟歸於護守天神。諸侯書出田土若干施與聖人。布路諾辭其大半，只受足隱士等衣食之地。

聖人再修數年，覺得身力漸衰，卽知棄世之時將至。一日不能起，乃傳衆士再訓以修道事主之大恩，以守聖志之緊要。隨當衆明聲告生平之罪，然

後問曰。大罪人如我。可否領聖體。請衆兄定奪說明。衆士垂淚稱長上之謙遜過分。少頃一士送聖體來。聖人面福而領。是日和平卸世去見愛主。時西曆一千一百零一年。華宋徽宗元年。

隨後布路諾所立之會傳各國。出聖人聖女甚多。現今此會尙存。立有數院。而以布路諾之原規操善。可謂隱修各規矩之最嚴。

切想

大罪人如我。可否領聖體。請衆兄定奪說明。

或曰。聖布路諾此言似像謙遜過分。布路諾生平未見離正道犯規誡。二十餘歲入神品。可謂熱切不俗的一位神父。善表善勸。引導信輩行天路。到四十歲避鑿牧之位。棄榮華尋靜。在山窮苦隱修。奉教宗命進羅瑪助理。

聖教大事，而不以職位之尊自滿，究竟復棄世榮，隱修習妙德，至臨終時，自稱大罪人，不堪得領聖體。如是則信輩中可領者誰？聖人此言，其有理乎。

聖人生平所求者二：識主識己。此乃操善之基。聖人朝夕求之不倦，而天主賞之日進於此最要之學。是故聖人之量事與他人不同。識主之尊威，而欲顯恭敬相應。識主之妙愛，而願還愛相稱。一面自識己愛之不足，心情之不淨，而無時不自遜。自遜即受主恩愈密。主恩愈密，必識主愈明。好善愈切。好善愈切，而知自己卑賤愈揭。自惡己之不堪愈甚。是以積功至妙，而若不知。不量己所習之德，惟覺己所有之缺。

俗常之信輩則不然。因素不求識主識己，而天主少賞他，以此學。是以常見

信輩不謙遜不悔過。反且自誇其功自掩其罪。生而無功。死而無懼。以天主無限之大無量之善。以人不可擬之卑微奸惡而推。敢問聖人常人誰是誰非。識主識己而自卑自微之聖人耶。不識主不識己而自誇自獎之俗人耶。

以我等之驕傲及我等日辜主恩之輕忽而判之。聖布路諾將死之言似像謙遜過分。以天主之尊威。以人之微末。以聖人識主識己之明而判之。聖布路諾之言可謂至理。

昔日主耶穌在世。某百總來叩見。以家僕之重病敬告。主曰。予往治之。百總謙遜應道。主臨我舍。予不敢當。只請發一言。家僕必愈。主奇而樂。宗徒前稱頌此人之信德後。即時一言而醫治其僕。布路諾在臨終不記數十年

之功。惟思想生平之缺，而當衆自遜自告曰。大罪人如我，可否領聖體。請衆兄定奪。此言與百總之言相彷彿。主耶穌聞而悅樂。當衆天神稱讚聖人之信德。便於聖體中來安慰聖人。賞之升天同福。惟願你我生死之言行如此。上主之賞保亦如此。

省察 聖人有識主識己之學，是以其言揚主賤己。俗常之人不識主不識己，是故輕主重己。我知之麼。

定志 自今以後，我時時祈禱求識主識己。識主而揚，識己自賤。

## 七日 聖瑟爾日聖罷各 致命

今日之二聖乃羅瑪馬濟彌諾皇帝之心腹大臣。某年從帝由羅瑪過東方西里亞省。時風波大作。一日帝祭神。文武侍立。惟瑟爾日與罷各不在堂。禮畢。帝傳二人問不與祭之故。二聖應道。臣等欽崇天地之大主。不敬菩薩。帝怒。命將二人身着女衣。頸戴鉄鍊。押送遊通城。刑役依令。城內流神痞子羣從。一路欺笑咒罵。次日帝復傳二人入殿。誘他背教。時而說情。時而驚嚇。竟見二人堅執不移。交他與制軍照律辦理。制軍爲人暴虐無情。投二聖於獄。百般搓磨。勒逼祭神。見事不如意。提二聖來堂。令刑役四人鞭之。罷各死於刑而升天。制軍令送瑟爾日回監。是夜罷各發現與他看。以天堂之榮樂勸他恒守至終。

隔日制軍將起駕至某隣城。令備鞋一雙如此如此。刑役依令。是日數人合力使瑟爾日雙腳入鞋。其鞋內插有鉄釘數顆。刑役施力。鉄釘深入脚掌。又將鞋緊緊繫脚上不能落。事畢送聖人出監來堂外天井。制軍之四馬車在彼。刑役長鍊鎖聖人於車後。少頃制軍上車便行。聖人雙脚爲鉄釘所穿。一路血跡跟從。疼痛不言可知。如是行三十里。次日轉來復受此刑。是夜刑役與他脫鞋。半夜天神發現。將瑟爾日之傷醫治無跡。次日制軍提聖人再問。目見他身安無傷。只稱有邪法。不信是天主所顯之能。竟定案斬首。是日瑟爾日身死於刀下。靈魂升天去受永賞。

時西曆畧三百零九年。華晉惠帝年間。

二聖墓前時常顯聖蹟。遠近信輩時時來求轉達。二聖致命之地現今稱曰

瑟爾日城。

聖女如斯弟納 童貞致命

聖伯多祿宗徒住羅瑪京都之時，有神父來意國巴杜亞城傳教。城鄉聞聖道而信從者不少。其中有名家夫婦二人同小女如斯弟納，認識天主領洗。如斯弟納性善，到十六歲願操聖德不嫁。是年惡帝肋河看七月廿九日旨令各省尋獲天主教信輩百刑殺之。此是聖教受風波之初。回巴杜亞致命者不知幾人。一日差兵捕拿如斯弟納到案。官責他信從異教犯國法。並勸他背主嫁人安和度日。幼女不聽。只說認識了天地之真主宰不能背。並守貞至死不變。官大異有幾分哀憐。但迫於皇旨不敢不奉。遂定死案。

刑役引聖女出堂，一劍刺他穿心，卽死升天。年歲不可定。

西曆一千一百七十七，巴杜亞主教派人掘土，幸獲聖女之墳墓。遷聖髑在經堂內。是日聖女顯聖蹟，醫治病疾甚多。現今聖女如斯弟納之堂，尙在。時時有人在墓前求轉達。

### 聖馬達斐 主教

馬達斐乃法國斐爾等城富家之子。生於西曆畧七百年。華唐中宗年間。幼年讀書入神品。二十餘歲陞神父。看本城信輩，言行引導人衆習善。家資散濟貧窮，仁慈撫慰諸苦。年畧三十五陞爲主教。數十年來此地遭兵患，農商盡廢，萬靈塗炭。主教帶衆神父勸勵衆民振刷精神，栽種工商以贖。

多年之虧空。並補修經堂訓誨教友熱切祈禱。天主降赦免災難。

時法國名雖有帝而實爲諸侯弟兄二人所治。一居東北。一住西南。東北諸侯名家爾羅滿。自孩年操德至精。全心輕視世榮。貴重天福。西曆七百四十七年。托國政於西南諸侯。自避位棄世務去隱修。西南諸侯名白炳英。勇大賢。隨推爲帝。管國二十餘年。其子卽位。乃真福嘉畧大皇。正月二日家爾羅滿暗地進羅瑪。在城外造一院招隱士數人合意修善。此後法人久查其踪跡。究竟尋獲。官宦時時來拜。家爾羅滿見事嘈躋難免心亂。乃棄此處過嘉新山進聖本篤院。三月二日深隱不交外人。在彼善生福終。聖教稱之爲真福。

主教以諸侯棄世榮之異功勸士庶貴重靈魂大事。時亦自勵道。榮貴如是

之人、棄萬物甘心自投苦寒。我爲鑒牧、當如何輕薄富貴身安。遂加倍尅身謙遜忍耐。在民中朝夕立表引善。年紀五十餘、欲看日路撒冷聖地。托屬民於隣省鑒牧便行。久居羅瑪。在城內城外敬宗徒及衆聖之聖體。爲教宗欸待讚頌。隨後上船航海到如達。遊歷各方追思主耶穌所行之妙功所顯之聖蹟。朝敬救世主生死之地。究竟心意滿足復回本屬。信德愛德似像比昔日愈增。講主耶穌受難身死之苦。內情形顯於言聲。信輩目視耳聞無不動心。且壽高而不圖安。事主愛人費心神至力衰而臨終。因功德非常、因所顯之聖蹟而名傳於通國久也。七十餘歲患病安逝。

時西曆七百七十七年。

過四十年開墓見聖人之身鮮色無朽。方中時時記聖馬達斐之德不斷。時

常有人來求轉達。

切想

汝施必受施。且施汝以巨量而抑之。搖之。致溢於外。路加六章三十七節此乃天主仁慈好施之常規。先施信輩。生活在世。天覆地載。肉身有衣食可用。靈魂有聖道可從。然後待信輩感恩。還愛於主。又隨信輩感恩之切而備其賞在天國。或問。人物皆出於主。歸於主。爲人在世何以還主。曰。人能思能言能行。各人所思所言所行。可謂是各人之本財。此財人當歸之於主。從善習德。承行上主之令。卽是歸己思言行於主。可謂以本財還於主。此外。人所有之金銀田地房屋榮貴人情等。雖出於主。却係主借與人用之物。人順守規誡而善用。可謂歸所有於主。或爲主棄所有之財帛榮貴。則功愈大。

而實實可謂以主所借之物而還於主。上主見信輩心善如是，必悅樂收納所獻而備賞報。信輩所獻愈多，內情愈切，而備賞愈妙。將來見衆聖人聖女在天堂所享的榮貴，可知其所獻於天主之多寡心切。且因上主好施已極，是故賞報超過聖人聖女所獻百倍焉。可比大方之人濟米糶必用大量。且搖斗至米溢於外則交與人。

諸侯家爾羅滿位高權大，自幼謹守規誠，則可謂將諸思言行及富貴權威歸於主獻於主。以後愛德愈切，棄諸侯位避榮貴成窮寒，卑微辛苦終身。則所獻於主愈奇。現今受賞一千年。其功至大，而賞報超功多也。仁主所用賞之量，乃搖致溢之量也。諸侯以世上之國買天國，尤可曰便宜。

省察 天主所借與人用之物如財帛榮貴，人善用歸之於主，猶可謂施獻

於主。我知之麼。我雖無財帛榮貴，却能思能言能行。此乃我之本財。思想言行操善必歸我財於主。亦可謂施獻於主。我知之麼。施於主者必受施於後世。且主好施以百還一。我又知之麼。

定志。我無帝王諸侯之富貴，却所有之田地財帛，我此後善用以歸之於主。雖無田地財帛，我之思言行爲必歸於主以操善。望主收納我所獻之微善賞我在天堂。

八日 聖婦彼理使大 守節

西曆畧一千三百零二年。華元大德年間。瑞國有宗室夫婦二人。名旺德精。是年上船出海。不知何往。船爲颶風吹沉。夫妻幾乎溺死。時孺人懷胎。次夜夢見一老人告曰。因汝所懷之女。天主把汝夫妻救出於波濤。此女。汝當視如主所贈之貴物。而盡心撫養。逾數月。果產一女。取名彼理使大。女兒三年不語。滿三歲。說話不覺難。推理勝過十歲之俗女。復逾數年。母親福終。彼理使大在伯娘手下讀書受教。八歲上見聖母發顯。手執一物若冠。請女兒來領。女兒上前敬跪於地。聖母加冠於他頭上而不見。此後女兒信德愈虔。愛主愛聖母愈切。言語賢智。行爲端儀。見者無不稱奇。年及十歲。一日見主耶穌被釘於十字架。如在加爾瓦畧山然。女兒哀聲問曰。

主。誰待爾如是。主應道。犯我規誡者。不以愛還我之愛是也。隨後彼理使大想及耶穌苦難。不能禁痛心下淚。一日魔鬼醜形亦現。欲驚嚇女兒。女兒跪於苦像前。自托於主。鬼無可如何。怒聲說道。非有此釘於十字者。無人能奪汝於我手。魔特恨大聖人說訖不見。彼理使大年及十四。惟願守貞。不知何故父親不准女兒自主。其終身之大事。而放他與某諸侯之子爲妻。彼理使大伏己本意在父親心意之下。約期到。出嫁無怨言。只求天主降福。他守規誡習善如守貞者然。

丈夫年方十八。爲人性直愛善。夫婦同居互相敬愛和好。彼理使大盡心理家內務。而不冷落於靈魂之事。竭力操習善功。而不懈怠於家務。續生四子四女。撫養訓誨至善。引導兒女謹守規誡之外。還教他自幼行些尅身

之功。兩子在襁褓身死升天。餘之二子四女皆長成習大德。其中一女加大利。納名登於聖女之冊。

彼理使大年紀三十餘。見丈夫在朝廷任重事煩。不時勸他卸任出朝。特專務善事。某年丈夫患重病。彼理使大日夜侍於榻側。服事湯藥。一日聖弟阿尼恤日明發現報以病人之不得死。丈夫果然好痊。以後輕薄世福。惟願預備過審判。乃出家入本篤會院。習善數年而福終。

此時彼理使大年紀畧四十。喪夫後倍加善功。身穿苦衣。腰帶粗繩。薄飲薄食。少寢多寤。每七日內守大齋四日。瞻禮六。只用麥餅清水些須。每日跪地沉默多時。見者問弱女如是。安能苦身至此而不死。聖婦又知道愛主之外還須愛人。是以竭力行身靈之哀矜。冷淡者勸勵。熱切者堅固。憂悶

者安慰。臨終者看守。每日接窮苦十二人在府中飲食。慈顏迎入。親手供食給衣。

主耶穌愛聖婦之熱切謙遜。一日發現謂之曰。我將默示汝以聖事。汝當以我言告神父。使神父傳之於世。此後吾主不時發現訓誨聖婦。聖婦每次告訴鐸德以吾主之言。聖婦去世後。神父著一本書名曰。聖婦彼理使大所授之默示。現今尚在。吾主命聖婦立貞女新會。並默示以此會之規矩。聖婦如命。稱之曰救世主會。隨後有隱士欲從其規。是以救世主會分爲男女隱院。

某年吾主命彼理使大離本國進羅瑪。彼時兩兒在朝廷爲官。四女中一在隱院修道。兩女已出嫁。聖婦帶第四女加大利納。奉主命進羅瑪。在此聖

德顯明如日。每日同女或在經堂念經沉默。或在病院服事病疾。或遊歷窮民各家施錢訓誨。不時與博學聖士談道。而博學稱其聖學之奇妙。素常見人卽知其心事。或以臭氣識各人所懷之罪惡。而慈言提醒避邪歸正。聖婦常掛念珠一串。勸信輩每日誦之。念法與平常不同。念珠小子六十三顆。大子七顆。念在天一次。申爾福十次。我信全能者一次。如此六回。然後在天一次。申爾福三次。共誦在天七次。敬聖母七苦七樂。申爾福六十三次。敬聖母在世六十三年行善。我信全能者六次。敬天主聖三。誦玫瑰此式由聖婦傳於世。現今尙存。教宗賞以恩赦甚多。

聖婦奉主命又過日路撒冷朝敬耶穌顯聖蹟立妙功各處。究竟回羅瑪患病一年。吾主發現約他五日後身終升天。次子與愛女在榻前服事不離。

第五日領聖事後與子女及衆人告別而亡。

時西曆一千三百七十三年。

死後顯聖跡甚多。次年兒女遷聖尸回瑞國埋於聖婦所立之隱院內。過十八年教宗列彼理使大之名於聖婦之冊。

聖女俾辣日亞 苦修

西曆畧四百五十餘年宋武帝年間羅瑪東國洋弟約家城宗鑒牧集本屬主教在城議事。其中有葉得斯主教名農諾一日在經堂外講道理。兩側衆鑒牧高坐。堂前廠垣信輩羣立靜聽。只見一女異色異服滿身金銀珠玉。打扮得國后帝女相似。羣女亦盛服跟從。淫目四方注看。漫步由信輩

中過。惟欲扯人眼而亂其心。那女名俾辣日亞，乃城中絕色之妓。數年來害得許多富家少年浪蕩，溺於淫。農諾主教目擊默然不言。但心下疼痛，雙目下淚。迨至羣女走過後，聖人哀聲謂衆牧鐸德曰：兄等請想此女之行爲。將來過審判，天主必以他責我等之過。他日夜以偷竊人心爲意。特此藉絲羅珍玉之美、金銀寶石之貴，裝飾己身而艷其色。世人愛其美，多爲他迷惑，致輸財敗家等情。天主乃萬福之全，忠心事之將來必受妙賞。我等自幼願得此賞，是以棄世務事主。奈何！我等願取天主寵幸，不如此妓女取人愛之切。伊朝夕勤快，細心借萬物之美，成精其身之美，弄人失心跟從。我等懈怠冷落，不以聖德裝飾靈魂，致上主悅而降臨。伊爲數年之賤福虛貴而費心神不止。我等爲永遠之眞福實貴，而不捨辛苦勞

力。是我等不如此女而天主將來以他而責我也。說訖進屋哀號主前祈求變化那妓女之心。

隔日農諾聖人在經堂講道理。俾辣日亞雖未奉教，然穿戴如初進聖堂來聽。主教說罪惡之醜陋，審判之不可免，永苦之不可當。俾辣日亞聞之駭然出堂歸屋。是日遣人投書聖人處。主教拆看書曰：魔鬼之物，污穢不堪之女呈函耶穌基督督門弟足下。敬啟者，聞天主由天降地，非爲善義，惟尋而教有罪之人。盜賊不棄，淫女不嫌。茲望救世主之眞門弟不棄罪女。俯准覲面承教，惠指滌罪贖愆歸正之道。聖人覽畢心想道：此女之心難測，恐爲魔所使，假顯痛悔歸正。實來誘感我，亦不能知。此事不可輕易。遂回函畧說：爾心之底蘊，惟天主明悉，予不知也。是以不敢私下訓誨。爾

心若果然無詐。可來聖堂衆鑒。牧足下領教。俾辣日亞得此書歡喜。當時換服出屋到經堂。跪在衆鑒。牧前哀哭。大聲告罪求領洗。鑒牧曰。聖教之規。罪人如爾。回頭後當緩些日時。則可與他付洗。另須干証保他將來不壞善表。俾辣日亞謙遜說道。列位鑒。牧既不准罪女。罪女若不幸未曾領洗而身終。天主臺前必歸咎衆鑒。牧。說訖。眼淚如雨。衆主教見。明知此女之痛悔不虛。乃准他領洗。是日行聖禮。禮畢。交俾辣日亞於明德某寡婦學習聖道。

過三日。俾辣日亞將所有之家具衣服首飾。盡交與農。諾聖人求代濟窮民。再過數日。將衆僕婢開發。自暗地行到日路撒冷城。造土築草蓋一小屋。在阿里瓦山。苦修四年不出。朝夕尅身哭罪不止。功德之名遠震東方。第

四年患病福終。信輩時時記念俾辣日亞之名。罪大而願回頭者可求其轉達。

切想

耶穌在福音路加十六章八節訓曰。俗子謀事巧於光明之子也。

俗子卽世人。福音亦稱曰光明子卽信輩。俗子謀事巧於光明子。表指世人

謀求財帛榮樂。比信輩行善救靈魂愈巧愈智。吾主此言之真實時時處處可驗。除開聖人們及熱切之信輩。餘者務靈魂之事勤快剛勇不如世人之務世事多也。哀哉。世人所貪之富貴雖不全不長。却朝夕盡歸其心思身力於此。艱難不懼。危險不避。其中未能得意而先死者多。其餘雖享榮貴財帛數年而竟不免病苦身亡。如是則所貪慕之榮福虛妄。不足賞

其費心勞力之誠實。信輩不然。所望之榮貴福樂誠實。可滿人心。可享於萬世無窮。但懈怠於行。不肯費心神以求之。俗子立志求富貴。生平不灰心。幼年如是。中年亦如是。不望他人湊合。惟靠自己靈穎。吃得苦而上前。可愧信輩。多則今日慕天榮而明日忘之。或不忘。而欲不費力。惟安然行天路以得之。事顛倒也。是以吾主訓前後諸世曰。俗子謀事巧於光明子。今日之俾辣日亞回頭前。正黑暗之女也。身美心邪。而願以身之美惑人心。歸邪。是以自飾己身弄人。如漁夫之布網弄魚。農諾聖人見。不覺心痛。以此妓女提醒衆鑒牧鐸德。其言類似吾主之言。可警靈牧等自愧事天主。救人不如一妓女事魔害人之勤快靈敏。聖人以此想自責而垂淚。且哀憐那女之昏迷爲他懇求以化之。足訓爲靈牧者。當以世人尋求虛華。

虛樂之智謀而自醒自勵於拯救罪人之善功。幸而衆靈牧能謀事辛苦如此，可望多人學俾辣日亞回心歸化。

省察 俗子謀事巧於光明子。我爲信輩當以此言自察。看我貪望永福行善，可比世人貪望富貴榮樂之勤快忍苦麼。我爲靈牧亦當自省。看我導引信輩行善可比魔鬼之僕引人行惡之智謀勤快否。

定志 自今以後，我爲信輩爲靈牧必以世人求富貴之恒志靈與自警自勵。

九日 聖弟阿尼恤主教同列聖 致命

古書載今日列聖之言行如下。

主耶蘇降生之時，額肋濟亞

亦稱希臘

古地爲羅馬人霸佔，置爲屬國。以亞得肋

爲首城。此城名大。其士世世練文尙學，超過他方文士。弟阿尼恤出於此。自孩年從異教操習各學。二十五歲爲官。隨因其才日顯，續推爲理亞德肋公事九員中之一。未竟年畧四十，陞爲總理額肋濟亞事務之議政大員。時救世之功已成也。聖保祿宗徒來亞得肋傳教。一日在議事公廷講道理，化弟阿尼恤心服奉從。親朋不悅，相繼來見。以古傳之不可離，以名榮之將敗而勸戒勿奉新教。弟阿尼恤每每應曰：道不在新舊，惟由虛實而辨。保祿所傳之道，獨合正理。故不得不奉而棄昔日之虛。且舌辯出衆。

才學淵博，說客不但不能敵，且從之而化者不少。未幾弟阿尼恤惟願特專於聖事，乃卸任從保祿，日夜受教。過三年陞爲亞得肋主教。才德畧像老師，大益聖教，救人甚多。

以上諸事可謂確實。以下所載雖可疑不定，却亦當紀之。

據古書弟阿尼恤在亞得肋居鑒牧位畧四十年。壽八十餘。陞一位主教代理亞得肋聖教事務。自赴羅馬見教宗請旨，願奉委去他方傳教。教宗留聖人在羅馬數月，然後委之過法地。聖人辭別而行。鐸德呂斯弟各與六品副祭厄留德陪從。三聖到巴黎城善表善言勸化民人不少。過二十年聖道大行於城鄉。西曆一百一十七，制軍將主教與呂斯弟各及厄留德拿獲到案投下監獄。隔數日復提上堂重鞭。主教壽百零數歲，忍當諸刑。

隨後制軍投三聖於野獸。野獸未敢傷噬。投之於火。火未能焚燒。竟令押送出城斬首。次日刑役送三聖到城外坡上而斬之。主教被斬後雙手抱己頭行二千方。方纔臥地不動。

另有新書載曰。聖保祿宗徒所化之弟阿尼恤。隨陞爲亞得肋鑿牧。而在彼善生福終。不知於何時。傳教於法京。而在此致命者。另是一位弟阿尼恤。奉格肋孟多教宗委來法。而於西曆一百一十七年致命。更有纔出之書。註曰。法京之弟阿尼恤。亦非亞得肋之弟阿尼恤。亦非格肋孟多教宗所委。乃格肋孟多後百餘年。奉別教宗命來法京。而同呂斯弟各厄留得等致命。畧於西曆二百五十年。此事博學爭論已久。未能決定。

總之亞得肋。昔日有一位聖弟阿尼恤。爲保祿宗徒所化。然後當本城鑿牧。

是實法京有一弟阿尼恤鑿牧同呂斯弟各厄留得致命亦是實。聖人們斬首之坡改名曰致命坡。二十年來坡頂造聖心妙堂一座。所用銀款不下一千萬兩。在法國聖弟阿尼恤之名最大。京城外有聖弟阿尼恤聖堂。昔日法帝埋葬於此。

聖類斯 伯爾當 顯修

西曆一千五百三十餘華明世宗時。西班牙國瓦能西亞城有一士姓名伯爾當。妻名若翰納。生有四子四女。長子名類斯。自孩年操善。寡言愛靜。年紀十六七入多明我會。讀書至精。苦功至嚴。陞神父後回家。顧父親臨終。喪事畢受默示。得知亡者在煉獄。遂朝夕誦經。尅身以救之。越八年復受

默示知道父親升了天堂纔止。在院以教徒爲業。才德不愧老師之職。年三十四奉命在外講聖道。化人不少。隨思想亞墨利加地方人民從異端不能升天之大患。乃求會長派他航海過此地去勸人。會長允諾。類斯歡喜上船到秘魯上岸。全靠天主降恩纔可感人心。故守大齋等工而祈禱不息。幸蒙天主異恩相助。致言本國之言。而各國之人均會其意。比如聖人宣講在此。聽者數百人。話語大異如中華日本印度。類斯神父說西班牙之言。而衆人明悉若聞本土之語。秘魯之民卽覺聖蹟而動心愛聖教。况見聖人行爲奇妙謙遜忍耐。尅己愛人。而明知其師如此。其道必善。一日有一人抱嬰孩來稟神父道。我在家中守此病孩。聞得密聲於我心內。謂曰。你的孩子在臨終。只須類斯神父以水洗其額。他死後必享大福。神

父細看那孩，果見病重危極。遂與他付洗。禮畢，小孩卽時升天。此後來認識天主者多。領洗於神父之手者萬餘人。

類斯遊行各方，聖德日明。或時三日內只用一殮，鉄鞭自責至血流。如是本身贖異教人之罪而感上主施恩與秘魯之民奉教。某年有人心裡懷恨，下毒藥於食而遞與聖人用。聖人食後絕未覺惡效。彼時天旱禾苗不生。聖人誦經卽見甘霖下沛。方中人愈加靠望。有一萬五千人領洗。

過數年奉命回國。時在外講道理而各處成大功。時在院教徒會憲推之爲

瓦能西亞城內院長。聖人推辭不脫，乃進經堂在聖未增爵斐里也。此生於

四月祭臺前祈禱曰：求聖人當長上，我竭力副之。只見像點頭如應諾。神父當此任若亮之在燈上。近者皆沾光。待人威而不猛，柔而不弱。隱士來

稟以心下之難，必忍聽而竭力安慰謀策。或來者不說心腹而聖人蒙主默示知悉，隨事提醒勸戒。當長上之年數已滿，仍然講道在外。彼時身體多病，不但不埋怨，而常藉聖奧斯定之言曰：主懇祈爾以火以刀苦我在今世，而恕我在後世。又曰：主勿饒我身前，惟求饒我在死後。是以不時誦經畫聖號而醫他人之病疾，自己抱病而不求安。一日聖方濟各聖多明我發現來撫慰。聖未增爵斐里也亦樂其心以天堂之永福。聖人預先明言其死之日期到領聖事安和伺候。是日果然卸世。

時西曆一千五百八十一。華明神宗九年。

隔日聖人發現數回。通城來送葬。埋後半年遷墳。見聖尸鮮色無朽。復越六十餘年開幕見聖尸全存噴香。抬遊城廂各街。然後用銀箱裝之。置於經

堂內。西曆一千六百七十一，教宗將其名列於聖人之冊。

切想 行哀矜有命 二續哀矜

問。何以行肉身之哀矜。曰。凡益人身之物如田地銀錢衣食等件，俱可以之行哀矜。問。各人之財帛隨各人使用。濟與不濟任他自主。何以說富者當行哀矜。曰。天所覆地所載之物皆爲天主所造。大小國境內所有之田土五金珍寶皆是天主之物。上主可先施此地與某支人居住，後可把此地另施與別支人爲業，而絕不犯公義。各家或先祖所遺或本力所創之業亦然。皆是天主的田土財帛。主或投此家於貧寒，另賜其業與他人安享。乃至公不可怨之事。既可盡取富者之財帛而不犯公義，何況可取其財之些須而不越本權乎。由之而推。天主可令人行哀矜。可定律曰。凡有餘

財者當分股以濟窮。違則吝，將必受罰。

或問。天主有此令否。曰。聖經篇篇載之。如曰。若見人困於貧窮，汝不可硬心

袖手。申命篇十，五章七節無食者，須分食與之。無寓者，須接入屋。無衣者，須衣之。汝

之骨肉，汝勿嫌棄。依撒依亞五十，八章十七節耶穌曰。人需索與之。瑪實五章，四十二節又罵惡

人曰。離我入火。因子饑，爾不食我子。渴，爾不飲我子。旅，爾不納我子。裸

爾不衣我。瑪實二十五，章二十一節足見天主聖意令富者輸財助窮。各世之聖師註

聖經言語畧同。金口聖若望曰。天主施財於富，非准他奢華，惟命捨濟。富

不濟窮，可謂奪人之命。聖奧斯定曰。富之餘財，乃貧窮之業。富存之不濟，

可謂存不公之財。聖盎波羅削曰。取他人之銀錢，或有餘而不濟窮，二者

同罪。依正道看來。田地財帛無不以天主為主。富者所有乃主所借所托

之財。當依主令而用。普世之富家可比大海。海水爲太陽晒熱必變汽。汽行上成雲。雲爲風分散變雨灌地。方出五穀百菓。富者乃財帛之海。其心爲聖愛感發。衷熱輸財分濟貧窮。貧苦分財。其身得生。其心得樂。天主此令非隨人可行有功。不行無罪之令。實乃嚴飭各人之律。違者不能升天。信輩當視真窮如視天主。見貧窮無緊要之衣食而硬心不竭力施濟。乃犯天主之要令。死後過審判必聞仁主以上文之言罰之曰。離我入永火。因子饑爾不食我。云云。聖弟阿尼恤聖類斯伯爾當皆奉命行哀矜立功。人身欲食欲飲不如人靈欲識真路。貪獲永福。二人以充人靈之饑。止人靈之渴爲度生標的。不辭勞苦致命。惟冀救人於惡。引人到天福。其功至大。其賞至美。學之。

省察。天地萬物乃天主所造。各國各家所有之田地銀錢乃天主所托付之財。當從主令而用。我知之麼。天主令富者行哀矜之令，非任各人而行。而有功不行無罪。乃嚴飭各人之律。遵者福，違者禍。我知之麼。

定志。自今以後，我視萬物皆以天主為主。富有財亦受天主之托，當隨主令而用財。我視貧窮如視主耶穌而竭力救拔安慰。勿致硬心吝嗇不施濟而受天主之責。曰：離我入永火。此題未完  
看十一日

十日 聖方濟各 玻爾日亞 顯修

玻爾日亞乃意國城名。亦是西班牙貴家之名。西曆一千五百一十年。明武宗年間。西班牙有此家。晉襲康弟亞地名公爵之夫婦二人。皆前代大官之子女。而當世盛稱家富權威。是年夫人懷孕疼痛異常。自托於五傷方濟各之轉達。許願若生子。稱其名曰方濟各。過數日和平產一子。便還願。取其名曰方濟各。孩兒從明師在家習文武。並效學父母操善。年紀十歲喪母。始知榮貴之不長。越八年文武雙全。玉貌亭亭。從父進朝侍帝。嘉畧明第五知朝廷乃奢華之地。善德易敗之場。遂小心在意。熱切誦經。領袖跡之外。結交擇人。玩耍擇地。爲臣忠心。爲人端正。帝與后甚喜。次年方濟各娶某貴家之女爲妻。帝封他爲隆排侯。且加祿留朝重用。方濟各理事不辱上。

命。或從帝帶兵，或在廷參政，而智謀韜畧出常。見文武中有才德者，卽舉薦，不嫉妬，諂佞者責黜，不奉情。在家待人至公，立表至善。僕婢且畏且愛，而無一不守規誡。夫人亦好善，與丈夫同心。續生五子三女，朝夕善訓。世人所求之榮福，方濟各雖已享受數年，而心仍覺不安。是以漸漸輕薄榮華富貴，如不滿足人心之物。

西曆一千五百三十九國后青年患病而薨。方濟各奉旨帶官送喪到帝后墳垣處。禮畢將埋，依例命開棺再驗，是否國后之身。棺材開處，見亡者容貌朽爛，覺惡氣逼人，便駭然自道。噫，前不數日國后高位無匹，身美可稱。現今變卑賤醜腐如是之物。看來人身實實不足貴，榮樂不足貪。越數日上奏求君准其卸任歸田，獨專靈魂之事。帝不但不准，且加爵外放方濟

各爲某省總督。方濟各不得已奉旨出京赴任。在此清廉愛民。督飭官員持平辦理獄訟之外。常准小民進公堂喊冤。且親自細問其事而伸其屈。見債賬不清無力籌償之犯。常自捐廉助之填還。某年饑荒。派許多人分走四方購運麥粳來屬。致家家能買而全性命。總督雖細心於公事。而私下至勤於靈魂之神務。每日天未會亮起身。誦經後默想四五點鐘之久。戴苦衣之外用鞭苦肉。雖日日接客而大方款待。却自己飲食最薄。素不嘗酒肉。而以麥餅清水養身。省察甚嚴。自覺言行有些微之過。卽自罰。每主日告解領聖體。士庶見總督習善如是。無不敬愛。而願效學自新。越過四年。交親公爵薨。總督襲父爵稱康弟亞公。是年上奏請卸任回里管治本屬。

一方之民  
屬公爵管帝批准。

方濟各在康弟亞爲主，與日前爲總督之功德相彷彿。各處造病院，出資之外，時時駕臨親手服事病疾，善言撫慰，所提拔之窮苦，所救活之人命，不可勝數。且因日進於善，天主愈加寵幸，人衆愈見感德。第三年夫人患重病，方濟各朝夕哀禱，主前求保存。一日聞聲於心，明告曰：汝妻之生死在汝之手，隨汝選擇。但若耍他再活數年，非汝妻之益。方濟各聞言應道：豈有主順臣意之理哉。茲僕之所願惟天主之願也。不但妻之性命，且僕兒女之性命，皆獻於主。夫人知悉此事，甘心自獻於主，生死隨令。隔數日和平身終。

時方濟各年紀三十六，喪事後無心再娶，惟預備離俗隱修。時耶穌會纔興數年，方濟各欲入之，便致書羅瑪聖依納爵處求收納。聖人歡喜允諾，但

令方濟各延緩數年。迨至兒女長成，終身之事議定，方可出家。方濟各依令，一面奏教宗，求准他暗地許三愿如隱士而留居家中數年。教宗批准，方濟各即時請數友爲証，許愿節貞安貧聽命。此後每日晨早兩點鐘起床，誦經沉默到八點，辦告解聽彌撒領聖體。隨讀公義書，或審屬民之案。午時薄餐。下午集衆兒女聽訓誨，然後看聖師所著之書，聖教歷世所定訓信輩之各款。晷至四點鐘，仍然坐堂審案。日西誦經省察等功。正世中修大道之聖士也。越逾四年兒女之親事議好，屬地和平無所慮。長子年二十餘，智可代父位理家。方濟各乘勢進羅瑪朝見。教宗優禮相待，請在殿內寓住。方濟各謙辭出朝，在聖依納爵小屋寄身，晨夕聆教。未竟離羅瑪，回西班牙。奏帝請准讓爵交屬地與長子繼康弟亞公之位，自棄俗隱。

避。帝批准。方濟各卽時立券遺爵長子宰治所轄全境。自己離本家棄俗衣入神品。續陞鐸德。同耶穌會神父數位居鄉下一茅舍。去各方講道理。輪環丐食養身。遠近無不稱奇。士庶相繼來見求訓。從其善表而棄俗入耶穌等會之富貴人甚多。西班牙通國稱方濟各。或曰聖人。或曰天人。帝請教宗陞之爲紅衣宰相。教宗亦有此意。但聖人謙辭不受。

次年方濟各奉命過葡國。在朝廷及京都內各經堂講道理。化許多人習善。隨回本國而善功如初。聖依納爵陞之爲耶穌會副長。數年之光景。聖人遊西班牙各城。立學堂。造本會院。收納門弟。各州府縣之官宦以聖人之大名異德。皆心感竭力助善。

且說數年來耶穌會士在各國大興真道。大正風俗。裂教人與惡徒皆憎恨。

千方攻之。讒言害其聲名。致士庶漸漸疑惑。與耶穌會士絕交者甚多。帝亦聽諂佞之言。視此會衆士爲深心不可測。舉動詐僞不可信。而防之。聖人見事變如此。大痛。求見帝。帝召見。初則冷目視之。次則聖人將仇讐之讒誣逐一辯駁。又把本會之事詳叙。朗明如日。帝聞知歡喜謝教。竟命聖人筆出所辯各端上奏。聖人依令。此後帝寵幸方濟各及耶穌會士如昔日。

聖依納爵卸世後繼位之新長留聖人爲副憲。聖人以謙遜自微之表訓誨衆士。每年遊歷各省巡察各院。所到之處隨卽下手行卑賤之事。如掃地洗碗烹煮供食等無不樂爲。出外則在病院監獄訓犯服事病疾。其病愈重其瘡愈臭者。而事之愈細愈慈。聖人所惡者人衆之尊敬讚頌。時時竭

力避榮如常人之避卑微凌辱。所愛惟辛苦貧窮。冷熱衣服同樣不加亦不減。腹餓用丐來之餅爲食。出門講道理終日行走。日西進馬槽臥草而眠。衣服靠本會付給。飲食望善人資助。餘外無一物可說是他的。論聽命之德則操之致令人奇異。凡接總長書札。卽跪地而讀。某年聖依納爵聽聞聖人尅身過分。乃致書命方濟各事事從院內廚司之令。聖人如命。或飲或食或別事必隨廚司所令。一日某貴人來見。方濟各正在廚房作工。乃稟命廚司方來廳迎客。聖人待轄下衆士至慈。可比昔日在家待兒女以愛爲本以義爲規。偶或見有事不合理。提醒犯規者之後。自行克苦補贖其罪。仁愛勝於嚴謹多也。各士以長上之慈自勉而習德愈加用心。天主亦愛聖人之善良。不時賞他以異恩。或能識後來之隱密事。或暗中跪

臥房內而大光由其身射出外來。衆人知之愈加敬服。

聖人年及五十五，爲衆士推爲本會總長。在位七年。於各國立院甚多。在內管治會事之賢智可稱。在外引導人靈操善之才能至奇。竟奉教宗旨。遇法西葡各國請帝王合兵抵禦回教惡軍。事畢返程。途中染病。自知不久於世。倍站進羅瑪覆命後臥床不起。紅衣宰相與鑾牧等欲來見。聖人請列位不勞賜步。准他避靜專備善終。過兩日領聖事和平而逝。時西曆一千五百七十二。華明武宗七年。

聖尸埋在本院經堂內。隨遷至西班牙京都。

切想

父若肯請免我此爵。然勿順我意。惟隨爾旨。路加二十二章四十二節此是主耶穌將死

之言。初以艱難臨身之畏懼而求免。次以聖愛自勵而全服於天主之旨。明証主耶穌人性之內情類似我等之情。誰人雖勇兵虎將而怕死。誰見死至而不欲尋路逃避。此乃勇弱之同情。但懦弱順性悖義以免難。壯勇勝性守忠不避危。愛親朋之情亦然。聖人常人皆懷之。但常人不善於奉上主之命。偶遇親朋之身死而多有中心不服。聖人常以天主聖意自正其本意。是故見親朋去世。服於上主所命之事而和平。主耶穌於生死之大。均不自意作主施行。惟願順聖父之命。聖人常托自己與親朋之生死。於天主之聖意而願其聖旨獨行無阻。

今日之方濟各玻爾日亞。性情本與你我相同。但剛勇聖愛類似聖人。見妻將臨終而心苦。哀求天主保存。天主異恩默示方濟各曰。妻之生死在汝。

之手。隨汝選擇。但若要他再活數年，非夫人之益。善哉此言也。請爾信輩記之。天主至賢至明，量人利益與我輩不同。你我見康弟亞公夫人青年好善，朝夕訓教兒女，福慰丈夫，你我想留他多年在世，事必甚好。夫人仍可操德增功勞。丈夫兒女亦皆沾光。殊不知天主明見將來如今時。告方濟各曰。若選擇夫人再活數年，非夫人之益。噫，有許多信輩，爲夫而喪妻，爲妻而喪夫，爲父母而死兒亡女，當以此事自省。汝夫汝妻汝兒女壯年而死。汝等正望同聚樂享一室。不料他速病先去。汝斷絃獨居而心多苦。今日請以吾主之教言自慰。汝夫汝妻汝兒女留世恐爲他不好，而反有大害。是以仁主取他棄此地入永世。他死際辭汝，或慘然悲哀。現今已知悉其善死所免身靈之害而踴躍謝主。請汝以此理自慰自安而全服。再

請衆信輩於親朋性命垂危爲他所求。當兩可居心不一其見。而虔禱曰。主。若有益於親朋之靈魂。求爾保存之。祈禱後又當效學主耶穌之言曰。主。勿順我意。惟爾旨。亦當從聖方濟各禱曰。豈有主順臣意之理哉。茲僕之所願。惟天主之願。如是則汝德全也。愛親朋而盡心爲之祈禱。愛天主而全意服其聖意之下。

省察 天主愛人勝過我愛親朋。天主定奪人之生死。總是爲各人之神益。我知之麼。見親朋命危可爲他祈禱。但須求親朋之神益在先。祈禱後若見親朋身亡。還須全服而以上主哀憐親朋之意作慰。我知之麼。定志 自今以後。我效學聖人照以上之道而行。

十一日 聖達辣閣與列位同伴 致命

西曆三百零四年，華晉惠帝年間，羅瑪東方西里西亞省朋白約城地方官捉拏信輩三人。一名達辣閣，年紀六十五，昔日從營當兵。一名博羅布年，畧四十，家道饒裕。一名安多尼格，年幼，乃富家之子。隔日總督由城過，地方官提出三人。總督命押送達爾士城監禁候審。衙中檔冊案載三聖之供判如左。

總督閱邊進達爾士坐堂，令提達辣閣來案問曰：汝名爲何？聖人應道：我是奉教人。總督命刑役曰：可批他一掌，教他勿亂答。聖人受掌後說道：奉教人乃我之真名。若問父母昔日稱我之名，則是達辣閣。總督曰：汝是何家之人？原籍何地？所務何事業？答：父母是羅瑪人，生我在閣羅第城。昔從營

効國曰。若願奉命。我必上奏請帝厚賞汝功。今日可遵順主君祭國神。答。國君不明辨虛實。是以令祭鬼魔。曰。此人亂稱主君不明。可再批他一掌。聖人受批頰後應道。國君是人而受他人之哄。曰。汝須背邪教祭國神。答。我不能背天主聖律。曰。國律惟真當從。答。更有真律。凡敬木石銅坵各種菩薩犯此律。總督命刑役曰。可再批其面。或可見他甦醒心中之狂亂。聖人道。所稱之狂亂。即我之拯救。我不能改變。曰。我早遲必致汝心知利害。答。我身在爾手。可搓切如意。總督命脫其衣而重鞭。聖人受鞭說道。茲果致我知利與害。我愈答愈覺剛勇。靠望天主及耶穌基利斯督。曰。汝先說信一神。茲憑汝口供實信兩神。答。非也。耶穌基利斯督乃天主之子。與聖父體性惟一。乃信輩之望。曰。須背他敬國神。答。我年紀六十五。豈可背正。

總督命鐵鍊縛他解送回監。

百長提博羅布來案。總督問曰。汝名何。答。我大名叫奉教人。在世稱謂博羅布。曰。汝須祭神則可獲主君之賞。答。我家道饒裕。而棄財帛事天主。茲無所貪望。總督命曰。可脫其衣。綁他於架而牛筋鞭之。聖人受刑說道。我身汝可隨意苦之。曰。汝狂病實實沉重。無法可治。答。我不敬鬼魔。癲狂不如爾等。總督命曰。翻之。鞭其肚腹。聖人禱曰。主。堅固爾僕。曰。豈不見爾身破裂。地爲汝血染紅。答。我身愈苦。我靈愈堅。愈強。總督命與他上桎梏投監。嚴禁人醫傷調理。

百長再提安多尼格來案。總督問名。聖人應道。我是奉教人。世間稱我曰。安多尼格。曰。汝家何如。答。我家名顯於厄福西約城。曰。我衆以帝爲父爲主。

汝須奉旨祭國神。答。爾等事鬼魔。可謂以鬼爲父。曰。汝敢無理如是。豈不知我能苦汝。答。我知之。總督命縛聖人在苦架。百長謂之曰。茲將動刑。可預先奉旨祭神。聖人道。我寧可受萬刑。不願失我靈魂。總督曰。汝不祭神。我必烈刑殺汝。答。我自幼不祭鬼。萬不可始祭於今日。曰。只恐動了刑。即見汝狂疾療瘡。答。靠望天主之狂助人得常生。世間之智引人到永死。總督命動刑。聖人道。我不會犯法。豈可苦我如殺人之犯。曰。汝無忠無孝之徒。忠孝必從君旨祭神。答。背天主敬木塊銅鐵之菩薩者不孝。曰。敢說國君不孝。可加刑。答。我身在爾手。總督命以瓦礫搓其肋旁。而以鹽撒其傷。聖人道。鹽可比凉水。令我一身安逸。曰。我緩刑殺你。答。爾惡言不能嚇我。總督命上銖鍊投聖人於監緊守。

隔日總督過莫白邪城。兵差押送三聖從後來。某日總督坐堂提三聖到案。總督責達辣閣曰。我寬你思想已數日。汝若非愚頑倔強必願奉令祭神。答。我仍然欽崇天主。惟願國君與大人背邪奉聖教。曰。可以石捶其頰戒他狂言。答。我狂真智也。曰。汝牙齒已捶爛。可自憐而祭神。答。可砍我身成數段。但不能迫我背真主。耶穌助我勝爾刑。總督命備火炭。置聖人雙手在火上。聖人道。此火我不怕。所怕者永火。曰。汝手已今燒爛。可自省而變志。答。若另有刑。可試之。總督命鍊縛聖人而以濃烟熏其頭。聖人道。方纔受火。此烟豈我懼哉。總督命備醋和芥末而傾之在聖人鼻內。聖人道。所用非芥末。惟蜂糖也。總督命送回監去。

再謂博羅布曰。數日以來汝必自知無理而願奉旨祭神。答。日前所受之刑。

把我身靈堅固。今日決無畏懼。所敬愛者在天生活之大主也。曰。我所敬之神豈不生活乎。答。人手所造之石像。豈可稱爲生活哉。爾等祭他。他不知何所爲。曰。魚露得乃神中爲大。汝當祭之。答。魚露得乃古時之賊。生時盜淫。死後豈堪受人之敬哉。曰。敢辱罵大神如是。可以石擊其面門。答。我言真實。衆人時常談此事。爲何打我。總督命用紅鉄烙其脚。刑役依令。聖人道。火無效。我不覺。總督命縛於架重鞭。而火炭燒其頭。聖人道。爾可燒我身。但我不背真主。天主能福人。不似邪神害人。曰。現在堂上之衆人皆敬汝所稱之邪神。却未見他受害。反且在此安然享生活之恩。答。衆人昧良敬邪神。除非改路奉聖教。將來皆受永火。總督命以石擊聖人之面。然後說道。我將割汝舌。免汝亂言。答。我另有舌於心。爾不能割。總督命押送

## 回監。

百長提安多尼格來。總督問道。汝之兩件先受苦甚多。究竟自明而背邪歸正。國君必將厚賞之。勸汝預先奉旨祭神。勿致固執於邪而歷辛苦。答。我伴諒不能背天主。萬一灰心而背。我不能效尤。總督命綱之於椿。以牛筋鞭打。聖人道。此刑俗常。不難耐受。某武官說道。汝一身重傷。豈可視爲輕刑呢。答。愛天主者以此爲不足掛齒之刑。總督命以盞搽其背。聖人說道。多用些盞。如是我身不致臭。總督命翻之。而復新其肚腹之傷。答。我日前之傷痊癒久也。總督責守獄兵道。我嚴禁放人入獄醫治此人。汝曹爲何不從令。獄兵道。僕等具得結。日夜小心守此犯。並無一人到過他身邊。總督曰。看他身上絕無傷跡。請說是誰醫他。獄兵道。僕不知。聖人道。汝等可

謂有眼而不見。治我傷者非人也。天主也。治病不用藥。一言而效焉。榮王在天堂。而地球無處不在。曰。汝狂言無益。當祭神。否則死。答。勿以我爲孩童。可受驚嚇。總督命監禁。

逾數日。總督過亞納撒城。兵差復送三聖去。總督命縛達辣閣於苦架。燒紅鉄籤穿其雙乳而割其耳。聖人道。割我耳之後。我心猶可聞主之聖言。總督命割其頭皮而火炭燒之。隨命鉄爪抓其面而割其唇。聖人道。以爾刑我面變醜。但我靈加其美。總督命抬回監獄。

少頃將博羅布倒吊。以燒紅之鉄籤錐其背與兩脇。隨命放他而以獻過菩薩之酒肉灌之。聖人道。主。我受強。爾鑿之。總督曰。你枉自受刑。今日用獻神之酒肉。可謂背教。答。此是受強之事。不能污穢我靈魂。我功全在。總督

命以燒紅之鉄籤錐其雙腿。火釘釘其手。聖人道主感謝爾賞我與爾同刑。總督命將他眼目挖下。聖人受刑後說道。我今已身目盲瞽。但靈魂有眼目。汝不能害之。曰。你如今失光。還不自警。答。無光而黑暗者爾。比我愈屬可憐。曰。汝身若亡而尙敢饒舌。答。迨至此殘身絕氣。我必讚頌天主。所冀身亡也。惟求主助我恒守至終。總督命抬之回監。

再提安多尼格來案。總督曰。汝之兩件纜背教歸正。望汝從他自明而救性命。聖人道。爾所敬之神詐偽。駕雲哄人。爾與他同類。總督命燒其肚腹。紅釘穿其手。並說道。汝不能死在此。來日在戲場死於野獸之牙。答。爾比野獸還惡。總督命以獻菩薩之酒肉灌之。時聖人禱曰。主。爾明見我被強。曰。天主不能救汝於我手。答。天主要救我不難。曰。亂說。遂命與聖人敲牙割

舌。刑役依令。然後抬聖人回獄。

次日城內城外士庶集在戲場。其先有武士數百。人身着盔甲。手執器械。相殺。民見絕樂。揚勝抑敗。末竟抬三聖進場。而放野獸。但獸變馴。不害信輩。再放最惡一大熊。熊伏於聖人足下不動。總督命殺熊。而鞭管獸之役。再放一母獅。母獅至惡。出籠嘶吼震地。直向三聖奔來。忽然變馴。臥在信輩之前。舌舐其足。總督大怒。命取回母獅。派刀斧手殺三聖。少頃三聖斬首升天。是夜信輩搶其聖尸而敬埋。

切想 三續哀矜

誰當行哀矜。凡見人困於大難。比如饑餓寒凍將死者。我雖貧窮。亦當施濟以救之。否則視骨肉若草芥。而不免有罪。有愛德之窮信輩。見人比他猶

愈窮而分飲食銀錢些須給之。所濟不多，而功至大。昔日日路撒冷經堂內有庫。入經堂者可投銀錢於內。鐸德每日開庫取銀錢用在經堂。一日主耶穌在此立看。見富貴投銀若干，而不稱其功。但見貧窮中一寡婦端入，投兩個銅錢而去。吾主嘆美曰：此寡婦所納多逾衆人。因衆人以贏餘而獻主，而此婦於困乏中盡納其餬口之資也。路加二十一章一節一千八百年來各方各世有許多窮信輩悅樂主心，如日路撒冷此寡婦。自身恆行工夫，尋日食，而窮乏之中竭力助人於苦。雖納不多，却其功至大。其賞至妙。何謂餘財？比如一家每年有租銀若干，每年不奢不吝，依自己的位分畧當費若干。又可防後來天旱折本之患，可備兒女讀書學業，或娶或嫁之用費，而以餘銀設法或買業或放利。但須分餘銀多少，隨餘銀之多寡。

行哀矜。自家若奢華浪費不存銀錢爲防將來之事爲行哀矜。天主臺前必不免受責。設若存有餘銀而吝嗇不施。惟盡用此餘款以增本業。天主臺前又不免受罰。富者既不可奢華過分。亦不可吝嗇過餘。但寬餘之款。請問當哀矜若干。曰。天主未出定法。人之愛德愈大。施捨必愈多而立功愈妙。依各世聖師之訓。凡信輩每年施餘錢十股之一者。便可滿本分。勸爾信輩人人行哀矜。財多施多。財寡施寡。無愛德於心不可登永福。汝不行哀矜何以知爾有愛德哉。汝喜悅哀矜窮苦。可信有愛德。可望永息。今日之聖博羅布原是個財主。因奉聖教輕薄財帛以之散濟窮苦而心貧。從主耶穌。安多尼格富貴人家之子。諒必亦大方形哀矜。惟達辣閣從營當兵。銀錢自然不多。但見其愛主之德。可知他亦慈心愛人。吾主賞三聖

以致命之功報其愛德。富者窮者一齊升天得永貴永福。貧富效其善，必分其榮。

省察 富者有嚴令，當以餘財行哀矜。我知之麼。窮者本不屬此令，但遇見有人在危急，窮者亦當施捨救此人性命。我知之麼。好信輩無一行哀矜。有多施多，有少施少。我知之麼。

定志 自今以後，我依上文行事。財多，多施。財寡，寡施。

十二日 聖葉德位 國王

按二月二十四與五月二十八日所述，西曆四百餘年日爾滿兩支人，一名英及，一名撒生，始佔英地海濱。本地之民不能敵，漸漸向西而退。畧過一百五十年，本地人惟存西方之海濱。英及撒生盡霸東北南三方。但分數小國而相爭。本地人多欽崇天主，而日爾滿新來各支皆信敬菩薩。西曆五百九十餘，教宗聖額我畧遣聖奧斯定帶隱士四十位由羅瑪過英地，在東北方傳教。幸化某國之王名葉德帛，二月二十四日奉教。百姓漸漸效從。過數年又有某國之王崩，駙馬某諸侯奪位。世子葉德位出奔隣國逃命。在彼娶公主爲妻，靜待機便以期復國。逾數年帶兵將入境，賊君來敵死於陣。葉德位全勝登王位。彼時妻薨，續娶隣國葉德帛王之女爲后。新后孩

年領洗長於德。在宮中立經堂，同婢僕等誦經，領祕跡守規誡。請主教一位在朝廷講道理，勸王認識天主。王依約准，后從聖教，亦不阻主教訓士庶。但昏迷於異端，無改變之意。教宗聞知情形，致書賀王復國之喜，又勸從聖王葉德帛欽崇眞主。一面國后時時求主光照夫王之心。王雖明白聖道之眞實，而竟難棄舊奉新。是以日推月緩。一日某國之使臣入朝見王。王帶數將迎接，使臣味良欲行刺。說問乘王不防，拔劍便擲。一將以本身遮王身爲劍穿過落地而亡。另有一將同時一劍把賊使刺死。葉德位感天主保存之恩，許主教曰：使臣行刺必奉本國王之命。朕帶兵去征之。若凱捷而回，必謝主奉教。

是年果得全勝，而依愿認識天主。衆將效從。西曆六百二十七年復活瞻禮。

君臣領洗在異約格城領洗後王與后惟願化民棄邪。特此助主教神父傳道。自己竭力操德而善言善表引民。數年內奉教者甚多。教宗滿心歡喜。致書慶賀王之德。

且說有英及撒生數國猶存古人之道敬菩薩。見葉德位君臣棄祖傳。便心不服。而乘機攻之。過六年同西方本地人合兵進其國搶殺。葉德位帶軍迎敵。西曆六百三十三。十月內交鋒。葉德位酣戰半日。兵寡不能勝。竟死於陣。因異教各國恨天主而攻殺葉德位王。聖教敬之爲致命聖人。

聖女歐瑟碧亞與列位同伴

童貞致命

西曆四百餘年。名人嘉西央居法國瑪西里亞城。造一女院在城外鄉下。所

擇之地遠近四方無人烟。只見樹木陰陰，小河曲流。只聞林中風嘯鳥歌。正是山鳴谷應，一美所。那院房屋寬大人多。其規與城內聖味多爾院隱士之規矩畧同。貞女在此世世相繼安居畧三百年。西曆七百三十一，華唐玄宗年間，院長名歐瑟碧亞，乃瑪西里亞信輩之女。理事至賢，衆女敬愛。

時回教凶惡。由亞斐利加過西班牙，佔其地已多半。常常遣水陸兩軍侵法南方之邊界。是年回賊忽至，助狼思名院。八月十六將隱士等殺盡。助狼思乃海濱一小洲，隔瑪西里亞不遠。歐瑟碧亞聞得此信，不免心驚。但以瑪西里亞人繁城固，兵勇而撫慰同伴曰：除非破了城，回賊不能來此。一面城大兵多，諒蠻軍必不能取。誰知南省總督爲人心毒，上恨廷臣，下怒百姓。

乃與回賊通謀。夜間暗的放他進城擄殺隨意。城內軍民心亂，男女大小只計奪路出城垣向山奔逃。回賊搶財後將城燒盡。

彼時歐瑟碧亞院內衆女如驚鳥無法可使。留居此地難免回賊來搶人物。出外亦難逃蠻兵之手。遂預備善終，閉門俟候。次日衆女聞得吼聲遠震，卽知回兵將至。歐瑟碧亞集衆女在經堂，短句勸他寧身死不受辱。說訖手取快刀而自割鼻唇及雙耳。又數刀自傷容顏頸項。衆貞女效其行，用刀自砍自傷，全身鮮血淋漓。少頃回兵將門掀倒進院。旣到經堂，只見衆女膝跪，面容無鼻無唇無耳，片肉狼藉殘膚滿地。事勢且醜且慘不可言狀。賊兵目擊好色之心息而獸怒起。上前將衆女逐一刺死。如是則衆貞女以聖神謀策之剛勇得免凌辱而幸然一齊升天。隔數日賊散，方人中

取歐瑟碧亞等之聖尸同葬一墓。

次年回賊馬軍步兵無數進法內地為法兵殺滅。

切想

聖若望宗徒蒙主默示神見天堂聖人無數妙衫雪白手執巴爾馬樹葉勝立之在主前讚頌。一天神問宗徒曰着白衫者何人宗徒應道僕不知也。意天神曰乃歷大艱難而至此以羔羊吾主之血滌而白其衫者補贖罪自耶穌耶穌釘於十字架致命而救自淨以立耶穌在主前而朝夕事之。若望默照書自主耶穌釘於十字架致命而救世間萬靈以來為信輩而被異教所殺者無數。昔日見一人因欽崇天主而受刑身亡即稱為聖人而敬之。不似今日另須考查其生死之情形生前死後顯有聖蹟與否致數百年來致命者雖多而名登於聖人之簿者

很少。比如日本前三百年致命之信輩不知凡幾。其中西曆一千八百六十餘年，教宗比約第九擇二百三十餘名列於眞福或聖人之冊。東京安南二百年來，致命者無數。其中今年西曆一千九百年教宗良第十三擇主教神父信輩四十一名上眞福之冊。中國爲聖教而被殺者亦不少。其中近二十年來，教宗擇主教神父信輩十餘名列於眞福之冊。昔日葉德位王在世認識天主，竭力傳道於國。竟因信天主爲異教王所攻而死於陣。歐瑟碧亞等寧死不失貞潔。彼此爲當世之鑒。牧神父信輩所敬。以後世世教友稱爲致命聖人。伊等若遲生一千年，雖立功若上所傳，然亦難望其名榮登聖人之簿。

此乃聖教各世辦外事之不同。但天主臺前信輩之功實屬無異。致命之榮

不在列名於聖人之冊，而在入聖人之班於天國。其福不在人追思其名而稱頌在世，惟在天主寵之愛之在永世。一千八百餘年來，聖人冊所添之致命聖人雖衆，而未留名於後世之善人愈多無比。但無一不在天堂永貴全福。今年光緒二十六年中國異教軍民在直隸蒙古山東山西湖北湖南浙江等省，殺主教神父信輩不止萬數，被殺之中能登聖人之簿者幾何。但可望伊等在主前皆有致命之功，皆以血死洗淨生平之罪過而升了天堂。此榮足矣。何須他求。將來見他身着白衫手執巴爾瑪立於天主位前。若問爲何人。必聞天神答曰。乃歷大艱難而至此。以羔羊之血滌而白其衫者。現今雖不可在經堂明揚恭敬，却你我亦可稱他爲真福而私下敬愛求轉達。

省察 致命之榮福不在見其名列於聖人之冊，惟在入聖人之班於天國。  
我知之麼。致命者未會上聖人之冊，不可揚敬在聖堂，但可私下愛敬  
求轉達。我知之麼。

立志 自今以後，我私下時常靠望祈求我本國及各方之致命者，慶賀他  
立功之大福，求他遇險堅固我的剛勇，助我效學他恆守信德受永賞。

十三日 聖赫都哇第三 國王

西曆一千一十六年，英國之地多半爲丹人所佔。是年英王葉德赫崩駕。太子葉德孟即位，爲丹人所殺。英后帶兩子過法國避難。兩子尙在孩提，一名雅爾斐，一名赫都哇。丹王乘勢將英地全佔。因其政治公平，英民心服。兩族人漸漸相合爲一。過十九年，雅爾斐潛的回國，爲賊臣暗賣與丹王。慘死於獄。再過三年，丹王崩駕，太子繼位。接赫都哇來國，贈以田地，待如宗室。越逾三年，王崩駕，赫都哇繼位。

新王年紀三十。因自孩時歷過艱難，是以早輕世榮而習大德。仁慈性成，致寧不繼王位而不願爭國。見死一人，貞潔超性，致許愿守貞不娶。愛窮苦，致千方哀矜撫慰。誦經沉默，尅身可比隱士。時常考查聖經而從其訓。或

思念聖人之言行而效法。繼王位後毫不改行。主政且智且勤。御下極公而順。治民則視之如家而百法福之。以屬地太平。以士庶安樂爲榮。

且說赫都哇既許了愿守貞。自然未曾娶妻。坐位後衆臣時常勸之立婚。時有某大臣之女名葉地德。德色有名於朝廷。臣等願新王立之爲后。王自想道。葉地德小姐聖德不俗。接他爲妻。諒可兄妹同居。如是則國有后。士庶心足。我又不反愿而貞德可全。遂行婚禮。立葉地德爲后。通國歡喜。各省士庶互相慶賀。是日王告新后以所許之愿。后應道。妾亦願同陛下守貞。此後王善功如前。而國后同心助善。二人外面如夫婦。而實以兄妹之禮相待。昔日王又許過愿曰。若蒙主恩復坐王位。我必進羅瑪朝拜宗徒之墓。大事成後。王欲還愿。遂命備船起駕。臣奏曰。陛下纔登位。人心未定。

若離京遠行，恐難免不有變。現今之事，可遣使到羅瑪，求教宗准免還愿。王然其言。教宗接來使，免英王出京，而以造隱院一座代還前愿。王即派員經營此事。數年工夫，補修一古院，至大至麗，名聖伯多祿院。現今所稱東院者是也。英帝行加冠之禮，必在此。通國名人埋葬亦在此。王另費許多銀錢造病院，哀矜窮苦，貧寒者素稱之爲父。雖不加糧，不增稅，而國庫常足。因聖王善治國事，如賢人之理家故也。

天主愛王之德，而賞之以聖蹟之權。或手摩病疾之身，或畫聖號在他頭上，而病痊癒。一日，王與彌撒主耶穌發顯在祭臺上，麵包內。聖王見心上悅樂，不可言狀。某年，丹王集水軍欲過海攻英。聖王預備迎敵之外，時常祈禱主前。一日，沉默神見丹王在本地海濱將上船落水溺死。隔月來信得

知聖王所見是實。特此一事。丹軍未曾開船。而英國幸免兵患。

天主與聖母以下。英王最愛聖若望宗徒。一日出殿。見一窮人以聖若望之名討哀矜。王聞名極感。因身上無銀錢。乃取所帶之箍而施於窮。隔數年。英國兩臣過海。行到日路撒冷。遊歷聖地。敬主耶穌之聖蹟。一日錯路。不知如何得歸。忽見一人良善異常。來引路。三人同行。了一程。將到。英臣感德。問引導者爲何人。住何處。其人應道。我乃若望宗徒。因甚愛英王。赫都哇貞潔愛德而來救汝等。又遞一箍曰。某年我假作窮苦之狀。求英王以聖若望之名。王無銀錢。施我以此箍。今日特托付汝還之爲據。並預先報王知。自得此箍之日。計歷六月。必身終。說訖不見。二人回國。將此事上奏。並呈還王箍。聖王大喜。過六月染病。領聖事辭衆臣而安逝。坐位二十三。

年。壽六十四歲。

時西曆一千零六十六，華宋英宗三年。過一百年教宗列其名於聖王之冊。

聖大尼額爾與列位同伴 致命

西曆一千二百二十一，華宋寧宗年間，有方濟各會神父六位在意國碼頭上船過馬落格回國斯達城傳教。城外有各國奉教人居住行商。但不可入城。六人在此深惜回民之迷於邪道。故商議進城訓他以正道。次日做彌撒後晨早一同入城。一路講聖道而行。未幾城民聚集圍着。毆打後押送見王。王問六人入城之故。大尼額爾神父應曰。此來無別意，惟願以天

主眞道訓民。遂將要道說明。王令投六人於獄。聖人們在此寫信與某神  
父。畧曰。讚頌天主耶穌命信輩曰。去而以福音訓誨萬靈。復曰。僕不在其  
主之上。見人加害於汝等。當想我先受害等語。我等乃主耶穌不堪之微  
僕。奉主令離鄉來此傳道榮主救人。云云。在斯達爲回民解送見王。我等  
在王前無懼而講大道。王把我等投於獄。現今雖辛苦於此。然心內大慰。  
所望天主不棄而以我衆之性命爲美祭焉。榮應歸於主在萬世之世。亞  
孟。

且說六聖在獄誦經不止。一日回官欲察其舉動。由門縫窺看良久。只見六  
聖容顏發光。雙膝跪地誦經。以此事奏王。王不信。卽提六人令背主奉回  
教。順則厚賞。六聖齊聲應不肯。王命分押。逐一誘感驚嚇。六聖皆恒守。大

尼額爾神父乘勢講聖道。某回將發怒上前以刀砍神父頭頂。聖人重傷滿身鮮血回獄。五位合聲慶賀。願同苦而同榮。大尼額爾神父勸同伴曰。勉哉兄等。今日福日也。天堂已開。天神來接。今日必得永貴之冠。是日王定案。少頃兵將六人提出押送到法場。聖人歡喜。一路唱聖經而行。在場跪地引頸待死。未幾刀下。六頭落地。衆聖靈魂一齊升天。

切想

聖經云。嬰孩爲王官宦。晨餐之地。其地禍也。王智官宦。依時而餐之國。其國福也。傳道記十章十六節 嬰孩之王。卽年幼不明事。或雖成人而無智之君是也。晨餐之官宦。乃事身安圖快活之士。依時而餐者。卽尅慾操德之士。以公事爲朝夕之慮。奉任不辭辛苦。賢王自視如代天主位。視民如家。而治之如

上主之治天地。西洋古書稱王曰國牧。此言甚當。衆民屬王權可比羣羊之屬。一人以牧之。牧須設法引羊於有水草之地而顧之於暑寒。護之於野獸。牧又當依時而剪羊之毛。依度量而擠羊之奶。否則將剪毛之羊凍壞。或取奶過多則子羊饑死。再者羣羊爲惡牧所害不能自顧。只有吞聲忍苦而已。

國君亦須助衆民尋衣食避艱難。當保之於外兵之危而救之於內賊。卽執器械搶掠之盜。或恃權依勢之貪官惡紳。定糧取稅亦須有度。勿致國庫滿而民櫃虛。且王權大。民力小。王苦民。民難以自顧。只可學羊吞聲忍受。此乃君與牧之相似。而古人稱君爲牧之故。

但羊有身而無靈。不如人有靈性管身體。是以放羊之牧尊不如治人之牧。

賢王以顧民身體不足，而須助之學善道立功得常生，惟盡心福國人之身靈者，則可謂人之善牧，亦可謂賢君。君賢如是，官宦效學君德，其國福也。

赫都哇正人中賢牧也。不但事酒色，不矜驕，不慢下，不苦民，而且貞潔如天神，謙遜顧小民於困窮病疾，以靈魂之大事超過肉身常事，而導引士庶以善表善言。坐位二十餘年，而英人享太平務業操善，如是則聖王立大功得厚賞在主前，且帶士庶無數積功安生於世，福王在天。

省察 國君乃人牧，當盡心顧民身安樂足食足衣，民靈好善學道習德，爲善牧者智，缺牧任者不賢。我知之麼？官宦是國君以下人牧之小焉者。效學君善可稱良官，否則辱其任。我知之麼？

定志 自今以後。我量國君官宦之功。只察其爲真人牧與否。且每誦經求  
天主賞世人以智君賢官。

聖人言行

西曆十月十三日

一百六十三

十四日

聖嘉理斯度教宗同列位神父教友致命

古書畧載其事如左

教宗斯斐令崩駕後，嘉理斯度繼位，於西曆二百一十九年，華漢獻帝年間。

治理聖教四年，立每年四季齋。

現今猶行

派人掘隧道埋信輩。

羅瑪亞比亞路有嘉理斯度之

家建公伯因聖人掘其多半故也看五月廿六與八月九日

西曆二百二十三，羅瑪城大廟頽圻一墻。

翌日掌教司祭作禮，霹靂擊死其中四人。再過數日城中起黑霧，居民難

以呼吸。士庶多出城下鄉避暗。有官名巴爾瑪，在城外某處聞得數十人

誦經之聲。查知是欽崇天主之人在某家行敬神之禮。巴爾瑪回車進城

入制軍衙門，以纜查出之事稟上。並言羅瑪所受之禍患乃國神惱怒天

主教所致。制軍委他帶兵捉人隨意。巴爾瑪派兵將信輩誦經那屋圍着。

命兵十名入內捉爲首數人。兵入下廳見一老神父名家肋博威立堂中。欲捉拿。但十人雙目忽瞎不見物。無奈雙手摸索慢步而出。巴爾瑪目見心驚帶兵回衙門。制軍查看十人之眼目果然昏昏無光。說道。此教之人邪術可懼。遂命兵在某廟內祭神求破天主教之法。巴爾瑪帶家奴數人送牛兒數頭到廟來。正欲祭。忽見廟內之女司祭有負魔之狀。大聲說道。嘉理斯度所敬之天主獨是眞神。汝等逆之惹其怒。伊將來必滅汝國。衆人聞言駭然。罷祭四散。巴爾瑪心中感動。來信輩聚集之處求領洗。衆引入見教宗。巴爾瑪伏跪於教宗足下道。纔聞廟中受祭之神明聲說聖父稱教宗所敬之天主惟眞。是故來此求聖父取納我勿棄。教宗曰。莫是心懷不良而來。巴爾瑪說道。非也。僕因昨日見衆兵眼目忽瞎。今日再聞昔

薩之言，而心變化，實信天主是真主宰。教宗將巴爾瑪托於家肋博神父學習道理。次日巴爾瑪從神父來領洗。教宗問曰：汝信造成萬物之天主父麼？應。我信。問：汝信耶穌基督督天主之子麼？應。我信。問：汝信聖神，聖而公會，非之赦，肉身之復活麼？應。我信。主耶穌人類之真光，纔發顯於僕，光照僕之心。教宗與他付洗。全家妻室兒女僕婢共四十二人從家主領洗。此後巴爾瑪朝夕無別務。惟遊歷城內各街尋信輩，以堅固哀矜。每日賄賂獄兵入獄看顧，爲信德受監禁之教友，治其病傷，給以衣食。

畧過一月，制軍聞知情形，遣兵捉拿鎖禁。第三日提出來案，命去其鍊。問曰：汝癡狂耶？或棄國神敬被釘十字之人，以戲城民耶？巴爾瑪不答。制軍說道：不必畏懼，可直說心腹。巴爾瑪道：大人所言之國神菩薩，乃人工所作。

之像。人手之工豈可敬耶。大人可命菩薩說話應我之間。他若能言。我卽敬他。曰。汝自幼信他。今日之變却由何故。答。我昔盲瞽也。今日蒙恩得獲眞光。求天主赦我前昧之罪。制軍謂大官新彼理西曰。請兄引此人一同回家。解其疑。照其暗。而化之。棄邪歸祖傳之正。新彼理西如言。帶巴爾瑪回家。

且說新彼理西爲人性直。矜憐巴爾瑪奉外來之道。犯國律。難免敗家害性命。遂竭力勸之。回心改路。巴爾瑪不但不從。且以聖道辯各教之虛實。致新彼理西無言可答。一日民家新教友斐理斯來見巴爾瑪。伏地禱曰。僕之妻身體癱木。多時不能動。僕家又苦寒。難以資生。求仁兄轉達懇祈天主醫治。

昔日教友蒙致命聖人  
之功百事求其轉達

巴爾瑪卽時跪地求主恩。未幾見斐理斯

之妻名白郎大進屋歡幸說道。主耶穌纔發現命我下床。我卽下床無恙。特來致謝。新彼理西夫妻見此奇事願奉教。次日教宗親臨將全家訓誨。男女老幼六十八人與斐理斯夫妻二人皆領洗。

制軍聞得此事。遣兵將纔領洗男女衆人同巴爾瑪捉拿。是日定死案。七十人同日斬首升天。隔日家肋博神父亦致命刀下。匪黨拖其尸遊街而竟投之於河流。教宗派人撈回聖尸埋在隧道內。時制軍聞知教宗藏居某家。遣兵圍屋斷聖人飲食。教宗在彼四日四夜不飲不食。隨後每日爲兵差鞭打一次。某夜家肋博神父發現慰曰。得賞之日近也。勉哉勉哉。兵中有一人名白里法。生惡瘡求教宗醫治。聖人道。只須汝實信天主聖三領洗。汝病必愈。那人。是日學道理領洗。而瘡當時好痊。歡樂大聲道。天下

惟有天主是真神，所敬之菩薩，當投之於火。制軍聞言，把他傳來，當堂狂鞭笞死。又委刑官來教宗居處，命如此如此。刑官到，令將大石繫於聖人頸下，投之於水井，然後以石泥填井便去。過半月，亞斯德神父帶信輩夜間暗地將聖人之尸取出，埋在隧道內。是年十月十四日，制軍捉拿亞斯德神父，命投於河流。信輩撈其聖尸敬埋。

聖女默肋胡 童貞

西曆四百餘年，法國商巴尼省有宦家夫婦，續生七女。母親爲人熱切至賢，家教至善。七姊妹自孩年效從母親操德。大姐年紀十五六，願守貞。父母准之。餘五姊妹徐漸長成，皆貞守不嫁。俱善生福，終不提。只說么妹名默

肋胡亦從六姐守貞。但聖德格外出名。朝夕默想主耶穌聖母瑪利亞聖人聖女之言行而竭力效法。年紀二十餘。從父親到某府鄉間之地。時瘟疫流行。鄉民染病死亡枕藉。默肋胡不自惜。每日帶一婢遊鄉下各家。散藥給食之外。親手服事床褥。善言撫慰。以顏容之常樂而樂衆。並時懇求天主免此地之艱難。未幾疫症止息。方中人以默肋胡爲聖女。身病者心憂者來見求痊請慰。過數年財主兩人造一病院於此。默肋胡日夜在內顧病立功。過不多年父母御世。默肋胡過便斐小城同兩姐居住。西曆畧四百九十年。華齊昭文帝時。在此福終。隨後在病院處與一城名叫聖默肋胡。瘟疫流行。信輩可求聖羅格<sub>八月十七</sub>與聖女默肋胡之轉達。

切想 哀矜之法 四續哀矜

施者當速。勿致延緩。令貧民倍苦。汝覺本身不安。必亟速設法用藥。恐延至明日疼痛愈增。而病加重。他人之苦。當視如本身之苦。亦當速爲拯救。

二、施者當禮貌虔恭。窮苦雖垢面破服。居位至賤。却不可傲慢而待之。如同類。亦不可厲色惡語施給。惟須喜色而接。善言而慰。若任性發怒。示嫌。則救貧窮之身而傷其心。功何在焉。聖人見窮苦如見主耶穌。是以施捨之外。還顯敬愛。致窮者身安心樂。

三、施者當遜。耶穌曰。汝濟人。左手勿知。右手所施。異教施捨。必欲衆見而稱美。事雖益人。而愈益己。斯人因此見尊於人。而受其報。在現世。將來過審判。無寸功。此過常見。而最難避。信輩當小心在意。寧願不行善功。不可因求讚頌而行。是以時時當防人防己。防人。則暗地哀矜。免人知曉。防己。則

哀矜後不自舉不自高。只想所爲乃平常不足掛齒之小事。如是則守吾主之令。左手不知右手所施。而功全存。

四、施者當爲天主而行。設若隨自己好善憐苦之情而施捨。則功不足受永賞在天。惟堪上主賜恩在現世。要積永生之功。當獻此善於主。而爲主行之。但恐難得時事事舉發此心。是以好信輩每日晨早獻一日之思言行爲於主。惟願隨時應事俱奉主命而爲主立功。如是則施濟之時雖未舉心歸向主。而晨早所發之意猶存。足使所爲之善不止於本性之人情。而實歸於上主之榮。事雖小。如施水一杯。而無不受永報在天。

今日之聖嘉理斯度等皆善於施人之聖也。捨家資。捨性命。竭力傳聖道。救人靈魂。朝夕立大功。而不矜驕不自誇。惟暗地藏其善。獨令天主知悉。聖

女獸肋胡亦然。弱女竭己身力撫慰病苦，貞心恒祈主前，而蒙主寵幸能救人於患難。雖爲人稱聖而謙遜隱修，終身不尋世榮。正是你我當從之善表。

省察 行哀矜當速當敬，當避世榮，當爲主而行。我知之麼。  
定志 自今以後，我照以上之道而行。

十五日

聖女德肋撒

童貞

德肋撒乃西班牙斐納城宦家之女。兄妹十二人中行六。孩年在父母膝下日學聖道。聞聖人言行，每每稱頌其德，欲效從。七歲時與九歲小哥哥商量，邀之同過南海去回國地方立功致命。小兄允諾。是日兄妹暗地出府便行。到城外從大路南面而走。未幾遇叔父。叔父大異問何往。兄妹拜後應道：往回人之地去致命。叔父面色自若說道：此意甚善。但回地甚遠。你二人尚小。再候數年長成，可另設法立此大功。現今之事，惟須從我轉去。兄妹無奈，只得依言。隨叔父回家。父母知悉，且笑且暗喜兒女高志之非常。德肋撒見大事一時不能成，即想隱修預備後舉。乃請兄助他土木造一小屋在花園僻處。但兄妹力不佳，技不高。風吹雨淋，即見牆頹壁卸。德

肋撒無法。乃改臥房爲修道之所。四面掛聖像而每日在此避衆沉默誦經。聖像中有主耶穌坐井邊訓誨撒瑪利婦。許他以妙水。飲者永不復渴。若望四章十三節 德肋撒愛此像。時常求主賞賜此水。十二歲喪母大痛。赴聖母堂伏聖母像前雨淚哀祈聖瑪利亞收納爲女。終身不離。

德肋撒至此。言語舉止有習大德立異功之狀。隨後不幸愛看耍書。喜交親友。契美衣之幼女。致覺心下熱切不如前。月復年新漸見愛虛華。有意享世福。十五六歲身體精秀。神靈聰慧。文墨詩賦勝過許多書生。且善於談叙。聞者心樂。雖半日不煩。彼時德肋撒猶可謂愛善。但習德不如孩時。而心意不一。一面願守規誡存天主聖寵。一面穿戴飾身欲取人愛。父親知覺自想道。此女無母親教引。靈魂恐有不妥。乃送他入某隱院。托於貞女

同宦家數女攻讀操善。德肋撒在此初則可比纔囚籠之山鳥。視院如獄。只圖偷門回家。但畏懼父親之威凜而不敢造次。暨則愛母儀貞師同伴衆女。而甘心隱居院內。過一年半志意改變。心下好善痛悔數年冷淡之非。朝夕求天主默示其當行之路。或在院隱修終身。或出嫁如常人。未幾患病。出院去大姐家調理。姐爲人大智。治妹身病之外。還竭力勸他全心事主。不他想。更有獨居靜修之伯父名伯多祿。功德出常。而盡心引導。德肋撒輕視世福。效大聖習善。幼女尙覺狐疑不定。病愈之後回家。同父親住居數月。究竟意決。將戀親愛友之情勝過。離家入本城家爾默爾會女院。名降生院者。時年紀十九歲。

在此謹守規矩之外。日加苦身克慾。與院女交。色喜言和行順。見同伴患病。

卽在他側侍立。秀手服事其身。清聲撫慰其神。衆女喜悅重愛。越一年德肋撒許三願。此後自視如主耶穌之潔配。永不可與之分離。是年患重病不能守院規。乃回本家用藥不效。聖母蒙召升天。瞻禮加病。身冷心停。若亡。四日四夜如是。雖身不覺而神靈在主前受妙訓。次年回院。此後三年之久病不離身。德肋撒四肢癱木不能動。朝夕臥床。忍苦之外以沉默頌主爲事。過三年特求聖若瑟醫治此病。而蒙聖人轉達癱病得瘉。身雖常欠舒展而強能守院規。

時德肋撒可謂習善之貞女。但功德猶俗常。言行尙有些小過當改。纔可領異恩成大事。所居之院。雖屬家爾默爾會。却所行規條較前覺鬆。比如平常准人來外廳與貞女坐談。易致亂心而喪時光。德肋撒家顯族廣。常常

有人來調談城鄉風傳各聞事。令他分心不全歸於主。特此上主雖寵幸。然聖愛半顯半匿。十餘年如是。德肋撒年及四十。一日細看耶穌戴茨冠之像。忽覺哀憐痛苦異常而熱切加倍。又一日誦經。明聞密聲在心內。命曰。我要汝不友人。惟獨交天神。德肋撒大功起於此時。將以前之人情全行棄絕。惟專愛主。心下歸主晝夜不離。數年內蒙主恩賞賜。時時有異見異聞。辦神工之時。將此諸情形照實告訴神父請教。不知所見所聞其由。上主或由邪魔所至。有數位神父聖學見識不足。查後意謂邪魔所爲。遂命德肋撒如此如此。德肋撒如今凡見主耶穌發顯。卽畫聖號轉背便走他處。但心下大痛。暗地認罪禱曰。主。爾知我心。避主聖容。非我所願。惟順命而已。求愛主不要見罪。吾主不但不究。而且恒顯不離。並訓曰。汝聽神

父之命。正理也。我不能罪汝。一日耶穌發現。德肋撒奉神父之令。執苦像在手。作逐之之狀。如驅逐鬼魔然。吾主微笑。取十字到手來。瞬又遞還之。時十字改變。前乃俗常烏木。現似珍玉四片所成。德肋撒歡喜佩之頸上。如此三年之久。聖女常憂喜相兼。或領聖恩而樂。或受冤枉而苦。院內院外有許多。人說他爲魔所惑。究竟德肋撒幸得見聖人數位。如方濟各波爾日亞。本月十日聖伯多祿亞綱大納。本月十九日等。聖人們細察其言行。明知諸奇事之實情。一面撫慰之。說所見所聞。必定由天主來。一面將其妙德傳於城中。此後德肋撒身體多病。而心內聖愛愈加。其愛之極。聖女自載之曰。彼時我心若火。惟貪望見天主。而因此望。時常若在臨終。蓋所願惟生活於主。但非身死。事何由得遂。我心儼若刻刻將破。神靈似像時時受奪。當

知聖女自載己心事，非自願而爲，乃奉神父命而記之。其心所覺之火由何而生，聖女復詳述曰：我見一天神似人模樣，若至美之幼童立在我左側。乃何品之使神，我不知。但見其容射光若火，諒是斯納斐默中之一。天神手執火箭，忽然以箭深刺我心。如是數次，我且大痛，且覺聖愛之火燃灼於內。此非虛見也。聖女死後，同院之女取其心，見心有傷，其傷之形跡恰似箭鋒所刺。醫家察看，皆言爲人而受如此之傷，必應即時身亡。却聖女帶此傷二十餘年方死。明証此事由天主全能所致。現今聖女之心尙存，可驗前言之實。且勿言其傷乃人於聖女死後所作。蓋人身上生前死後所受之傷大不相同。醫家一目能分明。

且說愛生於心，卽令人仔細勤行。爲父母而愛家，必竭力益家，雖辛苦不辭。

忠臣愛國，亦盡心仕國，雖身死不退。信輩愛主，必盡心竭力榮主，艱難險危不避。德肋撒之心爲聖愛深傷，而思念若火，言行若燄。所思所言所行，朝夕惟一，榮主是也。時時細心精其善，許愿各事擇其更善之一面而行。所謂成全之愿是也。加嚴齋苦衣苦鞭自責。所願惟補贖其前非及世間之惡。日夜誦經雨淚，哀哭信輩獲罪於主之忤逆不孝，或責之尅身過餘，有碍性命。聖女只應不大緊。我早遲不免死，或勸之安息。德肋撒應道：我眼時不尋安。惟願辛苦補贖。種種言行明示聖女獨欲榮主於己於人，以此爲終身之功，以他事爲虛枉不足經營之孩務。且明知身勞心苦之妙益而祈禱曰：主，祈爾施我或苦或死。聖女之苦功出於其熱愛悅樂上主之心。上主悅樂必允其轉達而降恩澤。德肋撒祈禱補贖所救之靈魂孰能記其數。

聖女久已痛惜家爾默爾會之熱切尅身不似昔日時常自想道。好得能另興一院。同數女守本會起初原規。效學各世祖人之苦功。我心意滿足。不時以此事托於天主求默示降佑。一日領聖體後。見主耶穌發現告曰。汝意甚善。須造一院。以若瑟之名稱之。聖若瑟守一門。聖瑪利亞亦守一門。我在院內佑汝。可抵世人勝魔鬼。聖女歡喜。但不知由何下手。乃商議婦女數人。衆皆然其說。許出銀款資助。再求謀於聖方濟各波爾日亞等善士。亦皆稱善。遂買房屋在城外。請妹夫來監工。補修仿照隱院規模。自己不時親來畫圖督匠。一日纔到。聞得滑塌一聲。頽垮一新牆。妹夫五歲之小兒爲牆壓死。妹夫目視大痛。忙抱屍來見德肋撒。母親若心狂亦哀聲問姐姐要兒。聖女抱外姪小尸埋頭祈禱片時。只見小孩復活無恙。父母

歡喜不自勝。同聖女謝主恩愛。房屋將完工。德肋撒上奏求教宗准新院復興。家爾默爾原規。教宗批准。家爾默爾會總長亦允諾。西曆一千五百六十二年八月內。德肋撒年紀四十八歲。帶貞女四人。同入新院。是日主教委神父。做彌撒降福新屋。女友數人亦在此。聖女與同伴歡歡喜喜。領聖體讚頌主。究竟衆友續散。五女寂然。依老規矩。過一日一夜。彼時城中有人爲魔唆。使四方撒謠言。或說德肋撒棄本院名稱。操德愈精。實因矜驕難從上命。惟願另居自主。或說新院無田土。居者無有資生。衣食將來必由城民供付。但方中公費已重。不可加多等語。次日降生院之長。投函命德肋撒回院。城中官宦商議。後使人封新院之門。不准人居。德肋撒留四女在屋。自己謙遜奉命回降生院來。受責不答。被辱不怒。一面托賢人

料理此大事。一面朝夕祈禱，和平俟候天主之時。半年如此，而始終不失心安。未竟親友奏教宗與國王，得御批准行。方中主教亦經手此事，令聖女復回新院，嚴禁衆人阻擾。德肋撒滿心歡喜，另帶貞女四人入院，直進經堂久跪不動。惟容顏全福，雙目掉淚謝恩。主耶穌發現，手執花冠加在聖女頭上慶賀曰：汝竭力榮我及家爾。默爾之后聖瑪利亞。汝福也。德肋撒目見耳聞樂上加樂。出堂與同伴相拜後，皆身着新會之衣而始行原規。

其規若何。入院者惟死於此不出外，不與世事。深居人聲不到之屋，而密聲上徹於天。所務三字可盡。禱，尅作禱，則爲普地之人哀號。主前求降恩助。善者恒心加善，佑罪人回頭歸正。尅則百般苦身補贖萬惡。作則針工避

閒勤作養命。彼時耶穌裂教方出世。在德英法三國作亂敗俗。殺信輩燒聖堂等惡。德肋撒奉主命與家爾默爾會原規令善人加功助聖教勝邪道之人。今日統率善女八位務此善事而天主悅樂慶賀。再逾數年各方將立院。普地無數善人將效德肋撒習大德。而天主自然愈喜。施恩益世愈多。聖女常訓手下衆女尅苦祈禱自忘私事。自視如主耶穌所招選爲補贖世罪之犧牲。而時時刻刻獻其功爲他人。一女曰。如是只恐自害久居煉獄長苦。聖女應道。受煉獄之苦到世界窮末而能救一人之靈。致微增恩主之榮。我甘心願受。聖女又令衆女特爲西法兩國祈禱。隨後兩國存信德不爲裂教所惑。其事或由家爾默爾會女之善禱所致。亦不可知。德肋撒又思念主耶穌因受苦而爲世人轉達。愈加有功。是以朝夕惟願

苦以肖似恩主而得祈禱愈驗。特曰。或死或苦。不苦如何生焉。

且說聖女德功之名早出於四方。別處常有人請其身臨施教。六年之內。聖女造三院。所到之處。守規矩一如在原院。且心想引家爾默爾。男士復行本會之原規。特與聖若望號由十字十一月二十四商議此事。若望先自學習聖女所立之規矩。然後立院納弟守之。自此以後。舊規徐漸興於各國。其功之本宗皆歸於聖女。此時德肋撒聖愛日加。而度生實似天神。上主不時發顯施訓。致聖女恒常或見聖容。或明聞其聲。或魂超神見後生之事。不時或自匿。而德肋撒心地失明。情痛若靈魂與肉身分離。日夜下淚哀號不止。迨至吾主來解其悶。而悅樂若再生。種種異跡令人奇而微知天主在天堂愛衆聖人之實情。聖人享主妙愛之全福。

德肋撒年紀五十七，奉命回降生老院當長上整規矩。院女不服。聖女謙遜  
忍讓不責不罰，惟用善表善言。幸而院女在若望由十字處辦告解。二聖  
內外同心，得引衆女改舊行，謹守規矩不與外事。是年聖三主日，若望神  
父來見聖女。二聖在客廳，隔着高欄杆談叙。事說畢，卽題是日瞻禮之道  
理。話由火心互出傳於耳，而動心愈激聖愛。致二聖魂超失覺，神見天事。  
時外人來交書信，看門之女入客廳呈投此書。但見二聖各在欄杆一邊  
懸於空中，眼目朝上，容顏安福。忙忙去喚院女數人來看。未幾見二聖慢  
慢下地，復省人事。又一日聖女領恩愈妙。聖書有稱善靈爲天主聖子潔  
配之語。主耶穌將此言成驗於德肋撒。發現時遞右手與聖女曰：汝細看  
我手中之釘。乃我與汝結神婚之據。救世主以鉄釘死於十字架，可謂以自  
釘贖萬靈而與之結永遠之神婚。

今以後，汝當以賢配之理榮我。世上結婚之男女同賤同貴同難同福是故以神婚表善靈與主同苦在世與耶穌同富在此後聖女內情愈妙。全忘自己。或樂或苦或生或死。全若不知不覺。只願引普地之人欽崇榮主。其情如饑似渴而終不止。

聖女年紀六十，辛苦比前愈重愈多。一面在各處造新院訓幼女守規矩。時居東，時住西，而身無安定。一面家爾默爾會男士多半不奉新規，用大臣在帝前是非，欲帝旨諭本會衆士守常規，嚴禁更新。特此一連數載，弄得家爾默爾會分成兩營，互相辨論。致德肋撒之友如聖若望由十字等受監禁等苦。聖女在風波之中安樂如常。祈禱之外，千方助新規各院勝取此難。竟親筆上奏，明辯真情，求帝作主令新規老規之院分隸各長各理其事。帝批准，請教宗之使臣主辦此事。究竟教宗旨諭家爾默爾總長，令

分會爲二。一守前規，一奉新規，各隨各長理事。人心卽平，德肋撒之大事成也。聖女乘勢造院，納幼女學習聖德。昔日常覺心下願死見主，彼時臨終在邇，而願久留在世以榮上主。此乃聖女隨年深進於大德之據但聖工已滿，天主不時必招其匠來受賞。

聖女六十七歲在亞爾白城本會院患重病，十餘日臥床不起，而忍耐溫和如常。神魂雖歸向主，而慈言撫慰院女。入者皆覺美香撲鼻，春花之芬芳不及。十月初二日請神父來聽告解，神父授意聖女求天主再賞數年。聖女應道：神父不必憂，罪女今已無事，再留於此世，身終之時到也。十月初三日下午晷五點鐘，衆女入臥房，且咽噎暗泣，守看其母，且白布掩床蓋棹。棹上取拾苦像蠟臺與山花，時日將落西，其光晦明若將熄，表意聖德。

肋撒女中之真光照世人數十年而將死。聖女謂衆曰。愛女。請汝等寬宥我不善之表。我所有之錯。不要學從。茲以天主聖愛求汝衆守規矩聽長上之命。少頃神父送聖體進來。聖女目視聖體禱曰。我主。我獨愛之深配日期來也。久望之時刻到也。爾我竟能相見。主。所獨愛之主。我願棄此世。切願同爾去。主。爾旨承行於我。福哉此日也。我心靈久仰爾。茲將去覲面同福。福哉斯日也。領聖體後謝恩誦經沉默。而自托於衆女之善禱。九點鐘請神父傳終油。禮畢。復再沉默。次日初四。聖女面容含笑全福。並發異光而變美如二十歲之人。主耶穌必在目前親顧臨終。是夜九點鐘聖女頰微三呼吸而靈魂輕輕離身去見主。

時西曆一千五百八十二。華明神宗十年。

是夜衆女在臥房誦經不離。次日裝殮置聖尸在經堂內。通城士庶男女皆來看。無不稱德。助撒爲聖。美香由聖尸發於通院。衆覺愈加尊敬。是日埋葬於院中聖堂內。同日聖女發現在數處。有某命婦患重病。身着聖女之衫。而當時痊癒。此後所顯之聖蹟不可盡數。次年開幕。見德肋撒似生活之人。聖尸新鮮出汗若油。其油薰香。過十二年再看。聖尸仍然如前。復過二十年。教宗將德肋撒之名列於真福之冊。越八年列之於童貞聖女之數。令普地信輩供敬。西曆一千七百六十年。聖女死後一百七十八年再開幕。見聖尸全存如昔。現時聖尸存於聖堂在銀棺石槨內。百餘年來未開。聖心存於水晶盒內。天神所刺之傷明顯。遠近來朝拜聖女之墓者每年甚多。聖女所興之家爾默爾會至今大行。各國有男女院不少。三百餘

年來所出之聖人聖女無數。其苦功所救之世人於靈魂肉身之難不可數記。聖女自幼筆墨至清。隨後爲吾主所訓而聖學最妙。所著之書悅樂文墨人之目。大益隱修者於操德之路。而善訓聖教列士於天主結交人靈之密學。聖女德肋撒可稱聖會中之明師。讀公義者當讀其書以廣己見。精己學。

切想

福音若望撰四章。耶穌謂撒瑪里婦曰。飲井水將復渴。飲我與之水。永不復渴。我與之水將成泉源。湧至常生。婦曰。主請與我此水。俾我不復渴。亦不復來汲取。

撒瑪里婦以耶穌爲常人。以所許之水爲飲一次而不復渴之異水。是故心

厭井遠且深，而求主與此水，使不復來，此汲取。但主耶穌此言，乃譬語。所許之水，乃聖神之恩。所止之渴，卽靈魂，非肉身之渴。何也？曰：人生在天地間，常有自福之願。是以時時求榮求樂。此乃靈魂之渴。其渴之切，勝於肉身之渴多也。其長久與人之生活相應。身渴而飲，其渴得止。惟靈魂此渴不息。有榮有樂，而愈加貪羨榮樂。設一人而得享普世之富貴身樂，此人若仔細自考自察，必覺其心不足。是以靈魂此病，世人無藥以治。惟自天降來之神醫有之。神醫爲誰？主耶穌是也。故謂撒瑪里婦曰：飲我與之水，永不復渴。如曰：我獨能止靈魂之渴。用我藥者，永不貪羨世福快樂。不從慾，致落於罪惡，不犯天法，致陷於永苦。福音若望七章三十七節與上言合。人渴，可就我而飲。人信我，則如經云：腹流活水之川。

彼時深識耶穌者幾人。卽宗徒們之信德猶淺淡不通不確。撒瑪里婦亦然。是故未明吾主之意而常求水曰。主。請與此水。俾不來汲取。隨後爲主訓誨奉教成聖。而果受聖師所許之妙恩。

自此以來。深悉天主聖子之道者多。其中全行聖道者亦不少。聖教稱之爲聖人。聖人覺得靈魂之渴至切。世物不能止。卽伏主耶穌足前誠心禱曰。主。我渴。便來爾前求飲。主。求與我爾所許撒瑪里婦之水。使我永遠不渴。主見其心之熱切恒容。而降恩佑致聖人尅愆成大德。

德肋撒聖女中之聖也。幼時深閨內愛看耶穌訓撒瑪里婦之像。必潔心求云。主。求與此水。月復年新而心中懇祈不厭。天主豈可不允焉。是以施恩日勝一日。年愈一年。致招選德肋撒在聖教立功。可比大聖如方濟各多。

明我依納爵等。又賜聖女時常見主聞其善言，享其聖愛，成爲潔配。可謂奇中之奇。可稱聖人言行中一妙篇焉。時德肋撒見世上之富貴快活如糞土，神靈好善德如饑，慕聖愛如渴。主以善德以聖愛食之，飲之，而德肋撒心福。其福何如？似世福耶？曰：其福與世人之福反異。世人以富貴安和爲福，德肋撒以貧賤辛苦爲福。但其福神福，而超過世人之福萬倍。辛苦如柴薪，以之燃聖愛於心，而聖愛令聖女心酣不覺苦。是以時常號曰：或苦或死，或死或苦。其福依耶穌之言，似活水之川，永流不涸。德肋撒生前雖福，却福不全。但神靈離身體升天，以貞愛之特賞永遠陪侍天主聖子，則福全也。現在德肋撒之號聲已久息，不稱或死或苦。惟喜聲歌曰：常生而愛，常愛而福，常生常愛而福，常極焉。

信輩、我等乃主耶穌貧賤之僕婢，不可望有德肋撒之福。但須學其恒容懇  
祈曰。主，請與此水。求賜我順聖神之恩操。聖德懷聖愛一些須。使我不亂  
貪世物而得入爾常生列於聖人聖女之末班。

省察 我常覺神靈之渴而貪世榮世福。當效學聖人仰慕聖愛，懇求聖恩  
以止我渴，以克我慾。否則從慾時常犯罪而竟受永苦。我知之麼。

定志 自今以後，我竭力效學聖人求天主施我以聖恩，賞我以聖愛些須。  
使能克我邪慾操德立常生之功。主，求與我此水。

十六日

聖艾爾 隱修

古書載此聖之言行如左

艾爾乃海蘭

今英國之屬地

之人民。生於西曆五百六十餘年。華陳宣帝年間。自幼

讀書操善。年紀二十餘。過海到法國東方在呂斯爾院從葛隆邦

十一月廿一日

聖人靜修數載。隨後聖葛隆邦爲惡君充流。艾爾同隱士數人從之到公

斯當斯城近地。

今瑞國之屬地

在湖邊隱修。艾爾每日駕小船出湖。且誦經且捕

魚供老師與衆伴之食。鄉下民人未曾奉聖教。風俗粗鹵。聖人等竭力傳

道開化。一日將伊等所敬之邪像捶爛投於湖。是夜惡鬼令負魔人曰。客

人將我像折壞。快去將他逐出境外。負魔人應道。噫。他時常在此捕我魚。

口稱天主之名苦我。我屢次欲折斷其網害之。但枉自費心。伊力能勝我。

聖人言行

西曆十月十六日

一百九十七

也。鬼魔無奈。只得挑唆方中人去諸侯前喊冤。訟葛隆邦等擾亂此地。神人難容。諸侯乃冷淡信輩。以衆怒難犯之言。令聖人等出境。天主卽時罰諸侯之罪。准一魔入其女之身而苦之。

且說聖葛隆邦意欲帶門弟過龍把爾。

今之意國

但艾爾彼時已陞神父。願留居

此方。老師准之便行。聖人起程後。艾爾請六品輔祭某士另指好地與伊靜居。輔祭應道。予知一處。但野獸甚多。神父恐不能住。艾爾應道。救大尼額爾於惡獅之大主能救我於野獸。請兄指此地。輔祭約次日同往。次早輔祭請艾爾用食。艾爾對曰。弟待至上主指修道之地。則飲食。輔祭聞言亦守齋。二人枵腹走至日將晚。方到一小河。近河有一谷四面高山幽靜。千岩競秀。百壑爭流。艾爾大喜。砍一小樹架成十字插於地。上掛聖髑而

跪地誦經求主佑。他在此隱修。經畢下河邊佈網捉魚。然後開火以餐。餐後誦經便就地臥身而眠。少頃艾爾在十字前膝跪沉默。輔祭假作睡熟偷看。只見一大熊潛步走來。嚇得他魂不附體。時所燃之火將熄。艾爾見熊不變色。但半聲命之曰。可加柴火上。熊前脚抱柴。其脚後脚立身行到燃火之處。細細把柴置在火上而退兩步。少頃艾爾命熊曰。因耶穌基利斯督之名。令汝退去勿再來此谷。且勿害人物。熊以野菓蜂窠養身熊馴然慢步即去。輔祭目視大喜起來道。僕以今知神父之德也。艾爾應道。兄不要說此事。次早輔祭下河邊欲捕魚。只見兩女容顏最惡。手撿石而向他擊。輔祭快快來說此事。艾爾同他復來。兩女見即逃奔。艾爾大聲祝曰。因永活三位一體之名。令汝邪魔藏於山。勿復來此。邪女脚行如飛。片時到山頂不

見此谷惡蛇又多。艾爾求主令蛇遠去。此後谷中無蛇。

是日輔祭辭艾爾回家。普告聖人之德。越數日諸侯聞得前事。使人請艾爾來救女於魔鬼之惡。聖人隨便進諸侯府第。見幼女臥床。面白目閉。手脚顛倒若挫骨。像死人。聖人跪地禱曰。主。生於童貞女。息風平海除魔之主。救世人以苦難之天主。求令邪魔離此女之身。遂將右手按在女頭上。左手取其手祝道。因主耶穌基利斯督之名。令汝邪魔離此女之身而勿復來。只見若簷老鼠由女口飛出去。女當時好痊。隨後幼王聞知此女德色雙美。遣人聘之。願立爲后。諸侯歡喜引女入京。幼女明悉情形稟父親曰。女兒蒙聖人祈禱拯救於魔之後。已許愿守貞不嫁。現在雖將立爲國后。女兒不能失言反愿。遂進聖堂將髮剪下。然後雙手抱着祭臺不出。

彼時之國

律逃入聖堂手抱諸侯只得上奏將事叙明。王初發怒次納主教善勸息祭台者不可強逐。怒准幼女遂心。乃令內官如此如此。未幾見命婦數人來聖堂傳王鈞旨。兼以國后之貴衣服着幼女。事畢王帶文武數員來聖堂引幼女在主教前領頭巾說道。卿既誠心願守貞事上主。朕不能阻止。特來獻卿於主爲潔配。禮畢王回殿。幼女此後隱修善生福終不題。

彼時聖人在野中修道。門弟徐漸來從。聖人造經堂一座。小屋十二間。門弟十二人居之。越三年本地鑿牧過世。主教數位聚集陞艾爾神父繼此任。聖人固辭不當。乃薦門弟若望。衆鑿牧然其言。推若望爲公斯當斯主教。過十年呂斯爾院長過世。衆隱士遣人請聖艾爾來繼位。聖人謙却不去。惟在原處操德日精。而訓門弟日妙。壽畧八十染病善終。

時西曆六百四十六。

所立之院稱曰艾爾院。隨世增添，大有聲名。所出之聖人無數。

聖白爾家 隱修

聖艾爾升天之時，法國南方有顯家之子名白爾家。幼時從狼士城主教聖尼法爾讀書操德。以後入呂斯爾院隱修。時此院內善士甚多。其中白爾家謙遜尅身等德有名。某年經理院內飲食。一日將大桶之酒轉裝小餅。恰於此時長上有事，遣人傳他來見。白爾家聞令即去。與長上相語一點多鐘。忽心想道：噫，事不好了。弟忙中來此，忘却塞閉酒桶之眼。現在酒必流盡。說訖同數士忙忙來看。只見桶眼尙開而酒不流。迨至白爾家手取

餅置之眼下，酒復再流出如常。長上訓門弟曰：此乃天主顯聖蹟，賞白爾家之謙遜聽命。

逾多年，聖人回狠士之地，助聖尼法爾主教立男女靜院數座。各院之隱士貞女很多，德功可比呂斯爾院士。聖人總理各院之事，至六十餘歲時，某院內有一少年隱士，乃聖人之代子。本性強暴矜驕。聖人雖千方教訓，少年却不見改。一日不知犯了何罪，聖人照規矩罰之。代子心不服。是夜潛地入聖人臥房，一刀刺其胸上，便出，將刀拋棄深水塘中。但刀不沉下，反浮水上而發光。少年目擊心慌，復進院來撞鐘。衆隱士出而問何事。行凶者將前事說明。衆忙亂進長上臥房，見聖人臥血床將死。即時綱縛行凶者來見聖人，問如何處治。聖人慈言赦代子，勸他改過補贖。竟命衆士曰：

此人之惡不可照例懲辦。放他進羅瑪求教宗赦他棄絕之罪。殺神父者招棄絕之

切想

若望默照書二十一章九節云：「天神謂我曰：來我，令汝得見羔羊救世之主之潔配。」

遂移我上高山而指我日路撒冷聖城由天而下其光似天主之光而射目如明珠。云云所稱日路撒冷聖城者即在天之聖靈也。此乃天主羔羊主耶穌之潔配。世界窮末之日同立永婚辦萬世不散之福宴。眾聖靈雖可謂天主子之配却在世獨事主守貞者如昨日之聖女德肋撒特堪有此名。是以聖師們書上篇篇稱貞女為基利斯督之潔配。為女之榮福莫大於此。雖位陞大國之后當名帝之配。而富貴實實不如守貞獨事天主。

聖子之富貴。今日聖艾爾所救於魔鬼之女明悉此道。深感主恩。惟願生平事之不他想。法王聘之爲后。諸侯歡喜送他進京都。惟欲女兒立此大婚。福已榮家。但女兒志定。寧棄王婚。不肯失事主之言。不重有國母之榮。獨貴成天主子之潔配。是以微服剪髮戴頭巾。抱着祭臺。自托於天主助其善意。此女之德實在奇妙。天主聖子見。必喜而寵幸。

一面法王初聞此事微怒。究竟蒙鑒。牧訓誨。而信德發於心。自想道。我雖爲國王。世人稱以爲尊。但不可比天主子之尊。此女既許了愿。守貞事主。實是基利斯督之人。安敢與天主子作對。遂心平。命仍然以國后之盛服。穿着女子。意謂榮上主之配。必榮主。穿着後。送女子在祭臺前獻之於主。王此爲大理矣。非信德非高志之君。必不能爲。

信輩見國王自謙於天主之下如是。遇機當追思以自省自警。比如或許了  
小女與他人爲妻。隨後此女長大。實心厭婚。惟願守貞。爲父母與親家素  
多不肯退婚。惟強女嫁人。此事大違正理。父母親家如此行爲。可謂輕慢  
天主。而視女靈若賤物。國王讓理於主。孝心裝飾貞女而敬獻於主。其意  
至善。其行遺留萬世。汝區區俗人強女出嫁。只恐在主前名不善而罰難  
免。信輩親事不可輕退。幼女說願守貞。此言不可輕信。但見汝女實情有  
此意。暗地許守貞而厭婚者。爾等父母親家均當准他隨其意。不可行強。  
讀此篇而以爲然者賢也。以爲不然。直是任性不服理。

省察 聖師書上篇篇稱守貞者爲天主子之潔配。而果然是。守貞者自  
知己尊。當倍加細心自守。同人知之亦當尊敬。遇爲婚事爭論之時。親家

亦當以此念自省。我知之麼。  
定志 自今以後，我照前道行事。

聖人言行

西曆十月十六日

二百〇七

十七日 聖婦葉得未日 守節

葉得未日乃末辣未亞

今奧國之屬地

諸侯之女。自孩年讀聖人行實，盡心步其踪

跡。十三歲爲波羅尼亞諸侯聘娶爲妻。續生三子三女。事夫如理，養兒女至慈，愛天主至切，而操德無怠。諸侯亦好善，是故夫婦心同意合，而併力行天路。年紀三十餘，互相商議守節。此後夫婦兄妹相待，引導士庶以各種德行之善表。諂媚不聽，讒佞不用。待僕婢如親人，愛民如子女。嚴禁文武任內之各陋弊。貧窮之家，凡有女者，聖婦出銀錢養其女，令他讀書，然後或嫁之，或助他入院，隱修隨意。患病辛勞者，視聖婦如母。聖婦時親手服事，時遣人施其所需。每日設席款待十三人，敬耶穌與十二宗徒。跪地與他供食。進經堂時，常有一婢帶銀錢一大囊。小民近身邊拱手深拜，聖

婦不問何人何事，引手入囊便施錢。

主耶穌降生在世，自投於艱難以贖世人於永苦。聖婦欲效學，是以盡心救人於難爲不足，而甘心自苦。酒肉不嘗，瞻禮四六守大齋，餘日減飲節食。或用府中所待困窮之餘饌，或買院內隱士貞女所剩之殘餅大小塊以自饒。如是一舉兩得，又遂其愛貧之意。又顯其敬善人之心。或時見貞女由經堂誦經而出，便去伊纔跪之處叩首親地。苦衣時時貼身不脫，軟鞭或鉄鍊自責流血。牙床不用，木板而眠。患病則以絨麥草爲勝設。每夜睡片時，餘則祈禱沉默。

聖婦惟願普地人朝夕讚頌上主，謝生養保存救贖之恩。是以造隱院施田地養許多貞女替世人轉達補贖。聖婦另造一小屋在院外旁邊，不時在

此靜居。將萬事放在度外。倍加默想誦經尅苦。不論在何地。每日必聽彌撒數臺。立跪不動。或鄉下見道傍立有十字。卽下車仆伏於地。躬拜。鄉民目見。愈貴聖號。聖婦身帶聖母一小像。不時目視而口親以示靠望。屢次以此像貼病疾身體。而病卽愈。

守齋尅身之善功雖大。却不如忍受患難。某年丈夫與鄰地諸侯交仗折兵將。自受重傷被捉。聖婦聞信不怨。惟熱切膝跪祈禱。次日遣使說和許銀若干。請放丈夫回本地。敵人不聽。世子集兵欲搶奪父侯。聖婦心惜人命。惟願不戰而和。乃帶數臣躬親去見仇敵諸侯。諸侯見其面如見天神。卽覺心軟。次日議和。放波羅尼亞諸侯回國。

西曆一千二百三十八年。丈夫患病。聖婦事藥安慰不離。病日加沉重。致諸

侯領聖事而善終。士庶無不稱頌亡者之德而心痛。惟聖婦和平謂衆臣曰。帝王諸侯皆爲天主所造。主命而生。主令而死。存者當服於主聖意而自慰其心。

世子恩理格繼位。生平事上主愛百姓學父母諸德。衆民稱之曰孝。某年韃人侵地。諸侯帶兵去敵。不幸敗兵死於陣。聖婦聞信掉淚。和平道。此乃天主所准。只當服其聖旨。天主嘉聖婦之德。而賞之以聖蹟。醫病之外。爲新亡兩人祈禱。而見之復活。更有先知之能。其所預言皆准。某年得默示。知道不日將死。雖身安而領聖事。是日染病。隔數日善終。

時西曆一千二百四十三。華宋理宗十九年。

過二十四年教宗將葉得未日之名列於聖婦之冊。

## 眞福瑪加利大 瑪利亞

瑪加利大乃法國布爾我尼省中等家族之女。兄妹七人之中行五。生於西曆一千六百四十七。華大清順治四年。孩年好善惡惡。五六歲誦經沉默。雖數點鐘不厭。屋內不見他。只去經堂門邊。卽見小女兒捧手閉目端跪聖體前。雖不知何謂守貞。而蒙天主默示於某日聽彌撒時。許愿生平貞守事主。特意愛聖母瑪利亞。每日誦玫瑰。父親不幸早亡。母親事煩。將女兒托於院女訓誨。瑪加利大九歲入院。次年初領聖體。覺得愛主之情愈切。逾兩三年患重病回鄉。時某舅父當家。待外姪兒外姪女等最嚴。瑪加利大甘受辛苦。日學謙遜忍耐。復逾數年。長兄成人自理家務。而母親兄妹得安然過日。時瑪加利大年紀十七。日前多苦而日進於善。現今享福。

而善德幾危。親戚朋友不時來家玩耍。他亦同兄與弟走人家還禮。徐漸喜穿戴愛空閒。每日減經短默。而熱切不如昔。有人戶數家欲聘之爲兒媳。瑪加利大初迫於守貞之愿。回應不嫁。隨後心想五六歲之女兒不知何叫守貞而忽畧許愿。此愿可謂虛言。不守必無罪。是故意中畧有出嫁之念。一面天主招選他立大功而特恩感動不棄。是以瑪加利大正在心望世福。主耶穌頭戴茨冠聖容流血發現數次。責他無信無情。瑪加利大見。卽時回頭痛悔。用苦鞭守嚴齋補贖。然後熱切續散。遇機復變。而心猶戀世樂。如是反覆到二十一歲。母親與兩兄欲爲他議親事。瑪加利大進退難決。有意從命。一日主耶穌發現責之曰。汝若輕嫌背我。我卽棄汝。若恒心事我。我萬不離汝。而將來以我心事告汝。瑪加利大聞言心化。當時

復發守貞之愿。雨淚求主勿記前非。惟助恒持善志。是日稟母親與兄曰。我心定矣。不拘何家遣媒來說親事不可聽。我終身守貞不嫁。是年母親雖不催女議婚。却不准入院修道。瑪加利大此次堅心不移。祈禱之外。日避世福。竭力習大善。時常集貧家小兒小女教他聖道。或看病疾服事湯藥等功。究竟母親准女從心行事。瑪加利大辭衆親人。入本省巴赫城往顧會院。時年紀二十四歲。

按八月二十一日聖婦若翰納言行內所載。聖方濟各撒肋爵立貞女會。原欲其女每日出院外顧病疾。撫慰貧窮。訓誨小民。是以取會名曰。聖母瑪利亞往顧。隨因某紅衣宰相言貞女不可出外。聖人乃改原規。令其女隱居院內。誦經沉默教書等功。如是新會雖存聖瑪利亞往顧之名。而實無

其事。彼時天主聖意早已預定招選此會之女。而默示之以耶穌聖心之奧義。或因此意而准改變其規。亦不可知。其所知者。此後見聖方濟各訓聖婦若翰納等。可信聖人預知將來之事。比如常言欽崇聖心乃往顧會之本任。衆女當以此功爲朝夕之思。各女又須隱居聖心內。默想吾主之聖愛。盡心效法聖心愛主而時時讚頌。學其愛人而晝夜轉達。特此命畫一人心。心週圍箍一茨冠。上插一十字。心下橫書。學我良善心謙。並訂此像爲各處往顧會隱院之牌號。一面聖婦若翰納等敬從聖人之訓誨。特此往顧會各院雖無特敬聖心之經。却衆女無不視耶穌聖心爲會中德範。而時時仰慕欽崇。聖方濟各升天後五十年。本會靜院甚多。布爾各尼省巴赫城內有一座。居者多是本省顯家之女。甘棄富貴而隱居在此。尅

身習善。將來以聖心恩愛普告天下之貞女。是年亦入此院。惟願謙遜效學衆件事。主救靈魂。全不料天主將用他顯大能。

且說瑪加利大離家不免痛苦。是日入院。吾主密聲告他於心曰。我久已願汝來此。幼女聞聲。卽時改憂爲樂。拜長上與各女之後。卽照規矩檢行。一日間長上以默想之法。長上應道。吾女可置本心在主前。如置白絹在大法家手下。任他隨意繪畫。瑪加利大甚愛此言。入聖堂。而依令跪地呈本心如絹與主畫。以後親筆記此事曰。是日主耶穌默示我曰。將來我復我生平之苦愁於汝。但須潔淨汝心。盡絕愛世事之情。此後瑪加利大朝夕無他念。惟願補贖自淨。是以千方苦身。而謙遜過人。畧過兩月。脫俗裝着會衣。而心潔愈加。聖恩愈廣。吾主時常發現與伊明見。時以威嚴訓之。則

聖女悚然恨本靈之不堪而愈欲自淨。時以仁愛慰之，則聖女心樂如在天國。或時瑪加利大失覺，思言有些微小過，吾主卽時嚴責，致聖女痛極而願歷萬苦作補贖。此諸情形，院內衆人雖不明悉，然早已覺此女不俗。考其動靜，則今日容顏帶憂，如心有所苦，明日面福若遇大喜之事。誦經作工寫字，時常跪地不坐，百事似若身在心不在。與他言語，瑪加利大多似夢中甦醒而答。守規矩至細，操善至切。但言行與他人有異。長上見此局面，心下憂慮，怕瑪加利大爲鬼魔所騙，以致受害。遂與老貞女等商議，待他如此如此。以後每日使瑪加利大作各樣手工，如掃地、洗衣、服事病疾等。他女在經堂默想，瑪加利大只有在外奉命往來工作不少暇。並叫他散心，不留意於攪擾之各念，惟須細察同伴各女之言行而學他作。

事。瑪加利大竭力依令。但吾主聖愛時時催迫。聖女處處不能自禁。惟似像忘却外務而聽仁主於心內。過年餘長上明知其德出常。准他許愿。瑪加利大滿心歡喜而竭力預備。一日在花園樹下跪地。見主耶穌發現。慈言訓之以己昔日所受之苦難。聖女耳聞心疼。愈加願苦。許愿之日。不知如何顯示虔心。乃以針自刺其手而鮮血筆書自獻於主之約。約下簽押曰。吾主不堪之婢瑪加利大瑪利亞。

一日聖女祈禱曰。主。昔日許賞罪女同受其苦難。迄今年餘。罪女時時神樂。求主實其言而苦我。說說見一十字。上下皆是玫瑰花。但花下現長莢。吾主曰。現今你樂的是花。將來花過。汝須受莢。時至。非我堅固。汝不能支也。主言雖可畏。然聖女貪望此苦日如世人之待喜事。彼時長上准他隨時

進聖堂由意。瑪加利大大喜。遂每日在聖體前跪地沉思。目閉面樂。連數點鐘不動。他人往來不覺。或時誦經。忽然落地。眼淚不止。凡陳出聖體與衆人供拜之日。聖女不離經堂。聖七主日瞻禮五之夜。在聖體前連跪十二點鐘不立身。衆女稱他似石像。越逾數年。瑪加利大心誠德精。可受上主異恩以傳之於世。

西曆一千六百七十三年十二月二十七日。聖若望宗徒瞻禮。

昔三百餘年聖若望宗徒

發現於聖女熱爾度德說聖心之事亦是此日看十一月十五日

聖女跪於聖體前。魂超受默示。明見吾

主聖心爲茨所箍而上插有十字。聖心發光如日。而透明如水晶。主曰。大哉我心愛人之情。其情之火今已不可抑。我願以汝而顯之於人。令其受我心之妙恩而免艱難。特選汝一弱女奉此委任。明示我全能。聖女書上

記曰。吾主說訖。問我願否獻我心於主。我卽懇祈主納之。主將我心取出。我胸而若置之於本心內。時我見主心如至大之火。我心如區區一炭。既置在火中卽燃灼成火。主復取之而還我曰。現置我愛之火一些須在汝胸中。足燃而焚汝至身終。昔汝自稱爲婢。此後汝可自視爲我心之愛徒。說訖不見。蒙主此恩後。聖女心內之愛絕異。而無言可喻。且右旁時時覺大痛如生內火。心似燃灼。隨後每月頭一個瞻禮六。吾主復顯聖心與聖女看。其心發大光直射瑪加利大之心。而聖女自覺身靈似火燃焚盡。過六月聖女復受默示而記之如左。一日我在聖體前覺得心內和平安靜異常。忽見吾主大光發現。五傷如五星。聖身若火焰所圍。胸膛似燃灼之窩。少頃胸自開。露出可愛之聖心。所現於外之火燄皆生於此。吾主將所

受之苦難說與我聽。然後嘆曰。此諸刑雖重。然世中人之不感情尙苦我愈甚。伊若孝心報我愛。我甘願復受萬刑救之。但世人心冷若冰而不應我愛。汝當竭力悅樂我心而補人之無禮。聖女謙推曰。婢無此力。主曰。汝力之不及。以此必能也。說訖。聖心若射火直對聖女心來。主又曰。不必畏懼。我乃汝之力。今日請汝行兩件以預備後事。一則每月頭一個瞻禮六領聖體。在天主前爲普地衆人賠禮。二則每主日瞻禮五夜間十一點鐘仆伏於地。至十二點鐘追思我將死前一夜爲宗徒門弟棄離之苦。而補贖世人現今棄我。誠較前愈大之罪。

此次聖女爲內火所傷。患重病。兩月大痛無息。而神樂日增。究竟長上命之曰。汝當求天主醫此病。若見好。必知汝所見所聞由天來。聖女奉命祈禱。

求主治病。片時痊癒。下床守規矩如衆女。醫生大奇。言此事非平常。

次年六月十六日。聖體主日。聖女跪在祭臺前。供敬聖體。吾主發現。聖心光輝於胸中。主曰。此乃愛世人之心。昔日不自惜。不辭辛苦受死。以救贖萬靈。但世人不惟不知恩。不應情。反而或厭我聖體。或冒領踐踏。所痛者。許過特意事我之人。多亦如此。是以我願聖教中。建立瞻禮於聖體。瞻禮七日。後頭一個瞻禮六。是日信輩當敬我心。領聖體補贖我所受之凌辱。在聖體祕跡內。行此善功。或傳此美意者。我盡我心之愛。覆庇降福之。聖女謙謹問此大事如何得成。吾主應道。可以此意告我僕某神父。神父乃耶穌會鐸德。聖女稟之。神父細察瑪加利大之言行後。明知此事由天主來。所到之處。卽傳吾主告聖女之言。

此後不久，聖女某日見聖體光照如日。光中吾主上前，將茨冠置他頭上說道：汝將戴茨冠陪我。自此以後，瑪加利大頭疼如鉄圈所箍。並時時口渴如爲火所焚。但追念耶穌在苦架之渴而數日不飲。一回過五十日不沾水一滴。心中之傷亦常苦之。瑪加利大晝夜無安。而歡然自視如犧牲。在主前賠禮補贖衆人之罪。或時力乏心軟欲免辛苦，則吾主發現若憂。而聖女復新自勉。忍當萬苦。一面本院之新長欲試瑪加利大受默示之虛實而待他至嚴。時責時罰。無一句仁愛之言。衆貞女又不知瑪加利大見主受異恩之事。但見其言行與他人不同。身體時常患怪病。時用藥不聽。時斷藥而瘡等情。是故以他爲異人。而疑心現於言露於行。亦有暗想他爲魔所苦。聖女明知此諸情形。而謙遜忍耐於心身之苦。惟願世人知悉。

吾主所命而敬聖心。如是六年。

時長上復換。新長蒞任。早知瑪加利大之德而推之爲副。令訓誨初入院之

幼女。不說聖女在院內奉命之成全。只言院外神父們

耶穌會士爲首

將前事傳

於信輩中。致各方城鄉有人特敬聖心。數年內。畫聖心像。著聖心書。造聖

心堂。各處有人自獻於聖心。而依主願。每月頭一個瞻禮。六領聖體。與天

主賠禮。每主日瞻禮。五夜間。十一點。仆伏於地。補贖世罪。聖女聞知。讚頌

主不止。究竟本院備一小堂。特敬聖心。衆女一齊自獻於主。是日瑪加利

大滿心歡樂。惟藉聖西默盎之言曰。主。遵爾前言。今可遣僕長逝云云。且

聖心之妙情。傳於外。而信輩各處加熱切自新。院內衆女聞之。無不心樂。

但知悉此事。由主屢次發現。與瑪加利大所成。便大痛昔日疑惑。輕視聖

女之過。以後老幼敬愛竭力效其善德。西曆一千六百八十九。本方主教准做彌撒敬聖心於聖體瞻禮後八日瞻禮六。大事成也。妙樹栽也。隨後徐漸生長庇蔭普地。萬靈得嘗其菓。

次年聖女覺得身安。告同伴曰。病痛既止。我今年必死。時院內院外人皆仰慕靠望。但天主愈榮聖女。而聖女愈加謙卑自視如坭。昔日奉命筆記所見所聞所受諸恩。現今臨終懇祈長上焚燒其書。恐人目讀。錯視他爲有德之女。再告長上曰。耶穌聖心當讚頌於普地。惟我無德無功之賤婢。名當削。不可記存於書。七月尾聖女願作善功十日。預備善死。十月初旬欠安。告衆女以身終之日在邇。醫生來看。說病不危。十六日聖女求領聖體。長上曰。病不重不必領。聖女道。罪女自昨日未曾用食。亦可如常人而領。

長上許之。聖女領聖體熱切神樂不可言狀。謝恩後告同伴曰。長路之糧已領矣。院女不肯信。十七日和平沉默誦經。晚七點鐘加病。長上命請醫生來。聖女曰。罪女所仰望者天主也。耶穌聖心也。遂求傳終油。神父即時傳之。經未完。聖女和平而逝。

時西曆一千六百九十年。華大清康熙二十八年。

聖女死後容顏至美全福。少頃通城知悉。男女互相告曰。聖女死矣。雖不題名。而衆知聖女是誰。聖尸停兩日在經堂。衆民來看。第二日將晚埋在經堂內。聖女昔日跪地受默示之處。

以後敬聖心者日多。現今聖教立有大瞻禮於聖體瞻禮後八日瞻禮六。令做彌撒讚頌聖心。每年各國亦用西六月敬聖心。如用五月敬聖母。每主

日瞻禮六有許多信輩領聖體，在主前賠禮求恕罪。瞻禮五之夜十一點鐘有教友甚多或仆伏於地，或膝跪到十二點追思吾主將死頭一夜爲宗徒門弟棄離，並誦經安慰聖心補贖世人之罪。愛聖心者福哉。其愛將來必變永貴永樂。

切想 首論聖心

聖經云：常生非他，乃識爾，惟一眞主。若望十七  
章三節 認識天主乃人衆之當然。訓人識主愛主，乃聖教之宗旨。人識主在現世，致愛之事之。則身後識主愈明，而因明識其聖體妙工之樂享永福。但天主純神，人目不能見，耳不能聞，心不能思測。願識天主當用何法。曰：此法不由人，而惟由主。主當自顯，方可爲人所識。開闢之際，天主造人物以自顯其能，而原祖敬之。原罪後

復自顯其義怒，而原祖懼之。此後人類日多，而漸忘真主。越過多世，天主自顯於每瑟在雷霹之中，授以十誡。令依臘爾民親目覩其威，認識之爲天地人物之主，守其法律，望死後之安息。時依臘爾之外，普地各國各教未曾識天主。雖畧信有干預人事之神，然不知此神爲誰，亦不識之。若當愛之恩主，惟以之爲能害命傷財之質物，而行禮敬之免害。

世事如是，歷至前一千九百年。時天主復再自顯。此次不以全能使人信從，不以威嚴令人畏懼。惟以仁愛服人之心，欲取其愛。降生成人，訓信輩稱天主爲父。且恐人類不信上主果懷真父之實情，遂奇愛歷苦刑身死，以証憐惜萬靈之慈悲。此乃天主自顯之末次。至世界窮末必不再易其訓。今後之人欲識天主，只須目視苦像，心思聖體祕跡，便可知上主愛人之

奇情及人當愛主之要理。

再者天主子降生成人，常居世間，爲天主之真殿。其殿且有祭臺。卽耶穌聖心。近於耶穌聖身，則近於主。進至耶穌聖心，則愈近焉。聖心乃天主聖愛獨美之祭臺，獨聖之約櫃。聖經云：天主全是愛。若望第一章四章八節聖心乃天主無限全愛之表記。信輩見經堂內之祭臺，便自想道：天地之真主在此。思想耶穌聖心，又當自警曰：天主憐愛世人之妙情，蘊藏於此。識救世主者，識天主而行正道。識耶穌聖心者，識天主愈密而行善路愈切。救世主受難，以四肢釘穿爲不足。尙要兵之矛鎗開其肋而刺其心。欲明識天主而量其聖愛，當不止於其手足之傷。還須心從兵士之矛由主肋旁而入其聖心焉。

聖女瑪加利大瑪利亞自幼識天主。隨蒙主發現親訓而愈進於聖學。究竟明見聖心。透徹其妙情而學精愛極。再居世數年。身靈帶聖愛之傷而在人中似天神。現今在天堂二百餘年。以主聖愛爲妙光。以識天主爲時時新樂。其識刻刻永加。其樂世世常盛。勸爾信輩效學聖女愛主。思念其聖心之情。仰慕聖心。聖心必自顯其德。識聖心。必識天主而竟得常生。

省察 天主全是愛。降生成人。明顯聖愛。耶穌聖心乃天主聖愛獨美之祭臺。惟聖之約櫃。識之識天主而行升天堂之直道。我知之麼。

定志 自今以後。我竭力仰慕耶穌聖心。讚頌之。深思其情。望以聖心學識天主在現世預備見而識之在身後。此題未完

十八日

聖路加

聖史

路加諒係如達國人。幼年在洋弟約家名城讀古聖經，並看世書習文操各學。年紀二十餘卒業，通數國言語。筆墨高明之外，還善於醫藥，而頗能繪畫。時天主聖子救世之大事已成，宗徒在四方傳聖道。路加愛新道之真實，乃奉教領洗，但不知於何時何處。隨聞聖保祿之大名而從之。同宗徒來日路撒冷城，得見聖母瑪利亞與雅各伯等宗徒。路加于心愛聖母，盡己手段，畫其真容。此像現今猶存於羅馬並細聽聖母談叙天主聖子來世生死諸妙情，而句句銘鑄於心。隨從聖保祿遊希臘國各省傳道，辛苦立功。西曆畧五十年有人裂於正道，著書記主耶穌之言行，未按事實。路加受聖神默示，願作書辨之。祈禱後，用希臘話照實記吾主居世之言行。其書現今

所稱福音路加撰是也。間或稱聖保祿之福音書。因路加乃宗徒之門弟故也。實乃路加盡其人之明悟文學。執筆書記聖母及宗徒們所叙耶穌之言行。一面蒙聖神默示。而書內旨意言語不致有錯。明題聖若翰洗者爲耶穌前驅之委。聖母領報於天神。耶穌降生於白晝。羣天神在空中唱聖歌讚頌主。令牧人去拜新生之救世主。聖母獻子在聖堂取潔。耶穌十二歲在堂訓誨衆學士。種種妙事。餘別福音書所未題者。聖人筆法且簡且文。事體奧微。而字言句句明易。談主耶穌之大道奇能妙愛。而神樂虔心敬愛顯於文。叙主耶穌受苦釘死諸慘情。而筆下無怒態無一句讐恨惡黨之重言。足證路加且是聖人且是著書通才。

西曆五十四年。聖保祿或在日路撒冷。或在則撒肋受監禁兩年。路加不相

離。時在此時在彼同信輩祈禱天主教宗徒。諒亦不時入監撫慰。逾兩年兵差解送聖保祿過羅瑪路加復從去。保祿在城中不受禁。惟佃屋交接外人往來隨意。但有兵士一名時時跟從。路加亦在此同聖人及聖伯多祿看顧信輩。踰一年帝命放聖保祿。路加歡幸謝主。此時復著一書。名曰宗徒大事錄。細談宗徒們於耶穌升天後所行之事。可謂聖教初傳之綱鑑。文墨不在各國列朝綱鑑之下。且依聖神默示執筆。而所記咸真竟實情無虛。

此後聖保祿在世畧九年。時在東時在西傳道。路加諒亦同宗徒遊歷各方。西曆六十七年。聖保祿復受監禁。路加亦在城中。日夜祈禱求主保存聖師。是年七月二十九日宗徒致命升天。此後難以考察路加之蹤跡。或言

聖人傳教於意法而致命於希臘之地。或曰聖人雖受辛苦，然究竟未曾致命。惟壽八旬而病終。年號不可定。踰三百年聖尸遷至公斯當定京都存於聖堂內。

聖安得肋

致命

西曆七百六十一，華唐肅宗五年，希臘國革肋達島靜院內有隱士名安得肋，聖德不俗。國王從裂教，嚴禁聖像，充殺教友甚多。安得肋不忍坐視，遂離院上船進公斯當定京都。每日或在聖堂或遊街道力辯正道，駁裂教。一日國王引文武臣進經堂坐高位，諭士庶依例折像。兵差不時押信輩來，以敬聖像之故控訟。惡王一令，刑役或鞭之，或割其舌，或掘其目。安得

肋聞知進堂來王前責之無仁無理並明辯聖像之當敬王怒命捉拿兵差將聖人綑縛王命用牛筋重鞭聖人忍受不言王命投之於監隨想此人德明衆信輩敬愛乃設法挽其心意謂安得肋若奉旨棄聖像必有多人隨從遂屢次提之辯道時許榮貴時以苦刑驚嚇安得肋榮貴不戀苦刑不懼惟守志不移惡王命再鞭然後交與刑役斬首刑役依令聖人死後刑役掘坑將其尸投於內合犯人之尸同在一堆是日城內負魔者數人齊來此地以手作鋤掘地將聖人之屍取出抬回城中蒙聖人轉達衆負魔當時獲恩得脫其身於魔鬼之權。

聖女徐理納 童貞致命

徐理納乃法國博省異教人之女。幼年幸聞傳教者講聖道而奉之。領洗後願守貞。父母尙從異端不准此善事。而許他與異教人爲妻。徐理納自托於主之全能。暗地出家。陸行至沙爾得赫城。在某信輩家中居住。並傳道勸異教婦女奉從聖教。未幾風波忽作。徐理納無畏懼而勸衆如常。有人訟他以惑民中婦女欽崇天主背國神之罪。官命捉拿。是日兵士送幼女到案。官責他傳邪道。幼女反將聖教之眞實明證。官誘他背主。幼女不從。究竟定案。是日聖女斬首升天。

年歲不可定。聖尸埋於沙爾得赫城。因墓前顯聖蹟。世世有人來求轉達。博省之人亦特敬聖女。

切想 一論聖心

主耶穌勸人自誠於德曰。務爲全善。法爾全善。天上父。瑪竇五章四十八節據昨日之切想。天主自顯於世。原要人識之愛之。却愛德之誠在何事。曰。在考己之所愛而盡心效學其善。是以福音書曰。務爲全善。法爾全善。天上父。或問。欲效法某人。須先見此人。細考其言行方可。爲徒而未見未聞其師者。焉能成功哉。然天上父不自顯與人見。人何以法之。曰。天上父不自顯是實。但使獨子來世。久居人間。且聖子乃聖父之全像。與父同性同善。降生成人。君臣士庶均能見其行聞其言。而實若見若聞聖父。如是則天主成世人之模範。萬靈可法其善。自精本善而微似於天上父。信輩微似於上主。便是聖子降生贖人之美意。成行。上主有榮。世人有福。

夫耶穌聖心乃天主聖子萬善之寶藏。細考聖心，足爲萬德之表。一面各人之心乃各人善惡之根本。是故願效法天上父之信輩當查考聖心，而自化本心與之相似。與主同心卽似天主。永業定焉。

看來聖教訓信輩效學天上父之法惟一。舉天主耶穌之心在信輩目前曰：此乃汝之模範。須改汝心相似聖心。此道極明暢。明而行者，福人焉。

眞福瑪加利大瑪利亞入靜院從上人命置本心於主前，如人置絹在畫師手下，待他隨意繪畫。其意無別。惟願聖神訓誨他習善成聖。隨後吾主發顯示聖女以聖心之妙情，取其心而以聖心之熱愛熱之。時主耶穌眞可謂丹青妙手。照己心模樣繪聖女之心而精其善。聖路加深查救世主之言行，亦明透其聖心而竭力畫本心畧似耶穌之心。蒙聖神默示著福音

書傳耶穌言行於後世。致熱切信輩。世世讀聖書。以主聖心之密情。自訓而效學。宗徒改其心。畧似主心。此乃至大恩澤。吾衆當感德謝惠而善用。讀福音各編。如看耶穌聖心之實情。而照樣化己本心。

省察 天主願世人操德畧相似天上父。特此使聖子降生。自顯若規範。效法者微似天主而永福。我知之麼。天主子之聖心乃萬善之寶藏。是以舉聖心與我衆看。欲改化我等之心。相似其心。有如是之心者。福。我知之麼。

定志 自今以後。我敬愛耶穌聖心如萬善之寶藏。而竭力化我心相似聖心。

十九日 聖伯多祿 由亞爾綱大納 顯修

亞爾綱大納乃西班牙之村。伯多祿生於此。於西曆一千五百年。華明孝宗十三年。孩年純善。頗能祈禱。默想而心不亂。讀書至十六歲。方入方濟各會院隱修。始操謙卑。端莊。尅身之德。而習之至精。隨時續進神品。陞神父。然後奉命講聖道。勸人。其言雖善。却不如其美行。化民功德。實實絕異。眼目常常下垂。不留心看物。與隱士同居。惟識其聲。不識其面。住一屋數年。而不知此屋有天樓否。時時在聖堂。而不知聖堂模樣如何。聖經云。死<sub>也</sub>罪由窓而入。人身之窓。雙目居首。伯多祿閉窓如是。死罪必難入。眼目之下有口。伯多祿禁之至嚴。始則每日粗餅冷水一殮。次則三日用麥餅和小菜一殮。終則八日一殮。每夜跪或坐眠一兩點鐘。便醒而務聖事。冬日不

臨火。覺冷卽脫外衫開窓而當風。少頃凍極。閉窓復披衫。如此使其冷極轉燒。以覺些些熱氣。四季赤脚不用鞋。踏霜雪凍破了皮流血膿。不之管。每日兩次以鉄鍊爲鞭自答其身出血。苦衣時時貼身不脫。以救世主之苦難。慘死爲心中之默念。是以百般自苦。欲還主情百分之一。又愛立十字架在路傍山頂。令信輩見而靠望讚頌。聖人路過十字前卽跪而示敬。或時愛發於心而魂超失覺。或見離地懸於空中。渾身發光。講道理之際。常題主耶穌苦難。大感人衆動情恨罪愛主。

伯多祿乃五傷方濟各之眞門弟。愛心貧之德而不稍戀世物。呢衫惟一而至粗。房內小桌一張。椅一乘。聖經一部。十字一架。出路步行。不帶銀錢。惟用丐來之食。一面習貞潔而克慾。學列位大聖。一日迫於邪情不能逐除。

乃自投於冰水，而以寒凍勝邪魔。

日月迅速，伯多祿出家修道已多年，而高志日新，功德日奇。天主賞之心下，悅樂異常。或時覺得聖愛焚心若火，只得出外解衫，而當冷風退，內熱誦經沉默之時，常常魂超，耳不聞，目不見，身不覺，而大聲呻吟。聞者知其情之切。天主亦賞聖人顯聖蹟，如在水面上行走，先知預言，救一方之民於饑荒等奇。聖德肋撒曰：天主默示我云：凡用伯多祿聖人轉達必得所求。又賜之化富貴貧窮無數。某年奉命入葡朝講道理，勸得親王宗室及官宦回心加善者甚多。時聖女德肋撒本月十五欲立院帶貞女，謹守家爾默爾會之原規，而爲多人阻止，不能遂心。聖人過亞斐納城，一面善言撫慰聖女，勸他恆守此意。一面在主教等處說德肋撒此事，乃天主所默示不可

阻。聞者感於伯多祿聖德之大名，無不改變信服。是以聖女竟能立功，而伯多祿其中有股份。

聖人見方濟各會衆院改聖祖所定之規矩，亦欲復與原規。特此受了許多搓磨。但不管事之順逆，恒存聖志而竟得教宗御批，立伯多祿爲長，准立新院守方濟各原規，仍屬本會總長管轄。

聖人掌新院以貧窮爲本，以效學聖祖之妙行爲末。勸手下衆士視心貧之德如世中之珍玉。新規漸傳於各國，而方濟各會自此若新。

聖人年紀六十餘患病，卽知不日將死。遂善勸衆隱士後領聖事。少頃聖母瑪利亞聖若望發現。聖人目見大慰，唱聖詠曰：予樂於所聞之言，吾將赴詣主殿。云微聲唱至末句閉目而亡。

時西曆一千五百六十二年。

衆隱士覺美香由聖尸出散佈通院。見異光照聖人之臥房。又聞天神奇音稱頌主。是日無數信輩來院看聖屍。禮畢埋葬於聖堂。隨後信輩時時來墓前求轉達。聖人光榮發現於德肋撒謂之曰。福哉我尅苦終身。特此現今享大榮。過一百年教宗列伯多祿之名於聖人之冊。

聖安多尼格

聖婦亞大納濟

夫婦隱修

西曆三百六十年。華晉哀帝年間。羅瑪東方洋弟約家有信輩姓名安多尼格。開錢舖。家富名旺。妻名亞大納濟。亦是某舖大商之女。夫妻信德不凡。每年以所進之利作三分。一爲濟本城窮苦。一爲散各方隱院。一爲自家

用費。此外言行至善，通城之信輩稱頌。生一子一女，然後相約分房守節，而操德愈切。過十年，子女同日病亡。安多尼格全服天主聖意之下，借若伯之言曰：天主昔日所賞與我，今日奪之於我。惟願主聖旨承行。是日將兩兄妹埋在聖儒理亞諾經堂內。葬事畢，母親心痛無慰，留住聖堂在墓側，兩淚祈禱。半夜聖儒理亞諾發現謂之曰：纔亡之子女在天堂全福。哭他何爲。不如痛悔哭罪。母親聞言回家稟丈夫，說願出家去隱修。丈夫應道：此事可思量再四。過十日半月復來籌商。此後兩夫婦祈禱求天主默示。逾半月議定，同日棄俗務，特事上主。遂將家資房屋田地托與岳父管理。說道：我夫婦出門去遊如達聖地，如不見回來，請岳父以家資濟聖堂病院隨意。百事辦好，夫婦出門往如達國。遊歷聖地之後，過厄日多。亞大

納濟剃頭改粧求入某院修道。院長准之。安多尼格進曠野，至達尼爾聖人隱居之地，而從之爲師。如是夫婦各居一處操德習善。

過十二年，亞大納濟稟長上命，願復去。如達聖地敬主耶穌生死之處。長上允諾。亞大納濟一路誦經獨行。一日見一隱士在道傍樹下歇涼。細看之，見是丈夫，遂不說本名而按禮先拜。問何來何往。時亞大納濟容顏且瘦且黑，絕不像昔日美麗榮華之亞大納濟。安多尼格量是個隱士，應道：弟自某院來，現欲過日路撒冷聖地。兄何人何往。亞大納濟應道：弟乃某院之士，亦往日路撒冷城。願與兄爲伴。不知兄意如何。安多尼格應道：如此甚善。我二人同路可通功誦經。弟又能聆吾兄之善訓。二人一同步行，遊如達一年，然後回厄日多來。亞大納濟說道：我二人心同意合，不如造茅

舍同居終身。安多尼格應道。我弟兄有長上。先當稟明此事方可行。二人即去請命。兩院之長准行。於是二人修一茅屋居住。誦經則通功。餘時默然心歸向天主。作工夫。粗餅爲食。河水爲飲。痛悔轉達爲務。過十二年。達尼爾聖人來見。時亞大納濟正在患重病臨終。聖人見他容顏帶愁色。說道。兄將升天享福。而憂愁何爲。聖人量他心下懼死亞大納濟應道。所愁我死後安多尼格兄無伴耳。未幾又曰。弟枕頭下有小板。板上書有數句。弟死後請長上取之。給安多尼格看。聖人許之。是日亞大納濟領聖事而安逝。枕頭下果有小板。板上字云。婢女即安多尼格之妻亞大納濟耳。求夫爲我祈禱。安多尼格見字自醒道。奇哉。我十二年每日看他。未曾認識爲我妻。今看他容貌。是亞大納濟無疑。方中之隱士皆來送喪。讚美夫婦之德不止。

未幾安多尼格亦安死。埋在妻墓之側。

切想 三論聖心

主耶穌曰：遣我者，有旨奉行之，卽是我糧。若望四章三十四節據昨日所言，信輩當學

天主之全善而全其善。特此天主聖子降生自顯與人見，使人能學其善

而與之相似。相似聖子必相似聖父。耶穌聖心乃天主聖子萬善之寶藏。

信輩願相似耶穌，當以聖心爲規範而仿之化其本心。然而聖心之善，吾

主一言而說盡。遣我者，有旨奉行之，卽是我糧。聖心懷聖愛至全。聖愛

全，則服本意於天父聖意，而以順命爲糧。如人身以飯以餅爲食而活。吾

主此言包含萬德。書著讚頌聖心之詩賦百篇，不如福音此一短句。以之

可明悉吾主之訓。所云：人欲從我，當棄己。瑪竇十六章二十四節棄己二字，如曰克

己。至不存本意。惟求於時時事。事合主聖意。天主聖子成人。三十三年。自克不求榮益。惟願榮聖父益世人。可謂自棄。欲從者當化本心似聖心。自棄本意而以奉天上父之旨爲神糧。

聖心此糧。信輩中多懼其苦味而不肯嘗。惟熱切者貪慕此食。漸覺其味變甘。是以罪人隨本意犯規誡。欲安和。而反失安於現世。大禍於後世。善靈不辭苦。而實得安和於身前。全福於身後。豈不見今日之伯多祿。生平自尅無息。死後自賀。以尅身棄本意之大功。而得享如此之美榮。聖安多尼格夫妻亦然。兒女死後全服於天主聖意之下。棄世福隱。修貞守苦身。以後安居二十餘年。歡喜去世升天。聖女瑪加利大瑪利亞。見了吾主聖心。本心卽受聖愛之傷。而終身貪望聖心爲普地衆信輩所敬愛。以見世人

榮主爲樂。以世人犯罪辱主爲憂。皆可謂借主耶穌之言曰。奉行聖父之聖旨。乃我之糧。其心與聖心相似。其賞與吾主之賞相類。學之學之。

省察 主耶穌在聖父前全孝。是以聖心朝夕以奉行聖旨爲糧。我亦是天主之兒女。當學主耶穌之孝。我心應法聖心而以守規誠習善爲糧。我知之麼。

定志 自今以後。我以天主聖旨爲我心之真糧。竭力守規誠習善。必似聖心而得永福。

二十日

聖若望

根地

鐸德

根地乃波羅尼國之村。若望出身於此。於西曆一千三百九十七年。華明太祖二十九年。二十六歲讀書卒業。陞神父奉命在家納各斐大學堂講書。竭力訓誨衆學生操學習善。以普地每日所犯的罪爲苦心之念。而獻聖祭誦經尅身補贖主前。某年城中起火。燒民房甚多。若望祈禱求主寬饒。只見一老人發現說道。此次火不大害。不久必熄。汝當傳言於外說。若不同心。將來受罰愈重。少頃火燄自滅。若望將前言傳於人中。但士庶輕聽不自改。次年大火復起。將城燒去多半。若望神父奉命當本堂看教友數年。善表善勸盡心救信輩。但見不能化人如意。自罪功寡德弱不勝任。仍回學堂教書。在外時常講道。在內朝夕祈禱爲罪人轉達。或時通夜默

聖人言行

西曆十月二十日

二百五十一

想主耶穌苦難不睡。求主因己聖死哀憐世人而赦罪降福。神父謙遜視貧寒如親骨肉。濟錢之外，不時脫本身衣履施窮。敬接遠旅在屋歇宿同席用食。且飲食至菲，足養身免死而已。三十年絕未嘗肉味。並且苦衣不脫，苦鞭自答。天主喜悅聖人之德賞他以神樂。誦經之際，間不時魂超異見異聞。

聖人以每日所行之苦功爲不足。是以出門面東遠行到日路撒冷聖地。在主耶穌受難各處祈禱追思各情節若見。在彼不懼回人之惡，而講正道勸之離麻阿墨教，認識天主。返國後，連年去羅馬共四次。一路誦經忍苦而行。一日路過某處，估匪數人來行劫。若望把所有的銀錢讓與他。估匪問還有麼。聖人應道：沒有。匪等轉面便走。少頃聖人心想袂衫邊藏有金

錢數個。卽喊估匪轉來說道。我錯應無錢。尙有數金在身。遂執衫邊。請他以刀拆破。而取其金。匪等見聖人之純善。大奇而心感。不但不取那金錢。且將前所勒出之銀一並還之便去。聖人操大德至七十六歲。是年患病善死。墓前顯聖蹟。波羅尼恒記聖人之名至今不忘。

聖家伯納 聖女信德等 致命

西曆二百九十餘年。華晉惠帝年間。法國雅仁城主教名家伯納。乃本城人民。顏秀體豐。學廣德名。時風波大作。雅仁男信輩出城藏身於山林。主教在其中日夜堅固之。女教友在城內親戚朋友家隱居不出。其中有富家之女名信德。自孩年操善貞事天主。一日爲捕差所獲。解送到案。信德禱

曰。不棄呼號於爾者之天主。茲求爾不離我。惟施我善言。使能應答惡輩。不懼。說訖。畫聖號於額於口於胸而靜候。官問曰。爾名何。幼女應道。我名信德。官曰。爾從何教。幼女道。自孩年從天主聖教。全心敬愛主耶穌。基利斯督。官曰。爾當背此教。敬地亞納。女菩薩之名幼女道。父母曾訓我曰。菩薩皆是鬼魔。我不能祭之。官發怒曰。汝不祭必死於刑。信德道。我不但不祭菩薩。猶且靠主耶穌之恩。願歷萬刑。官命備鉄床。鉄鍊縛幼女於上。然後床下燃火炭而焚死聖女。信德似古時祭臺前之羔羊。端臥床上。清聲呼耶穌聖名。顏容絕無懼色。軍民見多覺心憐。大聲責官人面獸心。殘害無辜。官耳聞愈加心怒。命捉拿數人監禁。

此時主教在城外坡上藏匿。有信輩來報信德被拿爲官審問之事。主教即

時跪地誦經祈禱。天主施恩與幼女。少頃自想道。一弱女能致命榮陞天國。我位居鑿牧。功德反不如此女兒。瞬息之間又想道。何不進城去堅固我女兒。同他受刑身死。但聖經載云。不可自靠己本力。我去恐不能勝。苦而反自害。遺羞聖教。遂手指石祈禱曰。我若蒙主恩能勝。苦致命。求主命水由此石出。言未訖。水由石湧出。主教目覩無疑。即時進城直入官堂。見幼女信德尚綱於鉄床。床下炭火爆燃。但蒙主聖蹟信德安然無傷。主教歡喜頌主。勸信德恒守。官命捉拿問姓名原籍。鑿牧應道。我天主前至尊之名曰基斯當。俗名叫家伯納。乃本城之人。位居鑿牧。官曰。主教青年才品如是。若肯奉旨。必爲國君寵幸。用爲大臣。鑿牧道。領洗之日。我認識天主爲萬物之原。爲世人之恩主。自此迄今。我惟願居其妙殿。官曰。惟望主

教自省改圖受皇恩。鑒牧道。至聖天主許人以永福而決不失信。我惟望其榮貴。官久辯不能遂意。未竟交鑒牧於刑役。令動刑。聖人受鞭打不出言。歷各刑不改志。官命投鑒牧與信德下監。

隔日復提鑒牧來案。聖人祝曰。讚頌天主在高天。我等財帛在彼。盜賊不能奪。官令背教祭神。主教不從。官當堂定主教與信德之死案。日前因哀憐幼女而爲官監禁。那數人彼時領了洗。皆當一同身死。是日押送衆人遊城向法場而行。只見主教之老母親在路傍端立。慈顏視子勸曰。兒乎。今日乃以此世之賤生。幸買永生之吉日。請爾惟想天國。忘却此地之諸物。今日母子分離。將來不久必復相見。主教禱曰。感謝爾。主耶穌。感謝爾。光照爾僕。舉之榮之。置之在爾聖人之數。少頃見一幼女由人叢中上前。雙

手抱信德不放。視之乃信德之妹雅爾伯達。願與姐姐生死不離。弟兄兩少年。一名彼理目。一名斐理西央。自愧剛勇不如女輩。亦立主教之側。自認爲信輩。願同鑒牧死。官千方誘三人背教祭神。三聖恒志不懼。未竟官定案。是日衆聖斬首升天。城民見。多覺心化。自稱認識天主。官大怒。命兵差上前亂殺。過數日。信輩暗地進城。取聖人們尸首而敬葬。此後方中人。民世世敬爲主保。時常來墓前求轉達。迄今一千六百年。榮名猶存不忘。

切想 四論聖心

若望默照書二十一章二節載曰。我見日路撒冷新聖城。由天而下。其狀實似新人之待新郎。

新郎卽救世主。日路撒冷新城卽天國衆聖靈。然城之比新人何意。曰。聖經

素稱聖靈爲救世主之配。若望神見衆聖由天而下，表將來公審判時，衆天靈陪送救世主來審判善惡，而榮然在天地前與主結永婚。

彼時之萬萬聖靈，功德雖不一，榮福雖有異，却皆昔日在生效學救世主之善，而化己心肖像聖心。其中有自孩年恒守原善，未曾犯大罪者。其心生平乃聖心之美像。亦有行錯路犯過死罪者。伊一時當主之讐敵而爲天府所惡，隨後蒙主警醒，自恨己惡，勝邪慾操善，漸漸將本心如玉而琢磨，致其畧似聖心。便死於聖愛而入天國。自孩提存守原善，或先罪而後補其善者之中，有大聖如若翰洗者，或聖女瑪達肋納之類。不但行守規誠成善，而且異功自精自全。伊等可謂聖心特成之像，而榮福特近於上主。美哉此天民也。因相似天皇之美而與之同王。天主父寵之，列品天神稱之。

路濟拂之羣魔懼之。福哉此民也。誰使予入其隊居其城。享其福焉。

眞福瑪加利大瑪利亞乃守原善中之一聖靈。在世招選爲聖心之潔配。在新日路撒冷城中永遠陪侍天皇不離。

今日之聖女信德姐妹奇遇同然。自孩年至賢。潔心愛慕救世主。視身樂性命如糞土。見風波起而不避。押送官堂受刑不改途。末竟姐妹一齊斬首升天。紅愛白潔花冠從救世主讚頌聖心享妙榮無窮。

主教及餘信輩衆人剛勇致命。肖像主聖心甘受艱難存義。亦爲新日路撒冷之榮民。

省察 世界窮末必見各世之萬靈皆分兩城。一則日路撒冷福城。居者皆從救世主忍苦習善。而竟相似聖心之靈。我可望在其數麼。一則地獄

苦城。居者皆犯過天主誠命，而與聖心相絕。我毋至從惡而永遠充流於此。

定志。自今以後，我以永居天國爲望。特此竭力效學主耶穌之善以相似聖心。

二十一日

聖喜辣戀

隱修

喜辣戀乃羅瑪東方之人民。生在如達舊地家撒城鄉下。於西曆二百九十年餘。華晉惠帝年間。父母從異教敬菩薩。喜辣戀十餘歲時。過厄日多亞理山城讀書。此地信輩多。喜辣戀聞善道信服。奉教領洗。時聖安當正月十七日名震東方。喜辣戀進野面見問道。在此數月細察聖人之言行。未竟欲效學其善回鄉。十六歲喪父母後。將家資散濟貧窮。入曠野伐木造小屋。巴爾瑪樹葉蓋之以居住。身體雖至弱。然尅苦學從安當聖師。內衣似粗布口袋。上着薄衫。日夕一殮。以乾無花菓十五顆爲食。以泉水爲飲。朝夕或沉默或編箒誦聖詠。魔鬼以邪淫之念誘惑他無息。喜辣戀善怒恨肉身之求邪樂。時常責之曰。你只貪圖安佚快活。欲陷我於罪於永苦。我將待

聖人言行

西曆十月二十一日

二百六十一

你如無理之獸。要你焦頭爛額。腹餓口渴。剋除諸邪情。百般辛苦。必變馴不亂貪。遂誦經之外。倍加尅苦。連三四日不用食。手執石捶胸。正午日下掘土。至力乏方止。魔鬼不時變野獸怪物之狀來恐嚇。喜辣戀敵之無懼。一日見估匪十餘人。忽至。匪問他心懼否。喜辣戀應道。無財者不怕賊。匪曰。殺你又如何。喜辣戀道。每日預備喜終者不怕死。匪見少年如是賢智剛勇。心下感動。不但不相害。猶許改途歸正。

喜辣戀年及二十二。頗有聲名。方中不時送病疾入曠野來見。喜辣戀誦經後。手按其頭上。而病即愈。或時如達人去見。聖安當求醫病。聖人應道。汝等本鄉有我愛徒喜辣戀。能作此事。可去見之。喜辣戀已有除魔之權。某財主慳吝已極。特此爲羣魔所憑。身苦無息。無法來求聖人轉達。聖人把

羣魔逐出。財主感恩。卽以千金呈上。隨聖人散濟貧窮。喜辣戀應道。我自幼乘家資。入野隱修。安得收納他人之財。汝居世間。明識誰貧誰富。要施濟窮苦不難。承賜之欸。我有兩不可收。一則敗我志。獲罪於主。一則害汝。復將負魔。說訖放之回家。

喜辣戀聲名如是。有許多人來求教。聖人收納爲徒。各人或伐木搭棚。或土築草房。以居住。過數年。此地變若熱鬧之鄉場。但場上不講生意買賣。不聞酒徒喧嚷之聲。只見衆隱士依時沉默。或編蓆。只聞人聲吟聖詠讚頌主。師徒心同意合。將世人所計慮之諸事。放在度外。惟想成善榮主。得天福。別處之隱士時常來看。論善問道。喜辣戀不時亦遊曠野。見老隱士。卽敬如師。遇少年士。而訓之如子。一年由某城過。見居民集於大廟。辦會敬

菩薩。其中有數人昔日負魔爲喜辣戀所救。見聖人過路，卽引衆民來跪路傍求降福。聖人深惜其昏迷，慈顏降福，善言撫慰。末竟講聖道責他，敬邪神背逆眞主宰。言語慈悲仁愛，可比訓兒女之父母。衆民心感，說願欽崇天主。遂留聖人在城不放。喜辣戀遣一士去請神父來此地訓民付洗。然後辭衆人回曠野。

復逾一二十年，隱士數千，荒地變似小城。四方時時有人來問道。聖人所到之處，士庶男女老幼來接，求降福轉達。喜辣戀心想要衆信輩錯敬我如是。我早遲恐難免矜驕敗善，何不設法走遠方人不知我之地。遂帶隱士數人進厄日多，到安當山留居數日，追思聖安當生死之妙情。時安當過世已數年竟向東北深進而隱修如初。越一兩年隣地饑荒，方中人始知喜辣戀大

名來求救。聖人祈禱後，天主施雨降福禾苗生長結菓。又有惡蛇甚多，咬人害命。喜辣戀教衆民各家遣人手提油一小餅來見。衆民魚貫而來。聖人畫一十字聖號在其餅上，教他凡見人被蛇咬，卽滴油數點在他傷上。衆人依令，而每每見效。此後無日不有人來見，或問道或求恩。喜辣戀再想道：特避驢擾來此，而事仍然如前。此地不可久留。遂南面復回厄日多。一两年或在此或在彼而常常有人來求，不能安靜。未竟商量於數士道。東方不可居。我等過西去。遂上船過海到西西理亞碼頭上岸。在山隱居。每日砍柴賣錢數文，買粗餅一塊養身。過不數月羅瑪負魔者一人，某日在伯多祿經堂大聲喊曰：現今喜辣戀在西西理亞。我去見，必得好。此乃魔鬼奉天所言。親戚把他解送西西理亞省聖人處。聖人祈禱後命魔鬼出，而人

卽愈。於是四方信輩時來求恩。

喜辣戀仍然上船過達爾瑪濟亞。

今奧國之地。

在某處山脚寄身。此地有蟒蛇一

條至大而至惡。地方人不敢進山。喜辣戀教門弟砍柴一大堆。然後命蟒蛇出洞來堆柴之處。蛇卽如命。遂放火焚柴。令蛇自投於內。蛇依令死於火。再過數月。大風忽起。海水衝激湧至岸上。東決西盪。居民駭然上山求聖人來救。喜辣戀下海邊畫十字聖號三個於岸地上。當時浪靜風息。海水復回其所。人民感德時時來見聖人求轉達。喜辣戀復避此地上。船向西白肋開行。半路海賊趕來欲搶。船主見且用風篷且喊水手竭力推撓前逃。奈何賊船輕而快。看看將趕到。衆賊備刀矛將攻打。只見喜辣戀立於船尾向賊畫一聖號說道。汝且勿進。言出賊船自停。風吹不行。人推不

動。衆客大喜，始知喜辣戀之功德而示敬。靠西白肋，在巴縛斯城近地造一小房以居。在此又爲信輩認識，顯聖蹟甚多。過五年壽畧八十，得默示預知身終在邇。領聖事後，請信輩葬他在小房之側。時思想天主審判而覺恐懼，少頃自勉道：靈乎，汝所懼何？我魂可出，延緩何爲？事主耶穌今已七十年，汝尙畏死耶？說訖安逝。

時西曆三百七十二，華晉文帝二年。

過一年門徒暗地將聖尸掘出，遷回如達馬儒麻隱院另葬。此後墓前時常顯聖蹟。西白肋聖人身終之地亦顯聖跡不少。

聖女玉爾遂肋與列位同伴聖女

童貞致命

德國閣諾你亞城聖堂內，自古迄今存有玉爾遂肋與同伴童貞聖女等之聖髑。現今尙可數頭顱一千三百七十二顆。信輩朝敬者時常有人。但聖女等爲何人，致命於何時，所歷何刑，其總數若干，種種情形皆不可定。因古書所述聖女等之生死似像難服人信，故不敢提說於此。

切想

福音載曰：勿積財於地，在地有銹虫損壞，有盜賊挖取，須積財於天，在天無

銹虫損壞，無盜賊挖取，蓋爾財所在，爾心亦在焉。瑪竇六章十九等節

一千八百餘年來，信敬天主之聖人輕薄財帛世榮，勤從主耶穌此言。其中喜辣戀生於異教，孩年從父母信敬菩薩，早必學貪圖財帛世榮，特此十

餘歲過厄日多。求明師讀書。心望將來卒業後有前程。可享富貴。但厄日多。信輩甚多。明師聖人無數。喜辣戀在彼。難免不聞聖道。聞得聖道。而好學之心。必求師。細問聖教之來歷。聖書所含之要理。其師爲誰。古書未載。只知喜辣戀爲徒。敏捷超常。數月一年之久。將聖書深蘊於心。且愛主耶穌之言。勿積財於地。在地有銹虫損壞。有盜賊挖取。須積財於天。在天無銹虫損壞。無盜賊挖取。遂棄財帛世榮。立志終身事主。積功在天堂。少將學武。必求技師。信輩欲學神武操德。必求聖人。喜辣戀來從聖安當。老師高德無匹。門弟大志無雙。豈可不成功哉。安當訓徒如喜辣戀。可謂增本榮。喜辣戀不辱老師。若安當。可謂大善。師徒反復德精功成。其心全然在天。而量世物如糞土不足念。惟意積財在天作永時之用。

盜賊來查喜辣戀茅舍內有無值錢之物。喜辣戀不懼。賊問故。喜辣戀道。無財者不怕賊。此言何也。曰。世間平常窮人眷戀所有之衣裳被蓋家物。不可稱無財。其心在此物上。此物卽是財。其窮有財。是以見賊卽懼。喜辣戀異窮也。其心在天。全不戀屋內身上所有之賤物。實是無財之人。故見賊不懼。賊問。殺你又如何。聖人應道。每日預備善終者不怕死。此言又是何意。曰。世人貧窮富貴愛身。以身命爲上財。願捨金銀田土不捨命。喜辣戀不然。視本身若外物。故此制身用我之言曰。我將待你如無理之獸。要你焦頭爛額腹餓口渴。外物敗於賊之手。於伊何有焉。所戀之財。靈魂也。但時時事主無私而靈魂歸於主。盜賊不能害。

喜辣戀棄萬物願捨性命事主。而主賞之以神權之妙榮。此又可稱是財。喜

辣戀因之恐懼。何也。曰。所懼先棄親戚朋友家資身樂。而後眷戀衆人讚頌之榮。眷戀此榮。其心卽在彼。不在天國。而生平之大志敗也。多年之苦功廢也。是以東遊西走。惟圖隱居無人相識之地。所到之處。天主又顯聖人之神權。而榮名復傳。名復傳。喜辣戀再避。如是則上主時常試探聖人棄萬物之德。而聖人時時守謙遜心貧勝諸誘惑。

未竟身終則獲真財。鏽虫不損壞。盜賊不潛取。永存之妙財。其心生平在彼。死後萬萬世亦在彼全福焉。

省察 我當信輩雖作工商。設法積錢養家。却仍當以積財於天爲首工。雖不尅身如喜辣戀。亦當學聖人嚴制身慾。不准肉身敗損靈魂大事。我知之麼。

定志 自今以後，我克慾謙遜忍耐盡心立功積財在天，銹虫不損壞，盜賊不潛取之福所。

二十二日

聖雅伯爾斯

主教

古書紀聖人之言行如左。

西曆畧一百六十年。華漢靈帝年間。羅馬帝瑪爾谷俄肋爾旨諭通國令各省府州縣城鄉居民獻祭敬神。東方斐理日亞總督特催本屬奉旨行異端。荔納城鑿牧雅伯爾斯爲人聖德光照通省。言行可比吾主之宗徒。每日見男女身着盛服魚貫入廟祭菩薩。而心下憐惜其道之不明。通日在主前哀號求恩訓誨衆人。一夜睡熟。夢見一天神手執若棒遞與他曰。可入廟把邪像擊爛。鑿牧覺醒道。此夢非常事。我當奉命。遂出屋。手執鉄棍進廟。將各菩薩像擊爛。寅時三點鐘。司祭在廟隔壁睡。聞得鉄棍擊石之聲。不知是何事。快快樂亮來看。只見各像頭破肢殘。東倒西歪在地。主教

聖人言行

西曆十月二十二日

二百七十三

18

譏誚道。可告訴城民。說衆菩薩醉於昨日所奠之酒。纔發酒風互相毆打。致受重傷如此。說訖出廟回屋。是日天亮。人民聞得此言大怒。誓必今日殺主教報菩薩之仇。時主教正在門弟中說聖道。有人來勸出城避衆怒。主教帶門弟數人來城中講理之場。端坐場中以聖道訓門弟。

早有人來廟報說主教在講理場中揚揚傳教。衆人愈怒。一齊出街向場奔來。爲先鋒有負魔之少年三人。怒氣填胸不似人。信輩見此羣兇惡進場。無不心寒欲避。主教不變色端坐如常。但見負魔那三人狂怒嘶吼如獸。時而臥地四肢抽縮。口眼歪斜。時而立身雙手亂撕衣服。齒咬本身之肉。衆人停步駭然注看。少頃負魔者大聲向主教祈禱曰。雅伯爾斯。因爾所事之眞主宰。求爾勿苦我等如此。主教立身向負魔者慢步而行。衆人忘

怒注視不動。主教明聲禱曰。全能天主。耶穌基利斯督之父。求爾救此人於撒謬之惡。使衆民認識爾爲眞主。說訖置手棍於三人頭上。囑曰。因基利斯督我主之名。命汝惡鬼離此三人之身。而勿復入。魔鬼依令卽出。三人一齊落地如死。主教執其手扶之起來。三人立身無恙。羣民奇甚。喊道。雅伯爾斯所事之神乃眞主。便求奉教。是日主教訓他學緊要之道。次日准五百人領洗。

此後四方有異教人來問道。聖堂不能容。聖人出城上小坡講道理。羣人坐地靜聽。一日忽見一大轎至。落平後。兩婢扶一老婦出來。衆視之。乃本城太守之母親。因雙目失光。來求主教醫治。主教應道。予無功之罪人也。但夫人若實信天主。天主必能治之。夫人道。我信耶穌基利斯督是眞主宰。

只須主教手摩我眼目而病必愈。聖人明聲禱曰。天地之光。主耶穌。求爾開爾婢之目。說訖右手摩老太婆眼目。祝曰。爾若實信主耶穌。可開目明見。言未訖。老太婆雙目痊愈。滿心歡喜謝恩。隨學聖道領洗。以家資之半濟窮。太守來見聖人。說間謂主教曰。弟欲謝兄大德。但以兄輕薄財帛之心。弟無有所獻。聖人道。弟果然視貴物如糞土。以富貴爲不足思。是以寧見兄貧賤而認識天主。不願兄官高榮幸於朝廷而從異教。以後太守雖稱主教之賢。却未見棄邪奉正教。

彼時羅瑪宮中公主路西納。年十六歲。負魔。晝夜怪痛無息。帝后千方不能救愛女。一日國后聞魔鬼借公主口說道。除非勃納城鑿牧雅伯爾斯來此。我必不出。后以此言奏君。君遣官二員過海去勃納城請主教來京。時

天主默示主教曰。汝不久當進京榮我名。不可畏懼。彼時海船陸車皆慢。畧過兩月。帝所遣之人到。劬納見太守說來意。太守請主教行此好事。聖人道。予有天主命久也。明日即行。畧過兩月。進京入朝。時帝帶兵去攻敵。內官引主教見后。后見聖人鬚髮雪白。容顏慈悲。便歡喜示敬。謝步後說道。衆言主教所事之主。仁慈憐苦。今日望主教以天主神權醫治公主惡病。功大而賞自然相稱。后從異教聖人道。財帛榮貴。臣久已置在度外。福音聖書訓臣曰。不費而得之者。亦不取。而與人。臣願見公主。望上主施恩救之。時公主爲魔鬼所苦。面容異狀。時而身直如棍。時而輪滾於地如蛇虫。后命送他來。公主遠見聖人。鬼魔用他口說道。噫。雅伯爾斯來了。我原說過。要你進京。遂怪言咒罵不絕口。聖人雙目仰天祈禱後。威顏視公主厲聲。

囑曰。吾主耶穌基利斯督命汝邪魔離此幼女之身。言未訖。公主昏絕於地若死。后驚然道。鬼魔把我女整死。但聖人執公主之手扶之。公主若醒而立身。聖人交他與國后曰。公主未死。蒙主全能脫了鬼魔之權。后喜如再生。欲重謝聖人。聖人道。無所須之人。何以賞之。臣每日所用粗餅清水。些須而已。后要酬謝聖人不放。末竟聖人奏曰。國母若定然要謝主恩。可施麥與勃納城鄉窮民。再者做地出溫水。國母或可造房屋於方中。小民可在此用溫水醫病。后然其言。即時派能員命前去辦此事。是年果造一大院在溫水之地。貧窮常來醫病在此。以後勃納城鄉貧戶每年來太守衙門領皇麥若干。如此畧兩百年。

且說國后畏懼魔鬼復來害公主。是以留聖人住羅瑪。主教在此操德立功。

如常。信輩敬愛至極。但切欲回東。上奏求見國后。后請來。聖人面奏以鬼  
魔不復害公主。請准回鄉。后再謝准行。並令備快船一隻。送主教隨意東  
遊西遊。聖人即時離城到海濱上船。直行西里亞上岸。遊洋弟約家等城  
後。面東行到默所波大米。一路看顧信輩。審判難事。辯駁裂教。末竟復而  
面西向斐理日亞本省而行。中秋到勃納。士庶歡喜接着。此後聖人不離  
本屬。每日遊城講聖道。醫病出魔。七十二歲得默示知身終在邇。遂造一  
墓。墓上命刻字如左。予勃納名城人民造此墓以葬我身。予名雅伯爾斯  
乃至聖天牧耶穌之徒。天牧慈視萬物而放羊於山於谷。地普曾屑訓予以生  
活之言。聖伊命予進羅瑪。予足得踐京都。目得見金袍至威之國母。轉東  
予遊西里亞之名城。歐法得河外之地。各處予見心同意合之人。信輩無  
二道

各地信德養善靈以天糧。此糧卽聖泉之魚。古時寫魚字或畫魚像表意主耶穌看切想先爲

無玷之童貞女所獲。生所而交與天父愛子。信輩爲其常領之淨餅美酒。我雅

伯爾斯年七十二刻此語於墓。讀者若與我同信必爲我祈禱。

聖人領聖事後將神父與信輩集在榻前說道。兒乎。我畢生之日。至我靈魂將辭汝衆。去與自幼樂我之天主立永婚。現今之事須擇一人繼我位當鑒牧。衆神父信輩商議片時推一老神父。亦名雅伯爾斯。新鑒牧來跪聖人榻側。聖人降福曰。雅伯爾斯。天主委爾當鑒牧。我亦喜心遺爾。少頃安逝升天。通城送喪示敬。聖尸埋於主教自備之墓。

聖斐理伯主教同列聖致命

斐理伯乃羅馬得納西亞省赫納格肋城之鑿牧。盡心訓信輩數年。本城太守名赫默斯。信聖人之言。某年辭官出家陞六品正輔祭。此後學宗徒作手工資生。西曆三百零四年。華普惠年年間。風波大行。信輩勸主教暫避。主教不聽。每日講道理勸教友善過將臨之三王來朝瞻禮。一日官委兵來封聖堂門。主教曰。天主不爲房屋所限。其最貴之堂乃信輩之心。遂在堂外講道理。隔日兵差捉拏鑿牧與赫默斯。送到省主衙門。省主問誰是教師。主教道。我是。省主曰。皇上有旨禁天主教。茲當交出經書與所用之金銀爵器。主教應道。金銀爵器尙可交出。惟聖經書不可交。省主命動刑。主教忍受不言。赫默斯謂省主曰。毀滅聖經書尙可。惟天主之言絕不可

滅。省主怒，命鞭打。是日將所搶之聖書堆在較場塢而燒之。主教以火爲題，講罪人在地獄所受之永火。未幾見廟內司祭等扛抬獻祭之物件來堂。省主令主教祭神。主教道：我不祭邪神。省主指菩薩大像說道：此菩薩料貴工精，豈不堪當神乎。主教道：雕匠之工雖精，其所作之像不可稱神。省主勸赫默斯獻祭。赫默斯不祭。省主命投二聖於監。二聖一路唱聖詠而行。過數日，省主准二聖居某信輩家。衆教友歡喜，每日來聽聖道。省主知之，命復送二聖回監。監隣唱戲之公所，教友賄賂獄官，不時放二聖來公所講道理。未幾省主調換。

新主愈虐。蒞任卽提二聖令祭神。主教道：我信敬天主，不能祭邪神。省主曰：爾不知當歷之苦刑。主教曰：可用刑隨意。無人可迫我背信德。省主令兵

如此如此。兵用長繩將主教雙腳網縛，然後推聖人臥地而猛力拉之出堂遊衙。拉得主教片時全體是傷。信輩數人把主教抬回監來。赫默斯已與主教同刑。是日斯維路神父自投於官。問後與二聖同刑。三聖在監七月。彼時提出押送安得里諾城。省主在此提出主教。鞭打後投之於監。隨提赫默斯來案。衆官認爲昔日同僚朋友，求省主寬容。省主免刑投之於監。過三日提主教與赫默斯勸祭神。赫默斯侃切辯明祭菩薩之無理。省主怒曰：難道汝要勸我奉你的教。遂定案云：斐理伯與赫默斯固執違皇旨，不堪稱爲羅瑪人民。罪應燒身警衆。主教因重傷不能立。刑役抬之向法場而行。赫默斯勉強步行說道：快去見主。脚好歹不大緊，將來無用他之日。又向信輩曰：數日前上主默示我以今日之事。我夢見白鳥飛在我

頭來。嘴脚異食，遞於我嘗。其味甘飴無窮。卽知天主賞我以致命之恩。旣到法場，刑役掘土將二聖之足埋至雙膝。又插椿於他背後，縛其手於上，而週圍堆柴。末竟放火。二聖合聲唱聖詠至死。省主命投其尸於河流。信輩將尸撈出敬埋。過三日斯維路神父亦燒身致命升天。

切想

福音書載云：勿以聖事界。犬。瑪竇七章六節。聖，卽聖道聖事。犬，卽不堪之輩。見人惡心惡意，不可以聖道之緊要告之。亦不可將聖事與之。因惡輩不知聖道之當信，聖事之當敬，而每每汚辱。豈不見中國異教不知苦像乃救世主之像，而各處百般凌辱，不通徹聖體奧義之道，而亂言信輩喫小孩之肉。信輩凡講道理顯出聖物，當擇其人。惟知異教人性直，實願察聖道之真。

實則可以深理告之，以聖物指之。每疑異教之心不正，必當謹防。或勸他須以外工道理，不露聖事之密。

昔聖教初傳，規矩至嚴。宗徒們勸異教人，只論天主造成萬物，掌治人事，天主聖子降生死於苦架贖萬靈之道。亦論人靈之不滅而在後世永賞永罰。隨見異教信服願奉教，則慢慢說內道各端。如是新教友由淺而入深。以後衆主教鐸德效學宗徒此爲。況且風波行於各方，異教錯視信輩如昧良無禮義之徒。亂稱天主聖教敗風俗壞人倫。於是神父教友倍加小心。不露聖事於仇讐。論聖道常用借語。畫聖事必用俗物表意聖物。比如畫一牧人在羣羊之中，或一人背羊而行。異教視之如常畫。惟信輩見，卽知是主耶穌。或畫若納爲魚所吐出。九月二日信輩卽認爲主耶穌復活。或

畫每瑟以手棍擊石而水湧出。教友卽知是洗滌祕蹟。

此等借像之中，所最常用者是魚。西洋人以二十餘字母寫盡本國之言語，惟隨各語之音而拚字不同。華人則不然。所書之字各是一語。其語若干，其字亦若干。比如說耶穌基利斯督天子救世主。中華語十二字，亦十二。昔日羅瑪國所用之厄肋西亞言以五語說盡此意，而以二十六字書之。且信輩覺得取那五語之頭一個字而序排一語。其語乃厄肋西亞之魚字。是以避諱異教之時常說魚畫魚，以表指耶穌。異教見聞，只量所說所畫乃水內之魚。惟信輩目覩心知說者畫者之意指救世主。或時畫數人坐席，席上擺魚。信輩見卽知是聖體之意。坐席者表信輩。所擺之魚表主耶穌自施爲食。

今日之聖雅伯爾斯刻字於墓石亦從此風俗。題天牧題聖泉之魚皆此意也。異教讀此墓誌不能通其義。惟教友見即明白。

此乃一千七百餘年奇書之一篇。明示彼時之靈牧信輩所信之道與現時之道相符。彼時衆教友信聖體是救世主之眞體眞血。又信聖母瑪利亞乃童貞無玷。現今之耶穌裂教自稱所信各端全依初世之傳而信。時時妄言聖教之道不古。殊不知天主教恒信聖體祕跡。恒敬聖母之貞潔與古人無異。惟裂教不信聖體。視聖母如常人。而與初世之教友不合。足証兩教誰古誰新。

再勸爾衆信輩效從古人。勿將聖道之密端輕露於外人。遇知己則可吐肺腑。遇異教惟當半含半露。免人扭捏譏言正道褻瀆聖事。

省察 聖而公會爲教宗所管，世世存正道不能有錯，亦不能惑人。宗徒所傳，當今之教宗與同心之諸鑒牧猶傳之。當今所傳，將來各世之教宗鑒牧必傳之。是以當全信聖而公會之道，不可聽裂教等讒言亂稱近來之教宗鑒牧未存宗徒之道。我知之麼。

定志 自今以後，我細心防禦教之誑言。見教師變論，只須問誰與教宗同信。同信者必訓人以正路。

二十三日

聖斯物林

主教

斯物林生於法國西南方於西曆畧三百三十年華晉成帝時幼年從神父讀書相識者無不稱頌其才德惟斯物林謙遜自視如信輩中微賤不堪之人是以恒心祈禱尅身望進於善隨後不知何時何故由西南到東北閣諾你亞城今德國之屬地來在此陞神父越數年推遷鑒牧傳道顧信輩可謂效學宗徒們之大德方中有某隱士昔日在世富貴將立婚之日見一美容過人之少年謂他曰若願從我我必福汝即時出屋從之到樹林中無人烟之地少年曰若在此隱修終身必永福遂依言獨居在彼聲名日善某年願知將來蒙主恩升天有誰人爲伴特意祈禱主前受默示曰將來可與閣諾你亞鑒牧同福歡喜進城來見得知斯物林主教雖居高位人

聖人言行

西曆十月二十三日

二百八十九

19

人尊敬，然謙遜心貧不下於最貧賤之隱士。回林自責道：我破服木盃之外無他財，却心貧不如着貴衣居華美府第之斯物林。聖德不如主教多也。

西曆四百年，一日主教同總輔祭說話之間，聞空中異樂鼓奏，其音之美，人耳未聞。二人互問是何事。主教祈禱，求主默示。少頃謂總輔祭道：都城鑿牧瑪爾定方纔卸世，現在升天。撒膽統率羣鬼欲阻止聖人，但瑪爾定無絲毫之過，是以撒膽無可如何。嗟，如此之大聖在臨終，魔鬼攻之。我等罪人當如何畏懼。過數日來信得知瑪爾定聖人果然死於斯物林。主教受默示之日時，却兩城相隔畧二千里。

以上之事考古鑑，當信爲確實。此後聖人之言行不甚明，博學記之互爭不

定。或曰。斯物林主教某年受默示離閣。諾你亞城復回原地。當波爾多城鑿牧。在此功德如前。而顯聖跡甚多。醫病除魔。復活死人。過十餘年。福終升天。而在墓前顯聖跡無數。或言名斯物林者。同時有兩聖。一是閣諾你亞鑿牧。在此身終於西曆四百餘年。幾年不可定。一為波爾多城主教。二城三千在本地生死亦於四百餘年。讀者可隨意自決。

眞福若望

苦修補贖

若望乃意國慢渡人民。幼時從父母習善。年畧二十。接交不善。敗德亂爲。母親鬱悶。效學昔日之聖婦莫尼加朝夕哀號。主前求施恩與子回頭。越數年。若望患重病。命在旦夕。心想生平之罪。死後之審判。而悚然無安。領聖

事後許愿道。若蒙主恩痊愈，必出家苦修終身。過數日病退，若望漸漸覺身力復壯。乃稟主教以所許之愿。主教善言撫慰，勸恒心踐言立功贖罪。若望卽時出家來斯瑟肋之地。林中居一洞，誦經作苦功。此後概不嘗肉味。飲食最儉。復活瞻禮前四十日，每日只用麥餅三兩。聖誕瞻禮前四十日，每日以葫豆三顆爲食。餘時瞻禮二四六守大齋。惟用餅與清水。洞內木板爲床，柴塊爲枕。夜間少寢多寤。日夜以沉默誦聖詠爲工。

鬼魔時來以貪殮邪淫誘惑。論貪殮，令若望追思昔日所食各細饌，並責他不該自投林中如野獸，惟須離此楞腹之地回俗。若望覺得此念太重，不用他法。手取樹葉青草而生吃，說道：我既似獸，亦當學獸吃草。論邪淫，魔鬼時常誘惑若望。思念昔日所見所聞各樣之邪情。時若望誦經之外，加

苦功責身。一日邪念太猛難勝，若望刀將蘆竹劃成小片數塊，隨把竹片削尖而插之在各指甲之下，痛得片時昏絕於地。醒後連數日不自在，但聞若有聲在心內說：汝勝也。邪淫之魔敗也。自此至終不覺邪念。魔鬼怒甚，時而發現驚嚇，時而動粗毆打。但若望恒心守志不離善功。

越數年有人來從之爲師。若望收納教徒各以土築草蓋造小屋以居。隨見門弟增多，乃奏教宗請准立會守聖奧斯定之規矩。教宗准行。若望掌新會數年，然後見衆士同心守規矩恒進於善，乃卸任另推一士爲長。自避衆隱修如初而苦功愈加。

彼時天主賞聖人以聖跡之權，能預知後事或透他人心中之隱念。吾主耶穌不時發現撫慰而教他以深微之道。於是若望聲名遠出於外，病疾來

求愈。愁悶來尋安。貧富來問道。有許多明師辯論後。自想道。我生平讀書。而才學不如此無書之隱士。

一日若望聞得本會某少年欲離善途回世。即時招來。引之入林。便堆乾柴放火。自投於火中。少年目擊駭然。不知老師何爲。但見若望在火內衣裳髮鬚皆不燃。良久聖人出來。渾身無傷。衣服全在。又取火中一塊燃柴。插之於地。卽見半焚之木回青發葉。聖人說道。此乃天主賞其僕苦功之妙恩。賢弟見豈可灰心背主哉。少年謝教回小屋隱修終身。

某年若望自想道。此地時時有人來見。令我心下散亂。又恐漸漸引我犯矜驕自大。不如棄此地另尋一隱靜之處。遂待天晚。暗地離小屋而行。迨至次早天亮。自覺仍在原地。奇甚。不知是何意。隨自想道。此事必是天主不

准我走他方所致。遂伏本意。在主聖意之下。而留住於此。

復逾多年。天主默示聖人。以身死之將臨。並命回慢渡原籍。聖人依令。方中人歡喜。每日來見談聖道。某家死了一幼童。母親痛哭傷心。隣婦勸曰。若望聖人在城內。何不求之復活此兒。母親若醒道。汝言甚是。我心慌未曾想及此事。茲去求。聖人必顯聖蹟。即時抱小兒。直行聖人居處。若望說道。我罪人豈可行如此之聖蹟哉。但望天主見汝之靠望而矜憐。可放小兒在此。我助汝祈禱主前。第三日聖人執小兒之手。命他復活。只見小兒當時立身無恙。城鄉遠近聞得此事。愈加尊敬聖人。若望謙遜若常。歸榮於母親之信德。於天主之仁慈。是年患病。領聖事後。自托於天主之恩愛。待終。少頃聖人面福。眼目注上而逝。

時西曆一千二百二十二，華宋寧宗七十七年。

切想 五續論聖心

聖若望默照書載云：天神引我看活水之江，清亮如水晶，由天主及羔羊主之位而流。兩河岸園場中有活樹，每月出一菓，週年之菓十二，其葉能

治萬國。二十二章一節

羔羊卽主耶穌。昔日當犧牲自祭於天主父，如古教鐸德之祭羔羊於聖堂。現今在天堂雖永活，然時時自獻如死以補天主聖父之公義，而救人於魔之奴。由其位而流之活江，表指救世主所賞普地之聖恩。其恩如河，晝夜下流不息而溢四方。河水清亮如水晶，表指聖恩之妙能，可潔淨人心於萬污。其水之泉在聖心。耶穌死後，兵一矛穿其心，出水與血，洗養萬靈。

之妙河生於此。

兩河岸園場生活樹。

施生活之樹

一年結十二菓。其葉亦能治萬靈。

場卽聖教。兩岸卽普地。活樹卽信望愛德。聖心之恩入人心。人心善用卽生

三德。三德養於人心。生聖神十二菓。愛德、神樂、平和、忍耐、仁慈、美善、恆容、

純良、忠信、端莊、淡泊、貞潔。活樹之葉表指下等之德。初領救世主聖恩之

國。其民進於此德而自誠其言行於人事。可謂用活樹之葉。隨後領聖洗、

懷三大德。方進於天事。始嘗聖神十二菓而實近於聖心。

聖若望又曰。洗其衫於羔羊之血者。福神及配曰來聞者。亦應曰來渴者。可

來願者可取生活之水。二十二章末節神字若言聖神。配字指聖教。此數句皆祈

天主施恩之詞。又請信輩貪慕聖恩。祈禱領祕蹟迎主耶穌於心而合其

聖心，如渴者貪水，赴泉取飲。世間之水止身體之渴，天上活江之水止靈魂之渴。

聖女瑪加利大瑪利亞在世見過此河，由聖心流散普地。主慈聲請之曰：來。願者可取水。聖女喜心聽令，日夜結合聖心不離，時時領其恩不厭。是以成聖於世，成貴於天。

省察 聖恩由聖心流於普地。仁主惟願衆人敬領善用，成聖而得常生。我自孩年領恩無數，但用之如何。聖恩爲我是否生活之水。毋因我心之不誠而於我反爲毒藥。

定志 從今以後，我視聖心如妙泉，出聖恩若江而溢普地。又視祕蹟如此江之分派，而盡心敬領以結合聖心。

二十四日

聖瑪爾定

隱修

瑪爾定生於法國西方南肋得城在西曆五百二十餘年華梁高祖之時。自孩齡願入神品陞神父。是以竭力攻書操善。年紀二十五才德舌辯有名。主教聖斐理斯選之爲總輔祭。八月十日瑪爾定輔佐鑒牧理事之外。時時講道勸人。隔城約三十里有一湖。彼時湖邊有一古場名赫波日。民繁而富。未奉聖教。日前神父們每來此處傳道。未能化一人。主教見總輔祭才德不俗。頗有動人之能。乃遣他去此場。瑪爾定如令。請鑒牧降福後告辭便行。既到場。民固不肯接。場外某窮匠見天黑。請總輔祭在茅舍用食歇宿。瑪爾定以此家爲寓。每日入場傳道。但枉自吐珍玉。善言始終無效。說天主之仁愛造人贖人賞人。場民硬心不感。講天主審判地獄永遠之苦。

聖人言行

西曆十月二十四日

二百九十九

場民嗤笑無懼。題鬼魔之惡，菩薩之邪，場民起怒欲動粗。究竟瑪爾定上街尋說，絕無人聽。惟所寓那家之夫妻幼兒，每日目見總輔祭之善德，聞其聖言，而信服，認識天主領洗。畧過數月，瑪爾定鬱鬱無趣，依福音之言瑪竇十章十四節，拂其足塵離此地回城。領洗那三人從之。越數年，南肋得之大河將南岸之地冲刷，紅水湧至湖上，把赫波日場房屋冲垮。數內日鄉裡似海。只見木料人尸隨水漂歸河流。自此以來古場絕無人烟。

且說總輔祭回城後某年，陞神父稟主教命願去遠地傳道。鑒牧降福後遣之去。瑪爾定連年遊歷數省。白日勸人，黑夜誦經沉默。飲食至儉，衣裳至賤。夏不避暑，冬不懼寒。化人甚多。隨後回本省，藏於黑石林隱修。過十年收納門弟，造一院叫斐爾都院。以聖本篤之規矩爲律。每日時而誦經默

想時而出外手工。越數年隱士多，乃造院於隣省數處而分士去住。聖人時在彼時在此。時而遊鄉裡勸人。一日在海邊爲方中財主請來屋歇宿。聖人謝情允諾。便從之慢行。行間覺得財主愁悶。乃問故。財主應道。我有雙胎兩小兒。今早同時身終。聖人進其屋。請家內衆人誦經求天主施恩。然後因主耶穌聖名令亡者兩童復活。雙兒卽時開目立身無恙。自此迄今那地名叫雙兒場。

聖人年紀七十四身弱。一日離斐爾都欲過聖若爾日院。行不多時力困坐下。不覺睡熟。夢見一天神告他以臨終之事。聖人回斐爾都將到院聞得鐘自鳴。衆隱士大奇道。聖師必轉來。少頃果見瑪爾定進院。集衆士於聖堂說道。我不時將死。是以將手棍留在此。作我特愛此院之據。我師徒們

不日分離。請汝等恒行所指之路。使將來同福。再者我托汝等於主耶穌之慈悲。求主引導汝衆到天堂。過數日將各事辦好。辭衆士。並將手棍插於地。便向若爾日院而行。聖人所插之棍乃多年之枯木。是日忽見轉青而漸漸發葉。

聖人慢步行六七十里到聖若爾日院。守規矩勸隱士如常。不數日染病臥床不能起。領聖事後安待身終。一日數士在榻前誦經。忽聞臥房內如野獸大聲嘶吼。衆驚然問故。聖人道。鬼魔欲搶我靈。遂畫聖號說道。邪神也。你羣來此何爲。我乃主耶穌所贖之僕。不能同爾受棄焉。言未訖。鬼聲乃止。聖人和平而逝。

時西曆六百零一。華隨文帝十二年。

聖尸埋於斐爾都院內。墓前顯許多聖蹟。聖人所插之拐棍。隨時長成大樹。  
乃栢樹。時常有人來摘葉泡水醫病。

聖物爾斐 隱修

物爾斐乃意國龍巴爾的省人民。生於西曆畧五百餘年。華宋武帝之時。孩  
年。天主與聖母之下。愛敬聖瑪爾定。十一月讀其言行而竭力效法。十餘  
歲。謙遜尅身。可比多年之隱士。某年離本家來法國。欲在瑪爾定墓上示  
敬。所過之地。見有修道院。便求取納留居一兩月。各處細考老士等之言  
行而效學。過數年到都赫城拜聖瑪爾定之墓。在此住隱院。追思聖人之  
妙德。復過些時向東北。慢行二千里。到得肋勿城修道。復逾一兩年爲鑿

牧選陞六品輔祭，用在本地講道化人。

時民中尙有信異端者。山上立有一大菩薩像。遠近來祭。物爾斐自想道。我

枉自費唇饒舌。此民心硬難化。不如學從昔日之大聖立異功在此。人衆

見或能感動來問善惡之途。遂學聖西默翁。正月四日近山上菩薩處。粗石造

一塔高丈餘。頂平畧寬三尺。週圍有欄杆。物爾斐住於上。日出卽晒。落雨

必淋。隔日有人遞上麥餅生菓清水。物爾斐每日用食些須。夜間依欄杆

眠片時卽醒。可謂晝夜誦經沉默不止。冬時至冷。物爾斐在塔上風吹雪

煎。痛苦可知。

異教見。初則譏誚。物爾斐爲他轉求天主而不言。月換年新。本鄉民互相稱

此異人之功德。不時來問其自苦如此之意。物爾斐應道。無別意。惟願以

苦功扯天地真主宰慈目垂視此方之人民施之明辨道之正邪而心化改途異教聞言互相告曰奇哉此人遠客與我無親無戚特意欲化我認識他的天主長苦本身如是此事非常也復過數月民等互相說此客之行實是絕異非聖德之人不得謙遜忍耐如此之久功德如是之聖其道必善何不誠心問之遂來塔前敬問物爾斐說天主造萬物原祖犯罪天主聖子來世贖萬靈又講永遠之禍福非奉教效從救世主尅愆習德永福不可得生平隨身愆事酒色身終不免受永苦等語異教人皆說此道真實加之因聖人所禱尅苦之功天主有特恩於此地人衆愈來愈加信服究竟願棄異端領洗聖人歡喜道既願棄異端先須拆菩薩遂下塔來長繩套大像頸上請數人盡力同扯孰知鬼魔穩住那像衆人合力不能

搖動。聖人道。老魔勝得過人力。勝不過天主。遂跪地誦除魔經。誦畢。復將長繩一扯。只聞耑蹋一聲。菩薩倒下碎爛。卽見聖人身生黑瘡。物爾斐不慌。以聖瑪爾定墓前之燈油自搽。而惡瘡卽時不見。

此後本地之鑿救命聖人居院內。隱修如常人。物爾斐依令。造一院於山。取名聖瑪爾定院。收納數士同居於此。尙活數十年。立諸德之表。隱士見而盡心學從。方中之新教友常來問道。求轉達堅固其信德。某顯者有兒生來口啞耳聾。一日送他來見聖人求治病。物爾斐留着那少年。令他在經堂住宿。過數夜。聖瑪爾定發現與物爾斐看說道。可放羔羊。指那少年出聖堂。伊好痊矣。次早那少年來見聖人。明聲說道。讚美醫治我之全能天主。以後舌言耳聞如常人。某年某家房屋爲火所燒。衆疑某甲種火。甲不認。願

在瑪爾定聖堂賭咒自白。聖人勸他曰。汝若果然有罪。切勿賭咒。否恐聖瑪爾定不容。甲不信。上前賭咒曰。天主與聖瑪爾定共知我無放火之罪。只見火自天降下。將甲圍住。甲大聲喊道。聖瑪爾定燒我。說訖死於火。方中無不驚駭。此後莫敢賭虛咒者。

西曆畧五百九十餘年。聖人高壽卸世。埋在經堂內。信輩時時來墓前祈禱求轉達。

### 切想

主耶穌在福音上訓門弟曰。往哉。我遣爾似羔羊入狼羣。云云。入一邑而納爾。則食其所供。邑中有病人。則醫之。而告人曰。天主國臨爾矣。入一邑而不納爾。則出至通衢。告人曰。予在汝邑。足染紅塵。向汝拂去。我明語爾。審

判之日蘇多瑪之刑較此邑之刑猶易忍也。路加十章吾主耶穌此言訓後世傳道之神父。邑卽各洲各方之地。天主聖教獨真正。獨能引人習全善行。天路到永福。是故居鐸德之位。繼宗徒奉委傳教者。可行普地入各國之境。以福音訓人。鐸德所到之地。天主之國亦臨。納鐸德者。可分辨善惡之定法。可自正其志向。自堅其心意。成天主之民在世。享天主之榮在天。此人富矣榮矣。其榮不在稱爲某大國之民。亦不在自誇爲此國之顯貴。惟在自証爲天主聖國之良民。

不納鐸德不聽聖道者。可謂不肯入天主之國。雖爲文禮國之民。雖爲民上之富貴。却因自取後禍至無窮。而實實可憐至極。現在不爲天主之子女。將來必爲天主所棄。其刑在永世。超過蘇多瑪之刑。

噫。一千八百餘年來，斯言逐日成驗。每日普地各國有人靈離世過天主審判。其中在世而納聖道者受永賞，不納聖道受永罰。各人生前死後之光景相應。身前行道，身後必福。身前不納道，身後必禍。今日不納聖瑪爾定，不奉聖道之赫波日場，天主依福音上之言罰之。昔日罰蘇多瑪以火，今日罰赫波日以水。兩邑之禍皆可畏，而永刑愈加利害。

嗟。數百年來，繼宗徒位之鐸德遊中國各省，而納其道者幾人哉。由東而南，自西至北，何城何場不曾見過鐸德。富貴見而輕薄，平民見而辱慢。鐸德所傳之道上下不但不信納，而且百般嗤笑踐踏。此地之賞罰將來何如。可以福音之言而應我，明語爾審判之日，蘇多瑪之刑較此邑之刑猶易忍也。數百年來，士庶各世陸續身死過審判，得知之正邪，始愛己昔之

所恨始恨己日前之所愛。但遲也。

然而華民中之榮福者誰。曰。百人中之一。納鐸德奉聖道者真福也。天主之國臨之也。今年光緒二十六年。北方各省異教獸怒殺信輩數萬。行凶之惡黨多爲西兵所殺。則善惡參差出世而主前過審判。在世皆被殺而亡。但身死之故有別。信輩心中懷聖道行十誠。未竟爲義而死於窘難。卽至天主位前受勝者之冠。入致命天軍之數。榮福似天神。異教棄聖道恨真主殺善良。然後抵命受戮。乃至當之理。惡靈離身必見羣魔圍住押送至主前。曰。斯人兇惡不次於我。茲當與我同罰。斯人永遠之福。聖經指之曰。我明語爾。蘇多瑪之刑較此人之刑猶易忍也。

省察 眞榮不在稱爲大國之民。不在自誇爲某世國之顯貴。惟在自証爲

天主聖國之良民。真福惟在生死敬愛天主。我知之麼。  
定志。自今以後。我以奉聖教領洗敬愛天主爲真榮真福。雖當爲義受窘  
難死。我亦不辭。

二十五日

聖基三多

聖婦達理亞

夫婦致命

西曆二百八十四年。華晉武帝二十年。羅馬京城有大官之子名基三多。棄異端。認識天主。領洗。妻名達理亞。爲夫所化。亦奉聖教。父親不悅。百般誘兒。媳改途。基三多信德穩確。不二心。且在城內傳道。勸人背邪奉正。一面達理亞善言善表。訓婦女操德。有許多官家人信服。認識天主立功。異教人忿恨。訟夫婦二人在總督前。總督命捉拿到案。問後令送基三多入廟。逼他祭神。聖人不祭。總督命鞭打。聖人忍當不言。總督命上錄鈕投監。聖人桎梏卽斷。而黑獄大光。刑役以鮮剝之牛皮包裹聖人。置之於日光之下。次日復用鉄鍊網縛聖人。送入監獄。但鉄鍊一齊復斷。大亮復作。明照黑獄。刑役執鉄鞭欲擊聖人。只見鉄鞭軟柔若繩。不可用。兵弁見聖蹟。認識

天主。衆兵從之回頭領洗。

彼時聖婦達理亞亦爲兵役押送來堂。總督命解他入淫屋任人污辱。兵依令將聖婦押入某娼家。恰有一獅纔由鬪場養獸之籠逸出。聖婦到此之時，卽見那獅跑來。直入聖婦站立之處。睡他脚前護守不離。街坊上家家閉門防惡獅。無人敢進聖婦所住之屋。良久鬪場中管獸之人役尋獅而至。手執器械上前欲套他。那獅跳上前將那數役抓下按住。然後目視聖婦。若問令。聖婦會其意命他勿加害。便乘那數人驚駭之時。勸他認識天主。全能使惡獸保護其僕婢。如今日。衆人感化許奉聖教。聖婦命獅放之。衆人出去宣傳天主之妙能。如是無人敢近聖婦。次日總督定案。令送夫婦二人出城活埋。聖婦歡喜命獅回鬪場。一路勿傷人。獅依令。少頃刑役

解送二聖出城。路傍沙地內掘一坑，置夫婦於內而埋之。其因見聖蹟而奉教之各將士，後不多時亦致命升天。

聖格肋斯賓 聖格肋斯比年 昆仲致命

格肋斯賓、格肋斯比年弟兄與前段之二聖同世。在法地所亞宋城作鞋履爲業。位低而志高。手藝營生，善德積功。且以自益不足，而欲化異教歸正。特此時常辯道。出語恭敬，待人如禮。買賣大公。見貧窮而施濟，人急難而相助，鄉隣有鬥而勸息。城人敬愛，多年如是。所化奉聖教者甚多。

西曆畧二百八十六，瑪濟彌亞諾皇帝帶兵來法，駕到之處，遣人尋信輩而殺之。十月內由所亞宋過。查得教友多爲格肋斯賓弟兄所化，怒甚，命捉

拿來案。少頃兩弟兄至。君問曰。汝輩所敬何神。應道。敬天主。天主肇造掌管萬物。理當欽崇。問。原籍在何處。所務何事。應。民籍羅瑪人。因願傳天主父子聖神之道而來此。君出怒言欲恐嚇。隨又勸二人背教。許以重賞。弟兄道。枉自出言驚嚇。耶穌基利斯督乃我等之生活。致命身死有益。所許之賞且施給他人。我等視萬物若不足貪。欽崇天主者永貴。信敬鬼魔者同鬼魔永禍。君交二聖與總督懲辦。

總督乃虐中至虐之人。是日領命提二聖來案。命吊而鞭之。二聖忍當。只聞其聲禱曰。主。求施恩於爾僕。使不灰心不辱聖教。總督命插粗針在二聖指甲下。然後刮其背上之皮而割肉成片。聖人祈禱曰。求主判我於惡仇。救我於忤逆之奸人。總督令送兩弟兄到河邊。掛石於其頸上而投之於

流刑役依令。但二聖落水，其石卽脫。弟兄浮至河岸。刑役送之回衙。總督命備乾柴、合油、蜡、松香等物一堆。然後縛二聖於上而燃火。刑役如令。但見二聖在火中安然無傷。只聞其聲祈禱曰：「求主施佑，勿致異教見而言伊之天主何在。」未竟十月二十五日，二聖斬首升天。是夜教友兩人將二聖之尸首暗地搶來埋在本屋內。此後信輩常來此屋在墓上祈禱求轉達。迨至聖教太平之時，本地鑿牧遷聖尸埋在經堂內。信輩世世敬聖人不忘。皮匠以二聖爲主保。

切想 哀矜之報五續哀矜

聖經曰：矜憐窮者，若放利天主，必還之。箴言十九章十七節濟貧者，不受窮。嫌窮者，反落於苦寒。箴言二十八章二十七節聖若望金口曰：施濟乃發財之善法。可比種麥於

土一麥給還數倍。此乃現世肉身之報，余不深題。惟勸信輩不因此而行善功。

當愛者靈魂之賞。茲畧說之。一。汝行哀矜，天上父喜悅。極微極卑如你我之人，而能悅樂天地大君之心，報豈不可愛乎。二。汝矜憐之人，亦悅樂而心感德。以飲食多少，以銀錢些須，而能慰人之苦心，令他止怨言，感謝上主，祝福於汝，報豈不美乎。三。汝行善，若未曾奉聖教。上主喜悅爾，好善之德，可賞汝認識正道，全心欽崇真主。輸財十股之一，而能辨明左右，棄邪奉正，報豈不足乎。四。汝施捨貧苦，若爲信輩，天上父必賞汝，恆行善路，異恩佑汝，勝諸仇，避罪惡，補贖前非，洗汝靈魂潔淨，可入天國。聖經曰：汝以哀矜贖罪。大尼額爾四章二十四節哀矜救人於罪惡，於永死。多俾亞四章十一節以盈餘之物，施

人則汝內俱潔。路加十一章四十一節非哀矜之本力所至，乃天主因汝所爲之善，

而賜汝恨惡痛悔領祕蹟而潔淨靈魂也。世人請醫家用藥，雖費家資，只

要身安便歡樂。施濟貧窮，而得靈魂復其原潔，報豈不善乎。五。好善竭力

行哀矜者，上主賞之享永福於身後。聖經曰：審判時，主將善惡分析，善者

放在右，惡者放在左。然後謂善者曰：汝乃我父所寵來得天國，因子饑，爾

食子，渴而飲子，旅則納子，裸則衣子。云云。汝等凡施於我一小弟，窮卽施

於我。瑪竇二十五章三十五六等節信輩，汝熱切之時常追思耶穌在世辛苦，必自想道。

好得我彼時在如達國得見仁主，必竭力助之慰之。雖費盡家資，傾盡身

血，亦不推辭。信輩，汝身邊尙有耶穌之小弟，竭力矜憐救之於難，直若獻

情於主，可免永刑，可買永福在天，報豈不至大乎，豈不當愛而貪慕乎。

今日之聖人皆勤快於身靈之哀矜。不顧自己身安和平度生。惟以化人棄邪歸正爲事。特此被訟於官前。烈刑致命。大哉其報在天堂。愛天主在萬有之上。愛人靈比本命愈重。將第一誠行守至全。效從救世主於聖愛於苦死。大哉其報在天堂。

省察 哀矜有報。行者令神人歡樂。又爲天主寵幸受異恩行善路到天國。不願行哀矜。可比數文錢能買珍寶。而吝不買者然。我知之麼。

定志 自今以後。我竭力施濟以得上主所許之永報。

二十六日

眞福博納文都

顯修

博納文都乃意國納波里省博登雜城人民。生於西曆一千六百五十二華大清順治九年。父母裁縫手藝爲業。位賤德貴。訓兒自孩年欽崇天主教愛聖母。博納文都十餘歲善良似若存原善不知惡。惟喜悅聽讚頌天主與聖母之言。並愛看善書。十六七歲入方濟方會院。奉命在某處讀書。所住之小屋。昔日聖方濟方亦住過。一日某士見博納文都眼淚滿面。卽問故。少年純僕如孩應道。想大罪人如弟而住聖祖之屋。豈不眞當痛之事乎。不數年工夫。博納文都操大德。心貧畧似聖師。善書數本。聖像數張。爲財帛。不但輕薄外務。且全克本意。以上人之命。爲天主聖令而從。如孩之奉父母命。天主愛其善。不時顯奇賞之。一日博納文都尋聖堂之鑰匙。長

上笑道。鑰匙在井內，可用釣魚線釣之。博納文都忠厚不疑，取釣魚線而投之於井。少頃取出，見鑰匙掛於線鈎之上。長上始知此徒實驗主耶穌之言，而存孩齡之全善。信輩心善如是，天主必自露與之交。是以博納文都敬聖體，形目得見榮主在祭臺上。每日久跪在經堂，身端目閉，沉思不亂。白日不足滿其情，而夜間復來。所喜者打掃聖堂，洗聖布，潔淨物件。

二十五歲陞神父，愈加熱切。獻聖祭時，多次容顏發光。或時雙腳離地，懸在空中，神樂異常。奉命住納波理等處，每日講道理，聽告解，顧臨終，並丐食養身。眠則臥地，尅苦則用鉄鞭，紅血濺臥房壁上。行事奉令如昔。一日晨早在菜園同長上作工。長上有事，謂之曰：可在此候我來。說訖出街。事一時不能結束，延至日落方回。不見博納文都在屋，卽想及早晨所囑之。

言。忙到園來。見博納文都在原處伺候。自長上反背後。他不曾回屋。飲食未用。設若長上那日不來。他必在園內露宿。世人聞此事。必以之爲愚。不可效學。明真德者不然。惟稱此人爲聖。

天主視事亦如是。故賞博納文都以異學。能通人心之隱密。預言將來之事。一日見一妓女百般引人爲惡。責他道。天主將來必由汝害人之事物而罰汝。汝美顏害人。天主將來罰汝面容生惡瘡。衆人不容。以後皆如聖人之預言。一日遇本會隱士。卽時沉默若有所見。片時謂之曰。兄過兩年必卸世。隨後兩年恰滿。那士染病福終。某年聖人教書。一日本會某士來學堂。博納文都謂衆學生曰。此士將來必管一省衆院。汝等好好禮敬。次年那士果陞爲一省之總長。

聖人生平謙遜仁愛操德化人，不覺年紀至五十五六。是年疫症流行，博納文都雖年老身弱，然終日遊歷城鄉看顧病疾，以祭臺前所燃之燈油搽之，而療痊甚多。究竟脚上生瘡不能動，醫生來割，博納文都忍痛似若不覺。病痊之後，復行善功如前。一日路遇患癩瘋之人，容顏至醜難看，聖人雖常顧病人，而覺惡心欲避，但追思主耶穌之苦難，卽自勝，端坐癩瘋人之側，好言撫慰，以油搽其瘡。癩瘋當時痊癒。年近八十，預知不久必身終，不時謂同伴曰：我不時將回家鄉，久之同伴自想道：博納文都所言之家鄉必天堂也。遂問曰：兄何時回鄉？聖人應道：十月尾。十月十五集教友，勸他恆容守善，回院染重病不能出，連十日預備善終。十月二十六領聖事後魂超面福，覺醒後清聲唱詠讚頌天主，竟舉聲三呼瑪利亞聖名而亡。

因人民願見聖人，主教命抬聖尸遊行通城。既到經堂，在聖體前過，忽見聖尸開目點頭如活人然。過三十年，開墓遷墳，見聖尸全存，皮肉鮮色。復過二十餘年，教宗列其名在真福之冊。

聖多明祿 致命

西曆二百九十二，華晉朝時，羅馬帝瑪濟彌亞諾駕來米納諾城。聞城內軍民中信輩不少，命捉拿押送來案。兵差依令，是日捉拿五百人來。帝帶文武威坐問所敬何神。信輩中有武將多明祿，應道：信敬造天地人物之天主，及其子耶穌基利斯督，與父同體同能，降生世間救贖萬靈。帝曰：耶穌昔日自稱爲天地之君，此乃無憑不足信之言。況爲羅馬總督比練定案。

死於十字架，而神人不救他於刑。伊若實是天地之君，其臣何在，其兵何往。汝等枉自信他爲神。將來投汝等於刑，他不能免汝身死。要免刑救命，須背教祭國神。多明祿應道。耶穌基利斯督果然是人。生於世甘心受苦難身死補贖世人罪惡。亦是天主掌管萬物。君王得國治民而仍屬天主轄制。委權於陛下者天主。將來判陛下亦天主。天主無始無終全能全智，不似菩薩有目而不見，有耳而不聞。帝命送菩薩像來，指之曰：此乃羅馬國之活神。汝等可仆伏於前息其怒。否必歷重刑。聖人道。菩薩乃匠人所作，非生活之物。論貴賤，則飛禽走獸無一不勝過菩薩。因其無覺無動故也。僕等不能敬之。所敬惟天地之主。皆願死報效爲我等死之恩主。帝放衆人回家再四熟思，固執不改者必死。

是夜多明祿。集衆人謂之曰。可知君之惡意已定無移。不理論不憐恤。惟願害信輩滅聖道。我衆靠望天主可勝其暴虐。伊能取身命。不能害靈魂。但主耶穌曾前訓誨信輩。不可自投於危。今日之事乘其未嘗鎖禁。各人須逃奔各方避兇事。能脫差兵全命者生而讚頌主。被拿者蒙上恩恒守善志身死亦榮主。聖人說訖。衆然其言。是夜信輩分散。暗地逃走。衆人得脫兵差。惟多明祿被拿斬首升天。

切想 好施者近於主 六續哀矜

好施之德出於天主。天主好施以極。永遠無始獨在。先造九品天神而施之。常存無終。同享全福無窮。隨造天地星辰。排之空中。若將之排大軍於地。令之或動或靜。恒守其位無亂。施之或有光而輝。或容光而定日夜。又在

地球分奠海洋山土。造樹木五穀百菓飛禽走獸魚蟲。施各類之所需。使之能活能相傳生發無斷。究竟造人。賜之以星辰之光照。以禽獸草木百菓五金之使用。尙施以明悟愛欲能文能藝能習各學之細微。能造各種機器之妙。能理家治國。致禮義廉恥孝敬忠信諸德蔚生。賜他神靈永存不死。而願通其榮貴與他安享在天國。特此遣聖子來世替人補贖。諄諄訓誨信輩以得榮福之路。此非好施至極而何。

爲人而願近於主。當竭力效學天主此善。聖額我畧曰。其所致人近於主者。莫勝於好施之德。聖良教宗又曰。天主視好施者如影己本善之肖像。亦曰。好施之人可謂發現於世之天主。

或曰。富貴至尊。貧窮至微。至尊當自重。若自賤致臨微末者。人見必輕薄。曰。

至尊者天主也。普地之君王在主前卑微若無。雖威能如是，却慈悲不嫌世人之卑微。愛之至降生成人而死於苦刑。世人思念此事，誰敢借尊位之故而言富貴不可臨貧賤哉。且事當反說曰：人位愈尊如帝皇，若親臨卑末以示好施之心，其人相似天主愈近，而尊威愈顯焉。試觀奉教帝王中遺美名於後世者誰。威風高居其尊者耶。謙遜臨下好施者耶。威風之君王，國民素追思之以恨。因其視民如草芥故也。惟愛聖王聖后惜民之德而世世稱頌。依聖良之言。聖王聖后可謂顯現於世之天主。人衆沾其恩，而父子相傳不忘。瑪濟彌亞諾君殺人養其威風，而竟遺惡名於後世。咒罵不絕。若昔日信善愛人，盡其爲帝之權撫慰艱難者，則今日之名美揚於世，而功德有賞在天主前。

省察 好施之人近於天主。人位愈尊高，若親臨貧窮以示好施之心，必愈加相似天主。我知之麼。

定志 耶穌勸門弟曰：爾務爲全善，效法爾天父全善。瑪寶五章四十八節自今以後，我竭力習好施之德以學天父之善。

二十七日

聖文生爵

聖女撒卑納等

致命

西曆三百零三年華晉惠帝之時羅瑪國西班牙地總督

名曰達先

奉弟約格肋

斯帝旨諭嚴革聖道。駕臨達納斐納城。聞得少年文生爵從聖教。卽放差捉拿。未幾見像貌堂堂一少年。爲差押送來案。總督見有憐恤之狀。問姓名。少年清聲應道。予名文生爵。總督責曰。汝才貌如是之生。豈可背君命而爲釘死於十字架之人。受苦至死乎。文生爵應道。予所敬者雖釘於十字架身死。却非常人。乃天地大君之子耶穌基利斯督。普地衆人君臣士庶當認爲主而敬愛。大人若不迷於邪教。亦必甘心欽崇。總督曰。汝年少。出言輕浮。事亦不大緊。茲勸爾如父之勸子。今日當獻祭敬神。否則性命難保。文生爵應道。所稱之神。乃昔日姦盜無善多惡之人。菩薩又是金銀

木石無知無覺之像。敬者背逆真主宰，可謂無理已極。總督怒，命押文生爵去祭神。不祭，卽解出城外正法。刑役依令，將少年綱縛送到菩薩像前。文生爵昂然不示敬。其雙足所踏之處乃硬石。天主愛少年之忠信，顯聖蹟堅固之。所踏之石變軟，聖人之脚陷下成一印跡。軍民見大異，互相說道。此人所靠之天主果然大能。遂一時變心，吶喊道。放之放之。刑役將文生爵投於監。去總督前覆命曰。那少年請緩三日作商量。總督意謂文生爵心志不定。歡喜准行。聖人在監朝夕講聖道，勸得數人奉教。

且說文生爵有胞妹二人。一名撒卑納，一名計斯得納。父母過世已數年。惟靠哥哥掌家理事。自昨日兄長被拿之後，兩姊妹在屋內深藏如驚鳥，且哭且祈禱不息。第三日二人携手同行，淚珠滿面，來衙獄求見哥哥。守獄

兵哀憐放入。兩妹初則各抱兄手吞聲而哭。次則勸他乘此守獄兵動情之時，逃出外來。否則哥哥致命後，兩妹無親，諸事如何處置得到。文生爵始則不從。但見兩妹且哭且說，難免不爲感動。究竟許之。教兩妹回家暗地預備些銀錢作盤纏。他夜來說獄兵若說得准，必來屋而同兩妹逃走。二女歡喜回屋辦事。是夜文生爵說獄兵果放他出去。暗地來家帶兩妹由小路向東而行。次早守監役稟總督稱文生爵夜間用邪法逃脫不見。總督遣人去搜他家屋。回報房屋空閉。文生爵帶胞妹二人不知逃何方去。總督放馬兵去尋。命拿獲便殺。

且說兄妹三人，日藏夜行。兄長一路訓二妹以致命之榮。以聖女德格辣，依孛斯則濟理亞等之言行妙功壯勵其心。二妹信服始輕薄世福性命。願

同兄致命升天。過了些時，兄妹困倦到雅斐納城。聖女德肋撒鄰近之地。誕生之城爲官兵拿獲。兵奉總督命將三人網縛鞭打。只聞兄妹合聲唱經讚頌主。末竟兵以大石將三人頭顱擊破廢命。

眞福葉肋斯邦

國王

據六月所紀，六品輔祭聖斐理伯奉天主命將厄弟約彼亞后之太監訓以聖道，付以聖洗。厄弟約彼亞乃亞斐利加洲所屬。東北方濱紅海，西北方連厄日多。太監回國傳聖教。西曆五百餘，華梁武帝之時，國王名葉肋斯邦，欽崇天主，政法至賢。時紅海之東北天方國如達某人篡王位，因惱恨聖教，卽興風波，殘殺信輩。某城之太守熱切敬主，惡王令之背教。太守不

聖人行

西曆十月二十七日

三百三十三

從惡王命將太守及其全家拿出斬訖。隨殺信輩男女三百四十人。究竟教友不能住此地。逃難於羅瑪。東國公斯當定京城來。上奏訴本國聖教之艱難。請帝處置。帝與厄弟約彼亞有約。見天方人奏牘之後。遣使過厄弟約彼亞。賚國書請王與師過紅海平天方。葉肋斯邦見國書集軍航海。侵天方。百戰百勝。惡王竟不能敵。逃出進曠野。不知下落如何。葉肋斯邦推欽崇天主之某大官爲王。卽時旨召或充軍或逃出之衆信輩回國。大典聖教。葉肋斯邦見地方平息。仍然帶兵師上船回國。操德如初。越數年。見太子才德能理政。乃推之爲王。自則離朝入院隱修。不准舊臣來拜。惟靜居窄屋。粗呢爲衣。麥餅生菜爲食。清水爲飲。朝夕沉默誦經。與衆隱士立表。西曆五百二十三年福終。

切想 靈魂之哀矜 七續哀矜

凡益他人靈之善功可稱爲靈魂之哀矜。其功之首乃祈禱。讀天主經，在「天我等父」者云云可知。天主令信輩互相轉達。此經內之「我」字，句句當由我等而解。吾主原經云：在天我等父者，我等願爾名見聖，爾國臨格，爾旨承行於地如於天焉。我等望爾今日與我等，我等日用糧，而免我等債，如我等亦免負我等債者。又不許我等陷於誘惑，乃救我等於凶惡。亞孟。譚譯者見等字疊重多次，不成文，故減之。但誦此經，各信輩當明知我字之正義。天主聖意要普地之信輩君民士庶互相視如弟兄姊妹，而時時你爲我，我爲你求靈魂肉身之恩澤。信輩愈進於愛德，而愈切於此功。冷淡者素忘己忘衆而懈怠無所求。或時祈求必爲己。熱切者祈禱有七分爲己。

三分爲他人。聖人愛德絕妙，而祈禱有七分爲他人，三分爲己。不但爲親朋而祈，且爲各國各方之人。不獨爲信輩，並且爲裂教異教仇讐諸人。眞救世主之門弟也。以心懷包萬靈而願福之。天上父所悅者，聖人心之與己本心相同。聞其善禱，多必垂允施恩。施與誰耶。施與聖人耶。施與聖人之所助禱者耶。曰。施彼亦施於此。蓋無有爲他人祈禱而自不受恩者。另且爲他人轉達可言。是自己得恩之善法。因天主見愛德必樂，而特意降福故也。

勸汝信輩敬從主耶穌之命，竭力效學衆聖，盡心助他人祈禱。見人或不認識天主，或認主而不守規誡，必爲他祈禱。且勿促狹汝心於親戚朋友。尙須擴充廣含普地人民。哀號主前求肉身靈魂之恩，致衆人咸得。汝貧寒

不能施銀錢。但善禱，豈不能施給乎。汝善禱助人之功，比銀錢哀矜之功愈大愈貴。汝誠心爲人轉達，必樂主益人益己。豈可懈怠不爲哉。

文生爵從二妹逃死，非灰心之爲。獨願堅固二妹之信德。隨善勸引二妹甘心同己致命升天，可謂成哀矜中之異功。葉肋斯邦國王帶兵過海伐惡王平息地方，救教友於死，亦是哀矜中之大功。與各國君王立表。

省察 天主聖意，願信輩互相轉達。聖人事事從主命，常爲他人祈禱。此又是得恩之善法。我知之麼。

定志 自今以後，我信從主命效學聖人，盡心爲他人祈禱，悅主益人益己。

二十八日 聖西滿 聖達陡 宗徒

西滿乃如達國撒佈隆之人民。達陡亦稱曰如達乃次雅各伯宗徒六月朔日聖西默

翁二月十八日之胞弟。母親乃聖母瑪利亞之表姐。是故依地方之風俗稱列弟

兄爲主耶穌之弟兄。或云伊等之父親格肋阿法斯乃聖若瑟之弟。

西滿與達陡皆爲主招選富宗徒。先從主習學操德。然後奉委遊歷如達之地。訓人以救世主之聖道。主耶穌升天後，二位聖人同聖伯多祿等留住如達之地，宣道顯聖蹟化人。隨後宗徒們分散往外地之時。西滿進厄日多達陡往默所波大米傳教。越逾多年，二位聖人到波斯國同心勸人民認識天主。化人甚多。異教忿恨，集衆圍着二聖而殺之。年歲不可定。所受之刑亦無從考查。

聖經全集載有聖達陡訓信輩之手書一封。

聖雅爾俸 羅弟厄斯 顯修

西曆一千五百餘年，華明武宗之時，西班牙國斯我斐城有富商名羅弟厄斯，妻名瑪利亞。夫婦全心欽崇天主，而因功德取敬於人。兒女十一人，行二者名雅爾俸。此子由孩年至善，見聖母像即近前禮拜，孩聲與之語如見活人。一日拜像如常，說道：娘娘你不知我愛爾之切，我愛爾之甚，你之愛我不能勝。聖母像活貌應道：汝錯也。我愛你之情，你萬不能及。雅爾俸大喜。此後事聖母愈勤。某年有耶穌會兩位神父在家客住，父親派長次二子服侍神父。雅爾俸同兄長奉命輔祭之外，時時陪神父以事之。神父

愛雅爾倖之善德，而以聖學朝夕教之。次年父親送兩弟兄進耶穌會學堂讀書。時雅爾倖年紀十四歲。越數載，父親患病，青年身終。母親留長子在學堂，令次子回家理事。雅爾倖買賣至公至平，寧可無利，不願虧人。某年聽母命娶妻，隨生一子一女。月異年新，眾兄弟姊妹長成，或娶或嫁，屋內老幼大小一家和睦。無你的我的之說。雅爾倖年三十三，女兒染病而亡。隔數月妻亦福終。雅爾倖將世事看淡，把事務交給兄弟，自帶子另居一屋靜修。

每主日守兩日大齋，身帶苦衣，不時自鞭贖罪。一夜正在雨淚痛悔，求主施赦。吾主發顯，聖人十二位陪從。其中聖方濟各問雅爾倖以痛哭之緣。雅爾倖應道：善人有小過而痛悔，何況我大罪人。主耶穌聞言，慈目視雅爾

俸而去。過三年愈加隱靜。終日默想耶穌苦難。而感謝讚頌天主。賞他以神恩。某年聖母蒙召升天瞻禮。領聖體後魂超。自覺在天堂聖母瑪利亞位前。聖方濟各與護守天神薦他於聖母。聖母轉獻於天主。天主慈顏收納。雅爾俸回覺心樂不可勝言。此後輕薄世物。獨望後生之永福。時子尙小。性善行謹。雅爾俸自想道。此兒現今淳僕可愛。將來長成若變惡。豈不可惜。遂祈禱主曰。主。爾明鑒後事。我兒若將來背善從惡。吾願見他身死。求爾預先收納之。隔數日小兒染病身亡。彼時老母親亦福終。雅爾俸無事留居俗中。心想入耶穌會。特此過瓦能西亞城。見此會某士求謀。那士勸他先讀納丁話。雅爾俸然其言入學堂。同十餘歲的小書生攻讀。但年近四旬。記舍不如前。過兩年見事不行。乃出學堂。入耶穌會爲僕。

次年奉命到馬若爾格海島學堂習規矩。過兩年行許願之禮。奉令守學堂

之門。

事小而人大勝  
過事大而人小

雅爾倖在此三十年。每日晨早甦醒卽跪地拜聖三

後。誦吾衆讚主云。謝天主保守一夜之恩。並求主助他是日不犯罪。隨

誦早課而沉默。默想畢聽彌撒。彌撒後經管門事。進者接。出者送。或時來

有言行無理之客。雅爾倖總未見變色。面容和平。語言謙卑如常。有令出

外辦事。雖困倦身病。絕未見推辭。惟面樂領命便去。事務少鬆。卽誦玫瑰

等經。爲生者亡者轉達。每時候自定禱文一句特敬聖母。出外端行無妄

看。惟垂目於地而思想天主。遇婦女必不舉目視其面。越數年。識雅爾倖

者皆稱他爲聖。

衆人愈加敬愛。鬼魔愈增惱恨。夜間發顯怪狀驚嚇。時而毆打。兩次推之由

樓上墮樓下。一日用火燒他身體成重傷，究竟用誘惑中之最難者即是失望。聖人晝夜覺得心中若有聲常譏誚曰：尅身善功而何。你的永事久已定矣。你無他望。只有下地獄焚燒萬世無終。良久聖人愁悶不過，哀號聖母像前求救。聖母發顯說道：我在此不必驚駭。雅爾俸卽覺心平。一次鬼魔誘惑如常笑道：你的瑪利亞現今何在。言未訖，大光照屋。老魔一見逃奔。某年聖母蒙召升天瞻禮，聖人默想，忽而魂超不覺世事，神見聖母若纔身死，爲羣天神奉送升天立爲天后。特此聖人愈進於聖愛，惟望靈魂離身去見天主。

聽命之德乃聖愛之實據，雅爾俸愛此德比性命愈重。敬長上如四歲之孩敬母親，或時長上命雅爾俸在某處伺候他來有事相托，但心下事多而

忘却前言。雅爾倖終日在彼處伺候無動。讀者勿謂其爲短於權變之人。蓋此行非因無謀所致。惟因聖人之誠心效學耶穌所訓云。汝等若不改變。轉化爲孩。不得入天國。故惟謙己若孩。斯於天國爲大。瑪竇十八章三節一日長上命他去碼頭上船過海。並不說向那方去。雅爾倖不問。卽時到碼頭。長上遣人叫他轉來。雅爾倖隨來人便回。長上問曰。你將上船不知當往何地。此何意也。雅爾倖應道。長上之命如此。弟不必問。聞命卽如命。又一日長上試之曰。你當卽時過海到印度去。雅爾倖當時下碼頭。長上遣人叫他轉來問道。碼頭上無船。你如何設法。應道。無船。弟頗能浮水。浮至力盡必轉來。以爲竭力奉了命。

過三十年雅爾倖力衰。長上另派人管門。一日傳聖人謂曰。你現今年老無

用會上不能養你空閑過日。可出去另尋容身之地。聖人不一言不變色。卽時拜辭長上而行。所往絕不知。由何而資生亦不問。慢步和平出院。便去。長上見不禁眼淚說道。正聖人也。遂遣人叫他轉來。雅爾俸自若回院。安居如前。彼時所預言之後事甚多。善禱所消化人之禍害不少。未竟壽八十六歲患病善終。通城送喪。隨後墓前顯聖蹟。教宗良第十三列其名於聖人之冊。

切想

靈魂之哀矜

八續哀矜

耶穌曰。汝光功德之光宜炳閃人前。使衆見汝善而歸榮在天爾父。瑪竇五章十六節又曰。戒之哉。勿行義於人前。令人觀望。苟如是。則天父前無報。瑪竇六章一節福音書此兩處似若相反。相反則不知誰是誰非。曰。聖經此二處皆含深理。絕

無矛盾之弊。主耶穌明知人心易生矜驕自滿之情，是以做戒門弟曰：勿要行善於人前，令人觀望。若曰：勿要行善，特望人見稱美。苟發此意於心，則以人之美譽爲善功之報。而在天無報。一面吾主命信輩行善功於人間，使衆歸榮於天主。若曰：汝行善勿求人讚頌，惟心當欲人衆目見感動效學而榮主。看來聖經此兩句，不但相反，而所命畧同。聖人時時恐懼矜驕之意潛生於心，是以行尅身祈禱，施捨銀錢等功，而竭力祕密不露於外。或在人中務其業任其事，而言語行爲每每小心正其思想，呈所言所行於主。惟願主歆享而悅，並不令人見而稱頌。如是則以隱密之功以戒矜驕之念而奉主。令曰：勿行義於人前。一面人中顯然言行至善而從主命曰：汝光宜炳閃人前。聖人們之功德可比夜蘭香花。雖夜間黑暗之

下目不見，而其香四方氤氳，人人可賞。

花香樂人鼻，德顯悅人心。雖不肖者亦難免不稱美。稱美則早遲必有意效學。有意效學，久之必多棄惡行善。如是聖人榮主益人而報全存，身後必安享。

勸爾信輩效學聖人，從主聖令，私工尋隱密以避矜驕。每在人間言行，必正意居於至善，以立表。事事欲榮主，不求人之美譽，以致仁主之二令同行，而功內外俱全。汝善薰香人中，而主前可取寵幸。

聖雅爾俸棄俗入耶穌會，輕視身安，惟重聖恩，可謂與人立善表。在學堂看門，雖居末位傭工，却謙遜忍耐聽命，可稱立表與眾隱士。有許多飽學不如之。聖人貧窮無金銀作哀矜，但善表善道所益之生者亡者，誰可思量。

省察 操德者行私工，當隱密不令人知悉。每在人間言行不可求人稱美。圖之者無報在身後。惟當望光榮天主，不可樂心受美譽。我知之麼。

定志 自今以後，我竭力立善表在人間。但小心在意，不圖人讚頌，不矜驕自滿。惟欲光榮天主益衆人。

二十九日

聖熱爾瑪諾 號由孟縛爾

隱修

熱爾瑪諾出於比國孟縛爾地方。於西曆九百餘年。華梁太祖之時。十歲在馬林城主教學堂讀書。所喜者與鑿牧輔祭。時身端神凝。他童不如。父母或主教賞以銀錢食物。熱爾瑪諾不私用。惟尋貧窮同分。年十六。卽從長兄去。法國巴黎城精學。在彼操德練才。老師與書生皆稱美。年紀二十五。六點翰陞神父。爲洒瓦省芒東村某富貴人延請。課訓其小兒名白爾納。神父允諾。來此家當西賓。主人主母皆大德之人。小兒性善聰慧。熱爾瑪諾心喜。且訓徒且精修。畧過八年。老師之德有名。幼徒之才有基。主人欲遣兒進巴黎京去讀。請老師仍然訓之在遠地。神父不辭。引徒進城同住。經管他每日出外在各學堂攻讀。一面師徒協心行善。惟欲成聖。一日白

聖人言行

西曆十月二十九日

三百四十九

爾納問神父曰。門生心想許愿守貞不娶。依老師高見。此事可行否。神父應道。此愿不可輕許。須先祈禱求主默示。况且汝年尚幼。可緩數年。慢定生平之大事。越三年。白爾納再問可否許愿。神父道。祈禱三年。而心無變。可信此事爲上主默示。子可隨意定奪。白爾納擇某瞻禮。領聖體後許愿。次年卒業。奉父母命回家。神父同去。是年父母願子定親事。白爾納因前愿敬應不娶。父母心疑。老師與子授意。乃辭謝。神父即時拜別而行。但白爾納心志穩確。非人力能移。隔日暗地離家。過意國之地。隱修。以後立功成大聖。卽六月十六日之聖白爾納也。

且說熱爾瑪諾久欲避俗。是日爲白爾納之父母所辭。卽入達六亞隱院。此院隔芒東五六里。內有隱士數人。隨聖本篤規矩習善。熱爾瑪諾在此安

居無他想。惟願胞兄離俗來此同福。特此修書招請。時父母過世。兄無家室。將來書覽畢。把家資變賣散濟窮苦。然後南面來見弟。亦入院隱修。熱爾瑪諾歡喜謝主。隔年請會憲之命。願過日路撒冷聖地去朝拜主耶蘇所居之處。會憲准之。熱爾瑪諾步行遊東方。受艱難甚多。踰三年轉來。推爲本院之長。治人以賢。導之以善。而奉任有功。隔院两三里山脚有洞。入之可避人音。惟聞鳥蟲合聲。溪水潺流頌主。眼目只見山林在高天之下。幽青茂榮。熱爾瑪諾愛此處。每日晨早唱日課。經做彌撒後。慢步離院。由窄路來洞。終日在此看書。沉默祈禱。日偏西。杖棍端回。同衆士薄殮。然後睡數點鐘。半夜甦醒起來。復專聖事。如此多年。而聖德日精。

彼時白爾納在窩斯德城當副主教。大德之名遠傳。父母來城得見面。然後

歡幸回家。不多時患病臨終，請熱爾瑪諾長上來顧。聖人子心看顧撫慰。夫婦過世後，聖人在洞上造一小經堂。隨常住此不回院。年紀八十餘福終。聖尸埋在小經堂內。墓前顯聖蹟。是以遠近稱熱爾瑪諾爲聖，常來朝拜求轉達。現今有大聖堂建在古墓之地。

聖撒爾福 主教

撒爾福乃法國亞彌央城人民，約生於西曆五百五十年，華梁文帝之時。年紀二十餘，造一小屋在海濱隱修。踰數年有人來從。立院同該土操德。時天主賞撒爾福以聖蹟之權，而聲名傳於遠近。某年亞彌央之鑿牧身終。帝遣主教數位來城挑才德之人繼位。主教等命衆百姓守大齋三日，求

天主指一人奉此任。第三日各位主教誦經時，聞異聲，明言：撒爾福乃我招選之鑒牧。遂遣人請撒爾福來城行陞鑒牧之禮。聖人推辭不來。城民間言，派遣數十人去接，無論何如總要聖人來。奉委者到院，求見長上，請詣亞彌央當鑒牧。聖人善勸來者回城，請主教等另推一士。他才德不勝此重任，不能當。衆人聞言一齊上前，將聖人圍着抬出上車，蹤馬前進。撒爾福左右力士二人守着不能脫身。城民出迎擁送到聖堂。列位主教迎入，勸聖人服順主命勿辭。聖人不得已而允諾。預備數日後行禮陞位。彼時鑒牧又代教宗位理聖教事務，又代君位審案治民。撒爾福才德可掌雙權。於聖事至善，理世務至賢。方中心服，互相慶賀。每年鑒牧遊亞彌央屬地，訓誨信輩，付堅振之外，還親自查各方小民之所需，審各家訟事之

理屈。不時以聖號醫病除魔。

據古書傳亞彌央之頭一位鑿牧乃聖斐爾米諾。昔致命在此於西曆一百零三年。聖尸埋於城外。墓上造得有經堂。撒爾福主教見此堂不容來人之多。另修一座在城內。完工後。欲遷聖斐爾米諾之聖髑於此。但不知聖髑之定所。乃命衆人通功求天主明示此事。第三日主教與衆信輩在老經堂。忽見一股光射下至地。主教命掘土在光所射之處。工作兩三日。尋獲古墓。墓開卽現聖髑。乃備一處在新堂內。然後約日請數位鑿牧神父無數。將聖髑禮遷新堂內。聖人始終聖德一味絕妙。某年疫症流行。聖人每日在病疾中好言善勸。大方施濟。不幸染疾福終。

時西曆零六百一十五年。

以後聲名散佈各方。墓前時時有人求轉達。

聖女赫默林

童貞

赫默林與三月二十二日之聖女熱爾度德同宗，而先出世。生在法國北方

現今比國之地

於西曆五百六十餘年。與上段之聖撒爾福同世。幼年訓以貴家

小姐之風俗。但不留心於榮華身樂。惟愛誦經沉默尅苦。年紀十餘歲。哀求父母勿與之定親事。父母准之。年紀二十餘歲。嫌家中身體安然過分。難行克苦。神靈朝夕散亂。難以沉默。乃出家。在林中居一茅舍。晝夜隱靜。誦經默想。每日風雨雪零而忍受。晨早行到經堂聽彌撒。彌撒後默念多時。纔回。飲食則野菓草根。冬日樹木凋零。難以尋食。則粗餅些須養身。末竟

德精福終於此。天神埋其身於茅舍之側。過數年在墓前顯聖蹟。聖女熱爾度德之父親立一貞女院。將聖女之聖髑遷在內。自此以來。方中人時時敬聖女不忘。手脚痛。可求赫默林轉達。

切想 靈魂之哀矜 九續哀矜

或曰。諺云。上行下效。當立表於衆者。富貴也。我城中鄉下之小民。雖行善。然何人跟從哉。曰。富貴人善行。可比山上燒火。遠近必沾光。貧窮比屋內所點之燈。其下惟數人可讀書作工。富貴者勢大。可扯人目。常人目見其善行。或聞其善言。多覺感化而從。貧窮雖勢孤。人情不寬。却亦有親戚朋友數人。是故貧富之責任均同。富貴當行善引遠近。貧窮須立表導隣家。將來過審判。各人必以各人之位分而被審。帝王或善或惡。可引一國一邦。

而以此國此邦所行之善惡受賞罰。大小官員，城鄉之紳領，或善或惡，導一城一方，而照此城此方民人效從所行之善惡，必受賞罰。小民或善或惡，導引數人數十人，而隨那數人數十人所爲之善惡，受賞罰。肉身之哀矜，各依其財帛而行。有多施多，有少施少。善表亦然。各須依己身分而立之。無有因身分微末而可免於此任者。海中高石常造大光之燈，與四方之船指辨方向。各家亦點亮照屋，以便家中人動作。

何況立表，又不須有才學舌辯，又不必另行他事。惟當守規誡，事事避惡行善。便是一舉兩得。可救己救人。亦可曰是放財生利。以我行善所有之功作本。以人家因我善所行之善爲利。我身後在主前本利雙得，而雙報永享。豈不美哉。

勸爾信輩勿失此發神財之機。汝富貴貧窮不論。只管竭力積善。將來天主審判汝。非以未可行之善而審。惟以汝能行而果然行或未行之善定賞罰。

聖熱爾瑪諾訓徒。言行皆善。徒目擊耳聞日進於德成大聖榮主益人。設若無熱爾瑪諾課讀。白爾納功德究竟如何。絕不可知。或熱爾瑪諾出語善訓。但行爲不符言。而徒得成世世所讚頌之白爾納否。亦不可言。西諺云。言感行導。聖白爾納之德可信。因老師之言而生。因老師之行而成。足見善表之益。

省察 各人或富貴或貧窮當立善表。各當以自己身分之尊卑爲準。立善表可謂將功作本以放利。人家因我所行之善可曰我得之利。於身後有

雙報。我知之麼。

定志 自今以後，我盡心立善表，依我之身分益人家靈魂而倍加我功。

聖人言行

西曆十月二十九日

三百五十九

三十日

眞福益日樂

顯修

益日樂乃意國納玻里省之人民。自幼爲方濟各會神父善訓。功德超過同年。每日兩三點鐘默想耶穌苦難。每逢瞻禮領聖體。聖母各瞻禮前一日守大齋。麥餅清水爲飲食。十八歲入方濟各會。過兩三月心煩惱而出。復入而仍然無趣。又出。乃謙遜自認無志氣。朝夕求天主壯其力。堅其心。施以能修道之恩。再三復入會。魔鬼誘惑如前。益日樂祈禱不止。苦衣苦鞭。尅身。良久得勝。恒住於院。在此讀書操德。連數年不虛過一日。陞神父後奉命講道勸人。遂照名師之書自寫一本。工畢。將宣講之先。開書擇題讀數遍。然後上臺開說。但不知何故。每每忘却纔讀熟之章。是以心亂舌結。所吐不成文。如是畧兩月。愁甚。時常祈禱主前求聖神賜口才。一日正在

誦經心聞若聲道。我將訓汝善講之法。只須汝言語平常。俗人耳聞能明達。益日樂且驚且喜。每日倍加熱切求聖神光照。此後不依名師之書宣道。但朝夕讀聖經在苦像前。長久膝跪沉默。上臺不肯書。惟吐心情。絕不圖人聞而頌其文之華美。只願聖道入其心而動其情。信輩甚愛其法爭先來聽。

過數年會憲明知益日樂神父爲天主特選傳大道於世。乃遣他遊通省。聖人東走西行三十年。窮苦尅身盡心效學聖方濟各。日晒雪零。落雨吹風。步行不之管。進城入場講道。然後聽告解。飲食不慮。困倦不息。愛人在自己之上。貧富善惡不分。一概慈顏善語接送。晝夜之念在救人靈。愛凌辱如貪財者之愛金銀。宣講後。每每題耶穌苦難一端。話語慘然由深情吐

出。聞者難自禁，大都哀哭起來。神父所過之處，常見讐仇互相取和，酒色之徒回心。頸上帶長繩，自認罪該縵首遊街，求衆赦壞善表之惡。婦女端正棄首飾素穿。神父將離各處之前一日，常令用綢緞花布山花妝飾經堂，然後祭臺上花叢蠟臺之中供陳聖體。講主耶穌立聖體之聖愛，居聖體內之謙卑。勸信輩每日進經堂來陪侍吾主。說間，神父不時魂超一兩刻之久方回覺。某年來納波里城。頭一日城民嫌其道之太嚴，出堂時，有不肖之徒聚集多人，在一處學神父聲氣模樣講道欺笑。忽見此人昏絕於地，猝死。衆悚然歸家。神父在此四十日，每日士庶來聽，且稱益日樂。神父爲聖，且回頭歸善。

聖人年及七十，蒙主默示得知不久卸世。遂回院預備善終。不數日雙目失

光。聖人甘心忍受。惟惜因眼目不見而不能做彌撒誦日課。天主哀憐。每日開其眼目能獻聖祭誦經。然後仍然失光不見物。如是畧六月之久。至十月三十日加病領聖事而福終。

時西曆一千七百三十九。華大清乾隆四年。

方中聞信。來送喪求轉達。隨後墓前顯聖蹟。過九十年教宗良第十二將盎日樂神父之名上真福而冊。

聖瑪瑟祿同十二子 致命

西曆畧二百九十年。晉惠帝時。羅瑪國西班牙之地有武官名瑪瑟祿。妻名諾納。子十二人。某年在肋翁城駐扎。爲鑒牧勸化奉聖教。全家領洗後盡

心事主。西曆二百九十八年，提督傳令某日皇誕慶典，馬步各軍當祭神。期到，各軍依令獻祭。瑪瑟祿目擊心厭，說菩薩之無靈，敬之何益等語。同僚不悅，問是否天主教。瑪瑟祿應道是。提督聞言傳瑪瑟祿，問以真情。瑪瑟祿應道：末弁實是天主教，生死不能變。提督命鎖禁。隔日派兵押送聖人過小海到當日城。既至，省主提之間案令背教。聖人心穩若山，願死不背。省主定案斬首。次日聖人致命升天。

隔日肋翁之官得文書知悉辦瑪瑟祿之情節，乃放差捉拿其子來案令背教。十二弟兄信德剛勇不辱亡父，一同致命。母親遣人收衆子之殘身回家安埋。然後求天主收其靈魂去見丈夫孩兒於天堂。天主允之。信輩敬全家父母弟兄如致命聖人。隨後西班牙國君遷瑪瑟祿之聖髑回肋翁。

城存在聖堂內。

切想 十續哀矜

見人將犯規誡，當勸戒以罪之可畏。見人冷淡於善，當盡心警醒以操德之美，以事主之榮，以永賞之福。或有好書，當借與他看。見他動心回頭，始行善路。當時時小心堅固，熱其心，壯其胆，穩其志。如是則可救此人升天。見人互相猜疑，或憎恨，當好言說於彼，善語喻於此。若勸得仇讐慢慢疑散，恨息互相取和，復生愛人愛天主之德。此乃我在主前之功。

見憂悶者當與之同憂，而出情言安慰。叙現世之艱難甚多，各家各人早遲難免。天主之仁愛以艱難煉人靈如火之煉金。惟願人忍受積功獲永賞。可勵之以主耶穌聖母瑪利亞聖人聖女之善表。言語當由實情出。否則

空發無效。

聞得孤獨貧窮無親無友之人患病，當去看顧。施食賜藥之外，當哀卹其痛苦，撫慰其靠望。見他臨終，須助他預備領聖事，提醒他甘心服本意在天主聖意之下。見人或心硬不懼死後之事，必儆他以審判之嚴。或畏懼過分，必慰他以天主愛人如子女之善。彼時所講之聖道，所勸之好語，勝賜給金銀與貧窮百倍焉。

見道理不足之老人或幼童幼女，當竭力訓誨以緊要之端，不因其粗鹵難學而厭煩。惟思想其靈魂乃天主所造，乃主耶穌聖血所贖，而恒心教他以天主規誡以升天之路。

勸爾信輩行靈魂各樣哀矜。誠心行之，雖一言一動無不德進功積。天神見

汝心之善意，數汝語，算汝步，而每日呈之於主前，納入寶藏。此財永存，盜不能挖。時久不能敗。汝將來享之而榮，且福在無窮世之世。

聖盜日樂，以益人爲生平之志向。特此善其行立表，善其言勸勵。可謂靈魂肉身之醫生。以聖蹟愈肉身之病，以祕蹟痊靈魂之疾。以主耶穌苦難之默想，引信輩忍苦立功。以愛聖體之情，導教友貪慕此神糧。壯其心於天路。功德之大，惟榮主能賞之。

省察 信輩當善言互相堅固於善，提醒於惡，撫慰於難，訓誨蠢愚。行者積大功於永世。我知之麼。

定志 自今以後，我竭力善言善語益人靈魂。此乃積功之善法。我見機能行必不失。

## 三十一日 聖剛定 致命

剛定乃羅瑪顯家之子。幼年奉聖教領洗。心感主恩。欲到遠地立功報効。遂離家北面過法地。一路傳道至亞彌央古城。前於一百數十年。聖斐爾米諾主教在此傳道致命。方中雖有信輩。却異教尤多無比。剛定朝夕講聖道辯論。化人不少。西曆三百零三年。風波至嚴。亞彌央官聞得剛定傳教之熱切。命捉拿來案。力勸背主。聖人不從。官命鞭打。聖人甘受無言。次日官再提聖人。當堂假仁復勸奉旨祭國神。許上奏請厚賞。聖人應道。國君之賞我不貪圖。惟靠天主慈悲。將有報於我。官命上之於刑架。鉄爪抓其身。然後以滾熱之油淋之。竟用火燒其肋旁。聖人雙目向上誦聖詠不止。官曰。我將送汝回羅瑪。使親朋見汝死於刑而自傲。聖人道。隨意。天主必

助我在羅瑪，一如今日佑我在此。制軍命送聖人回獄。

隔日復提聖人，再令背教。聖人不從。官命插粗針於其指甲之下，少頃以鐵籤深刺聖人胸臂。究竟定案斬首。十月三十一日聖人致命升天。

官派人埋之於河中小沙洲之上。隨後信輩遷聖髑進城埋在聖堂內。四方之人世世來朝拜求轉達。百姓將城名改曰聖剛定城。

聖物爾昂 主教

物爾昂出於日爾曼巴國之地，於西曆九百餘年。幼年讀書聰慧蓋同窗。老師嫉妬其才而不容。物爾昂見此事說道。我只料深學如老師者必寬洪大仁。殊知他心窄嫉忌若常民。然而讀書何益。遂欲棄俗去隱修。先來見

某處主教。主教甚愛其才德。留在身邊重用。踰數年。主教身終。物爾昂過。瑞國入靜院。陞神父。習大德。復越數年。稟長上命。過翁家里。異教之地。傳道。化得數千人。認識天主。竟陞爲納弟斯朋鑒牧。時男女靜院內守規矩之熱切。不如昔日。新鑒牧善言善表。竭力挽隱士貞女之心。復其舊日之德。各院衆人見主教謙遜忍耐。薄服省食苦修。無不自愧而改行。

聖人視衆教友如兒女。是以不辭辛苦。每年遊各方訓誨。白日理事。夜晚在經堂沉默。至神困不能支。方回屋。不脫衣而眠。片時。晨早獻聖祭。眼淚嘆泣。足証其心之敬愛。每日接貧窮數人。一同用食。米糧騰貴之年。歲罄其所有之銀錢。行哀矜。某年暗地離本屬。深入大山。隱修。尋之五年。無踪跡。過五年。爲獵獸者所見。屬民羣來接回。聖人不得不從。因多年之尅苦。身

體柴瘦見者無不憐惜。

此後聖人之德比前愈顯。先知預言，誦經除魔。按手在病疾頭上，或降福麥餅遞與他喫而病即愈。年紀七十餘，染病不能起。命置薄床在聖堂內。令將所有銀錢衣服家物概行散濟貧窮。領聖事後勸衆信輩恒守規誡，然後和平而逝。

時西曆九百九十四，華宋太宗十九年。

切想

聖保祿勸信輩曰。爾等當追思奉傳道於爾者當視其畢生之善而存信德。致厄勃來人書十三章七節 聖教由主耶穌而始。吾主招選宗徒門弟推其中數人爲鐸德鑒牧。而聖教建立。隨後宗徒門弟散於各方傳道。各國各省有人

信從，而聖教日興。宗徒門弟過世後，又有鑒牧鐸德信輩繼伊等之德，離木鄉行他方化人。世世如是相連，而正道漸行於普地。各世奉委傳教者所歷之辛苦，孰可思量致命者之血合聚可成紅江。

爲子孫愛記祖宗之名，愛誦祖宗之功。依信德想來，昔日傳道者來當日信輩之祖宗。信輩應當追念敬愛。宗徒乃普地教友之原祖。但宗徒以下，各國另有聖人早運來訓誨此國之民，以永福之路。國民當特意仰慕孝心愛之。

予著此部書，每見昔日勸化我法民聖人之言行，心下無不感佩示情。噫！其數甚大。其中苦刑致命於我祖人者，如今日之剛定亦多。彼時我祖人不識道之虛實。一心從古世所傳，而忌外來之教。以己所信爲正，以他人所

傳爲邪。暴虐行凶，而稱革邪固正。我祖無理，任怒酷殺。聖人們爲義忍苦甘死。如是兩三百年，而聖人之種未缺。一聖死，兩聖繼之。究竟死者勝，殺者服，而通國一心改途。聖人在世，苦刑可慘，但升天後見一大國全化，同信同望同愛，而在天堂歡喜必日新。予思其身死而同苦，惟念其榮樂而同樂。

中國現今正在苦傳聖教之際，以外來之道爲邪而棄，棄而不時行凶，且行凶者自慶，若有功於國，不知信輩爲義捨財致命之大德，動手搶殺者之無理太甚。

惟望善人之種不絕於中華。切莫致命者之血不枉紅其土，惟每年發生而信輩羣出，世世風波復興，世世之鑒牧司鐸教友不辭苦不避難，致命愈

多而信輩之數愈加。末竟中華如我國，死者究必勝，殺者終必服。維時華民合心讚頌，今日辛勞致命之善人，謝他忍苦冒死，恒傳聖道。那時今日辛勞致命者，久已在天榮。見其所種之禾苗茂榮飽米，而倍加榮福。

迄今傳道於中華之善人，相繼已數世。信輩此乃汝之祖，勸汝追思其愛，且見其善生福終之表，恒存信德，在親朋之中，竭力傳聖祖之道。

省察 我現今奉正教，將來我國人識天主，萬靈可望升天，皆是傳道者之功，當敬愛如生汝身之祖宗。我知之麼。

定志 自今以後，追思自初而來，傳道於我國之善人，我皆仰慕敬愛，若我祖人，且頌伊等之功德辛勞，而愈加信德。

- 廿三日 閣諾你亞 Colonia, 德 Germania, 都赫 Tours, 波爾多 Bordeaux, 意 Italia, 慢度 Mantova, 莫尼加 Monica, 斯瑟肋 Césène.
- 廿四日 南肋得 Nantes, 斐理斯 Felix, 赫波日 Herbauge, 黑石林 Silva Petræ Nigræ, 斐爾都 Vertou, 本篤 Benedictus, 若爾日 Georgius, 意 Italia, 龍巴爾地 Longobardia, 都赫 Tours, 得肋勿 Trèves.
- 廿五日 所亞宋 Soissons, 瑪濟彌亞諾 Maximianus.
- 廿六日 意 Italia, 博登雜 Potenza, 納波理 Napoli, 米納諾 Milano.
- 廿七日 西班牙 Hispania, 達先 Dacianus, 弟約格肋斯 Diocletianus, 達納斐納 Talavera, 計斯得納 Christella, 德格納 Thecla, 德肋撒 Teresia, 厄弟約彼亞 Æthiopia, 亞斐利家 Africa, 厄日多 Ægyptus, 天方 Arabia, 如德亞 Judæa, 公斯當定 Constantinopolis.
- 廿八日 如德亞 Judæa, 格肋阿法斯 Cleophas, 厄日多 Ægyptus, 默所波大米 Mesopotamia, 波斯 Persis, 西班牙 Hispania, 斯我斐 Segovia, 納丁 Latinè, 馬若爾格 Majorque, 吾衆讚主 Te Deum, 印度 India, 良 Leo XIII.
- 廿九日 比 Belgium, 孟縛爾 Montfort, 馬林 Malines, 巴黎 Paris, 洒瓦 Savoie, 芒東 Menthon, 意 Italia, 達六亞 Talloires, 本篤 Benedictus, 窩斯得 Aoste, 亞彌央 Amiens, 斐爾米諾 Firminus.
- 三十日 納波里 Napoli, 方濟各 Franciscus, 西班牙 Hispania 諾納 Nonna, 肋翁 Léon, 當日 Tanger.
- 卅一日 亞彌央 Amiens, 斐爾米諾 Firminus, 聖剛定城 S<sup>t</sup> Quentin, 日爾曼 Germania, 巴 Bavaria, 瑞 Helvetia, 翁家里 Hungaria, 納弟斯朋 Ratisbonne.
-

**十六日** 英 Anglia, 海爾 Hibernia, 呂斯爾 Luxeuil, 公斯當斯 Constance, 意 Italia, 龍巴爾 Longobardi, 狼士 Reims, 尼法爾 Nivardus.

**十七日** 末納未亞 Moravia, 波羅尼亞 Polonia, 恩理格 Henricus, 韃 Tartari, 布爾我尼 Bourgogne, 巴赫 Paray, 方濟各撒肋爵 Franciscus Salesius, 往顯 Visitatio, 西默盎 Simeon, 瓦 Leo XIII.

**十八日** 如德亞 Judæa, 洋弟約家 Antiochia, 每瑟 Moyses, 希臘 Græcia, 雅各伯 Jacobus, 若翰洗者 Joannes Baptista, 前驅 Præcursor, 白零 Bethleem, 宗徒大事錄 Actus Apostolorum, 則撒肋 Cæsarea, 意 Italia, 法 Gallia, 公斯當定 Constantinopolis, 希臘 Græcia, 革肋達 Creta, 博 Poitou, 沙爾得赫 Chartres.

**十九日** 西班牙 Hispania, 方濟各 Franciscus, 葡 Portugal, 洋弟約家 Antiochia, 若伯 Job, 儒理亞諾 Julianus, 如德亞 Judæa, 厄日多 Ægyptus, 亞理山 Alexandria, 達尼爾 Daniel.

**二十日** 波羅尼 Polonia, 根地 Kenty, 家納各斐 Cracovie, 麻阿墨 Mahomet, 雅仁 Agen, 地亞納 Diana, 雅爾伯達 Alberta, 彼理目 Primus, 斐理西央 Felicianus.

**廿一日** 如德亞 Judæa, 家撒 Gaza, 厄日多 Ægyptus, 亞理山 Alexandria, 巴爾瑪 Palma, 無花菓 Fructus fici, 西西理亞 Sicilia, 伯多祿 Petrus, 達爾瑪濟亞 Dalmatia, 奧 Austria, 西白肋 Cyprus, 巴縛斯 Paphos, 瑪儒麻 Majuma, 閣諾你亞 Colonia.

**廿二日** 瑪爾谷俄肋爾 Marcus-Aurelius, 斐理日亞 Phrygia, 荔納 Hierapolis, 路西納 Lucilla, 西里亞 Syria, 洋弟約家 Antiochia, 默所波大米 Mesopotamia, 歐法得 Euphrates, 得納西亞 Thracia, 赫納格肋 Héraclée, 赫默斯 Hermes, 斯維路 Severus, 安得里諾 Andrinople, 若納 Jonas, 每瑟 Moyses, 厄肋西亞或曰希臘 Græcia.

- 八日** 瑞 Suecia, 加大利納 Catharina, 本篤 Benedictus, 洋弟約家 Antiochia, 葉得斯 Edessa, 諾農 Nonnus, 阿里瓦山 Mons Olivarum.
- 九日** 賴肋濟亞 Græcia, 亞得肋 Athenæ, 呂斯弟各 Rusticus, 厄留德 Eleutherius, 巴黎 Paris, 格肋孟多 Clemens, 西班牙 Hispania, 瓦能西亞 Valencia, 若翰納 Johanna, 多明我 Dominicus, 亞默利加 Amercia, 秘魯 Pérou, 奧斯定 Augustinus.
- 十日** 意 Italia, 西班牙 Hispania, 康弟亞 Gandia, 嘉畧 Carolus, 隆排 Lombay, 葡 Portugal, 依納箇 Ignatius, 回 Mahumetani.
- 十一日** 西里西亞 Cilicia, 朋白約城 Pompeiopolis, 博羅布 Probus, 安多尼各 Andronicus, 達爾士 Tarsus, 閣羅弟城 Claudiopolis, 厄福西約 Ephesus, 莫白邪 Mopsueste, 魚霖得 Jupiter, 亞納撒 Anazarbe.
- 十二日** 日爾曼 Germania, 英及 Angli, 撒生 Saxones, 英 Anglia, 額我畧 Gregorius, 異約格 Youk, 瑪西里亞 Marseille, 嘉西央 Cassianus, 味多爾 Victor, 亞斐利家 Africa, 西班牙 Hispania, 比約 Pius IX, 瓦 Leo XIII, 巴爾瑪 Palma.
- 十三日** 英 Anglia, 丹 Dania, 葉得赫 Ethelred, 葉得孟 Edmond, 法 Gallia, 牙爾斐 Alfred, 葉地德 Edithe, 東院 Westminster, 方濟各 Franciscus, 意 Italia, 馬落格 Maroc, 斯達 Ceuta.
- 十四日** 斯斐令 Zephyrinus, 亞比亞 Appia, 家達公伯 Catacumbæ, 巴爾瑪 Palmatius, 家肋博 Calepodius, 女司祭 Vestales, 新彼理西 Simplicius, 斐理斯 Felix, 白郎大 Blanda, 白理法 Privatus, 亞斯德 Asterius, 商巴尼 Champagne, 便斐 Bienville, 聖獸肋福 S<sup>te</sup> Menehould.
- 十五日** 西班牙 Hispania, 牙斐納 Avila, 回 Mahumetani, 伯多祿 Petrus, 家爾默爾 Carmelus, 降生院 Monasterium Incarnationis, 若瑟 Joseph, 斯納斐獸 Seraphim, 德 Germania, 英 Anglia, 西 Hispania, 若望由十字 Joannes a Cruce, 亞爾白 Albe.

NOMINA  
HOMINUM ET LOCORUM  
MENSE OCTOBRI.

\*———

- 一日 郎 Laon, 葉彌理 Æmilius, 色理尼 Cœlinia,  
白恒西比 Principium, 所亞宋 Soissons, 狠士 Reims,  
日爾曼 Germania, 瓦斯得 Vaast, 亞里無斯 Arius,  
閣樂得赫 Clotaire, 忙得 Mende, 布爾 Burle.
- 二日 依臘爾 Isaël, 厄日多 Ægyptus, 家納央 Cha-  
naan, 西里亞 Syria, 里耶日 Liège, 昂 Grand, 安當  
Antonius, 樸蓋 Zachæus, 亞巴郎 Abraham.
- 三日 西班牙 Hispania, 秘魯 Pérou, 理瑪 Lima,  
多明我會 Dominicani.
- 四日 意 Italia, 翁白里亞 Umbria, 亞西色 Assisi,  
巴爾瑪 Palmier, 本篤 Benedictus, 西 Hispania,  
法 Gallia, 厄日多 Ægyptus, 厄里 Elias, 古比約  
Gubbio, 多斯家納 Toscana, 亞爾斐肋 Mons Alver-  
nus, 彌厄爾 Michael.
- 五日 蘇比亞閣 Subiaco, 嘉新山 Mons Cassinus,  
西西里亞 Sicilia, 默新 Messina, 歐弟覺 Euty chius,  
未多利諾 Victorinus, 法納未亞 Flavia, 家窩赫  
Cahors, 納丁 Latine, 美所 Beaulieu, 若望 Joannes,  
加爾瓦畧山 Mons Calvarius, 聖神天主新臨降  
Veni Creator Spiritus.
- 六日 日爾曼 Germania, 閣諾你亞 Colonia, 恒士  
Reims, 羅白度 Robertus, 亞爾白 Alpes, 厄赫諾  
白 Grenoble, 赫日約 Reggio, 意 Italia, 家納比亞  
Calabria.
- 七日 馬濟彌諾 Maximinus, 西里亞 Syria, 瑟爾日  
城 Sergiopolis, 巴杜亞 Padova, 意 Italia, 肋河  
Nero, 斐爾等 Verdun, 家爾羅滿 Carlomanus, 白  
炳 Pipinus, 嘉新山 Mons Cassinus, 日路撒冷 Je-  
rusalem, 如德亞 Judæa

II INDEX SANCTORUM ET FESTORUM OCTOBRIS.

17 — S <sup>a</sup> Hedwigis, Vidua.	208
— B <sup>a</sup> Margarita-Maria, Virgo.	212
18 — S. Lucas, Evangelista.	231
— S. Andræas, Martyr.	234
— S <sup>a</sup> Sulina, Virgo et Martyr.	236
19 — S. Petrus de Alcantara, Confessor.	240
— Ss. Andronicus et Anastasia, Anachoret.	244
20 — S. Joannes Cantius, Confessor.	251
— Ss. Caprasius Fides et Socii, Martyres.	253
21 — S. Hilario, Anachoreta.	261
— S <sup>a</sup> Ursula et Sociæ, Martyres.	268
22 — S. Abercius, Episc. et Conf.	273
— Ss. Philippus, Episc. et Socii, Martyres.	281
23 — S. Severinus, Episc. et Conf.	289
— B. Joannes Bonus, Pœnitens.	291
24 — S. Martinus Vertavensis Abbas.	299
— S. Wulfilacius, <i>vulgo</i> Walfroy, Monach.	303
25 — Ss. Chrysantus et Daria, Martyres.	312
— Ss. Crispinus et Crispinianus, Mart.	314
26 — S. Bonaventura, Monachus.	320
— S. Domininus Martyr.	324
27 — Ss. Vincentius et Sociæ, Martyres.	330
— B. Elesbaan, Rex, Confessor.	333
28 — Ss. Simon et Juda, Apostoli.	338
— S. Alphonsus Rodriguez, Conf.	339
29 — S. Germanus, Monachus.	349
— S. Salvus, Episc. et Conf.	352
— S <sup>a</sup> Ermelinda, Virgo.	355
30 — B. Angelus d'Acridi, Confessor.	360
— Ss. Marcellus et Socii, Martyres.	363
31 — S. Quintinus, <i>vulgo</i> Quentin, Martyr.	368
— S. Wolfgangus, Episc. et Conf.	369

**INDEX**  
**SANCTORUM ET FESTORUM**  
**OCTOBRIS**

—\*—

<i>Die</i>		<i>Pag.</i>	
1	— S. Remigius, Episc. et Conf.	1	
	— S <sup>a</sup> Enimia, Virgo.	7	
2	— Ss. Angeli Custodes.	11	
	— S. Bavo, Anachoreta.	17	
3	— B. Joannes Massias, Monachus.	25	
	— S. Wulgisus, <i>vulgo</i> Wulgis, Anachoreta.	30	
4	— S. Franciscus Assisiensis, Confessor.	36	
5	— Ss. Placidus et Socii, Martyr.	67	
	— S <sup>a</sup> Flora (vel Flos), Virgo.	69	
6	— S. Bruno, Confessor.	77	
7	— Ss. Sergius et Bacchus, Martyres.	88	
	— S <sup>a</sup> Justina, Virgo et Martyr.	90	
	— S. Madalveus, <i>vulgo</i> Madalvé, Episc. et Conf.	91	
8	— S <sup>a</sup> Birgitta, Vidua.	97	
	— S <sup>a</sup> Pelagia, Pœnitens.	102	
9	— Ss. Dionysius et Socii, Martyres.	109	
	— S. Ludovicus Bertrand, Confessor.	112	
10	— S. Franciscus Borgia, Confessor.	120	
11	— Ss. Taracus et Socii, Martyres.	132	
12	— S. Edwinus, Rex, Confessor.	145	
	— S <sup>a</sup> Eusebia et Sociæ, Martyres.	147	
13	— S. Eduardus, Rex, Confessor.	154	
	— Ss. Daniel et Socii, Martyres.	158	
14	— S. Callixtus, Papa, et Socii, Martyres.	164	
	— S <sup>a</sup> Menechildis, <i>vulgo</i> Menehould, Virgo.	169	
15	— S <sup>a</sup> Teresia, Virgo.	174	
16	— S. Gallus, <i>vulgo</i> Gall, Abbas.	197	
	— S. Bercharius, <i>vulgo</i> Berchaire, Abbas.	202	



24

44-026

(9)